

艺  
桑  
集

黄天培自述



D 469  
\$ 2.00

開明書店印行

苞桑集

黃炎培著

# 集 桑 萄

民國五十一年一月初版

每冊定價二元

印刷者

開明書店

發行者

開明書店  
代表人范洗人

著作者

黃炎培

有著作權不準翻印

(100P.) K 萄 D 469

# 自序

詩有兩箇很名貴的條件。自從這兩個條件先後消失，詩的效能可云「若存若亡」。

第一個條件就是詩必須可以唱，並且可以與音樂配合。我的認識，詩天然備具着這條件的。古時所謂「依詠」，所謂「和聲」，就是這個道理。後來演變成不可以唱不可以入樂，於是另設可以唱可以入樂部分。例如樂府，例如詞曲都是。從此其他部分簡直認為當然不可以唱不可以入樂的了。偶然被人唱出，或譜入管弦。如唐朝《旅亭》一班伶人唱出「黃河遠上白雲間」，作者王之渙便大大地驕傲起來。再到後來，使得可以唱可以入樂部分，例如詞曲，也就漸漸地消失這條件了。而那些還可以唱可以入樂的部分，和詩的距離卻又一天遠一天。遠到簡直完全沒有詩的意味。如崑曲，多少還有些文藝氣息。至西皮二簧等，有許多簡直讀不下了。蜀中所唱川戲，許多詞句，至重煩。趙香宋先生替牠重製，希望保存一些文藝氣息。

第二個條件就是詩的辭句必須通俗，使一般人都能了解。現今所傳最古的「元首明哉，股肱良哉，庶事康哉」的歌詞，依我聽來，倒是很通俗的。因為我是生長在上海黃浦以東地方，我們

家鄉俗語。「是哉」「是也」這「哉」字和那「也」字都還保留着幾千年前通用的語助。三百篇中間許多作品讀出來越是覺得粗淺。覺得幼稚。覺得鄙俚。愈是顯出當時通俗漢魏以後便大大地分家了。這當然是受全部文章和俗語分了家的影響。祇賸下童謡和村歌還保留通俗的文藝。到了現在全國通行的國歌中「矢勤矢勇」句。某地中學生考試還解釋做「一枝箭射得很勤快。一枝箭射得很勇敢。」可以推想這歌詞在全國國人心理上究竟有多少影響了。當時白香山的詩說是老嫗能解的。我對這句話還有些懷疑。也許巧值這位老太太多少讀過書的。並且到了今天如果僅僅讀過語體文。還是不能了解舊式的詩。我家裏除了維鈞夫人以外。一羣女兒祇讀過白話文。我的舊詩給她們讀簡直感不到興味。

原來詩具有絕大魔力的。孔子說詩「可以興。可以觀。可以羣。可以怨。」現在呢。既不可以唱。又不可以入樂。讀出來一般人更不能了解。彷彿一個人五官被蒙住了。四肢被砍斷了。還能叫喚得起。鼓舞得起羣衆的情感麼。

這樣的詩到現在祇留下一種作用。就是孔子所說「可以觀。」可以看出作者的思想和性情。以及作者的年齡身分和他的環境。間接還可以看出當時的社會和作者所處的地域和時代。

以及從詩料中間看出種種文物制度。更如孔子所說可以「多識鳥獸草木之名」可是僅僅這些那夠代表詩的神妙和詩的偉大呢。

最近爲了對日抗戰，發見了不少新流行的詩歌，有的也可以唱，唱出來也能使一般人了解。同時也有可以入樂的，可是內容方面究竟含有多少文學意味，似乎有些還是問題。

這是我對於詩的一種見解。

請略述我學詩的經過。開蒙時，讀了唐詩三百首，九歲時，師出題：「家在江南黃葉村。」命我演繹成四句。我的首二句是「處士家何在，江南第幾村。」大得師的褒勉，把這兩句加上了密圈。有一天，某親長來出一聯：「相對一庭花，久而生厭。」我立對：「縱談千古事，快也何如。」小孩子經不起大人們誇獎的，從此我對於詩特別感覺興趣。入人家的書齋，見有詩集必亂繙，必借閱。十四歲時，秦介侯師錫圭指示我：學詩須從整飭凝鍊下手。到後來，工夫純熟，轉入自然。若舍難圖易，清空變爲浮滑，病將無法矯正。命我讀溫卿飛李山義一派詩，因此常覺欲寫寫不成。自弱冠後，受了新教育，更拋入九霄雲外了。到後來，走上了奇艱極險的世路，家國的憂危，身世的悲哀，越積越豐富，越激烈，情感湧發，無所宣泄。一齊寫入詩裏來。我天性愛好旅行，其中十之二三被迫逃亡，其餘七八。

自動地考察游覽。任何動機。耳所聽到。目所見到。心所感想到。大都寫入詩裏。民十四并門草十六。遼東草。都是小冊分贈友好。早年所寫國內國外各種考察筆記。以及後來黃海環游記之東。五六境。斷腸集。蜀道空江集中間一部分都是詩。到對日抗戰開始。詩囊裝得更豐滿了。可是自己認為滿意的還是很少。

我本沒有意思把所作的詩印成專集。抗戰流亡中。或歌或哭。祇想博取友好的共鳴。民廿七。在廣西曾印一小冊。名芭桑吟。因爲一月間在西江月夜曾寫一首西江月詞。末句。「擔當家國四夫肩。繫住芭桑一線。」就取以爲名。越積越多。到民廿九。在瀘州。承秦光銀先生過愛。拉雜付印。即名芭桑集。民廿九之末。以及卅卅一年間。大多數爲痛念先王夫人而作。又印小冊。名天長集。老友葉聖陶先生以爲我的詩尚有可存的價值。在成都取芭桑集爲我重加排比。準備付印。當民卅秋。在馬尼刺。老友顏文初先生曾慨然以重印芭桑集自任。不料斐島陷敵。顏先生殉國。而我的詩倒積得更多了。頑敵也終於投降了。葉先生和傅彬然先生更督促我擴大收集起來。一併付印。就把歷年作品。包括許多小冊。直到抗戰結束爲止。加以嚴格選剔。合成這本總名芭桑集。分爲三卷。共三百八十題。七百六十七首。最早是廿六歲江戶寓樓雨坐聯句。到末首先後跨着四十二年了。

上文不是提出過我對於詩的見解麼。既然認定詩有兩個名貴條件，何以這本集子還都是不可以唱，不可以入樂，讀出來一般人還是不能了解的呢？這得說明一下。我曾經不自量力，想做一種嘗試工夫。我有姪今吾，名自，被人稱為當今中國數一數二作曲家的。我對他說：我歡喜寫詩，而不會唱；你能作曲，又能音樂能唱，我們合作起來，倘能完成這志願，不好麼？今吾不但能作曲，也能詩。於古今人作品研究得相當精熟，不料工作還沒有開端，在抗戰初期，他纔過三十歲，忽然下世了。

我從六十歲那年起，決心試寫一般民衆能讀的詩。一時意興有所觸發，試為解放體。民卅在香港積成七十多首的時候，老友秦翰才先生為我付印，名叫白桑。到現在積成百餘首了。維鈞夫人很鼓勵我。她為我作天長集序，希望我繼續努力，在文學史上造出一條新的軌道。（這序文附在集後。）可是我對過去這些作品並沒有都滿意。其中一部分還和白話合得攏來，有的不過規律上解放些，凡學過規律的回頭學解放體，反而為難。難在既要白話，又要詩味，須知規律的詩，雖詩味少些，規律會掩蓋牠的醜陋。白話詩而沒有詩味，醜陋完全暴露，簡直會使人家讀不下去。天假我年的話，我對這種工作還想努力幹一下的。

「不薄今人愛古人。」我同時繼續願寫和本集一樣的詩。末了我還得說明一下芭桑兩字命名的意思。

「其亡其亡繫於芭桑。」這是古語易的否卦爻辭引用這古語而略去了上文的主名。「其亡其亡。」這逃亡的究是什麼應是畜類。芭桑是初放葉的桑。畜類繫在初放葉的桑樹下。因飼料不絕地取得而不至於逃亡。象徵着中華民族遭遇國難正在垂危的時候。因天然生活力的腴厚國命有託。不至於滅亡。芭桑是象徵新中華憑着她的天賦發出蓬蓬勃勃的生氣。這蓬蓬勃勃地新的生氣不怕淒風暴雨的外患也不怕蟲蝕鳥啄的內憂牠的生命自然存在對日抗戰這樣以後還是會這樣我愛中華我愛芭桑。

民紀卅四年十一月對日抗戰勝利結束第三個月黃炎培渝都

# 江序

最近黃任之先生把他抗戰勝利以前歷年所作詩歌選錄了七百餘首。名曰「苞桑集」。將付印。自己並在集前做了一篇長序。詳述他的作詩經歷和見解。寫定後。特地託我替他校閱一次。並要我爲他做一篇序文。以我的謫陋。那裏能爲他老的詩做序呢。可是以我平素愛讀先生之詩。與先生有三十年的交誼。可以算是能深知先生之爲人。因此遂決定來嘗試一下。

要敍先生之詩。先要略述先生之爲人。更要先敍我與先生知交的經過。

我知道任之先生還是在遜清末年。那時先生在江蘇諮議局當議員。報上登出他所提議案。我看到了。覺得這位先生很有見地和勇氣。便非常表示欽佩。民國成立以後。先生在江蘇省府主持全省教育行政。次第籌辦省立各中學。曾約我任蘇州第二中學校長。我以年輕學淺。未敢應聘。當時記得曾通過一兩次信。到了民國四年。纔在北京會面。神交既久。握談極歡。從此便不斷通信了。正式共事。算是在民國十七年。我到中華職業教育社擔任辦事部主任以後。從十七年一直到現在。可以說皆在一起。偶爾離開若干日。會見時先生必出示所作詩。通信時也往往在信後餘紙。

或夾入小紙條寫示他的近作。記得在民國三十一年，先生曾寫贈我一聯云：「愛則兄事，敬則師事，形影相依。」交君二十載，出處與偕。患難與共，河山未復，勉此一雙肩。」先生所謂「二十載」，殆指十七年共事以後。實則合神交時期計之，竟有四十多年了。先生對我真有點太客氣。論年紀，他老長我七歲。論學問文章事業，他老那一項都強過我。如何能說「兄事師事」呢？這樣說法，未免使我太慚悚了。至說到「形影相依，出處與偕。患難與共」，那卻是事實。再說做詩罷，我更是異常幼稚粗疏，偶有撰作，得暇時也嘗寫出來向他請教。他老高興起來，也會爲我指示或加改正。因此我嘗以「詩夫子」呼之。先生輒爲之莞爾。

任之先生是天生成一副俠骨慈腸，錦心繡口。就他一生來說，得之於天者，真有厚而無薄。可是得之於人者，就不能不說是厚薄相間了。此處我要特別聲明一下。所謂「得於天」，是指他的性格天分。所謂「得於人」，是指社會對他的待遇，並不如通常人所說的先天後天。

先生早歲失怙，這是在他的詩中常常提到的。尤其對於慈母，哀念最深。集中載有哭母詩好多首。先生既少處貧困，又是天才超卓，立志向上，在二十歲左右，經過一個較長時期的刻苦勤學，便把國學根基深深的植立起來。寫出文章，峭拔清健，傲岸不羣。有時也能筆歌墨舞，酣鬯淋漓。

學詩從溫李入手（如自序中所言）也是在這個時期。

先生不但是邃於學，雄於文，而且是長於處理事務。聞其鄉友言：「先生在少年時，凡親戚鄰里有喪葬事，多是請他任帳房的一類繁劇事務。先生也很有興趣的願為人家幫忙。」他更是儒而兼俠，好急人之急，拯人之難。有時為人打抱不平，竟忘卻了自身的利害。這一股傻勁，直到現在年將七十，猶未見鬆減。看他的五十自勵詩有：「化汝臂為雞，一聲天下白。化汝尻為輪，度人累千百。一日不縣解，中道敢汝畫。」又「太歲在癸卯，六月命未畢。恐此復偶然，舌存尙奚恤。」等句，也可以明白他的個性了。

通常文人總是好靜的居多，獨有這位老先生恰恰相反，一味主動且動得不休。因為他生長在距離上海很近的江蘇川沙縣。（在前清為川沙廳學在上海，所以先生是以上海縣學的諸生，中式江南鄉試舉人）吸收新知比較便利，同時感發的機會也最多。先生在中舉前已入南洋公學特班，從國內有名的維新大師蔡子民先生肄業，旋加入「同盟會」。大概他是痛心清廷政治之腐敗，以及種種喪權辱國的情形，比常人格外來得深切。此時先生慷慨奮發，精力彌滿，卓然以改革舊社會為己任，在鄉聯合同志到處倡導革新，視舊科名已同敝屣，所以兩次會試均未參加。

有一次偕友赴鄰縣南匯演說被縣令逮捕入獄申詳以「私運軍火潛謀不軌」的罪名江督電令就地正法幸電到前半小時爲美籍某教士保出至是乃亡命走日本經年始歸辛亥革命前數年助南通張季直先生等創設江蘇學務總會（後來即改爲江蘇省教育會）任江蘇諮詢局議員不畏強禦提出彈劾大吏及整理教育各議案直聲震遐邇武昌義軍起先生奔走革命工作尤力集中壽程雪樓先生詩有「黃鶴樓前江水飛如瓦砉解存者稀」「我衝衆命軍門揖早開英斷赤幟立」等句自是紀實之言江蘇都督府成立旋又成立江蘇民政長公署先生任第一任教育司長他真是有理想有辦法首先便確定了縣辦初等教育省辦中等教育的原則把舊時全省各府各直隸州所設的中學一律改爲省立同時有一種「實用教育主義」的主張提出此項主張在今日已成常談而在當時則不能不說是卓識其他關於全省教育經費的整理職業教育機關的籌設（當時稱實業學校）社會教育的實施各國留學生的遣派無一不是排除舊障創立新規江蘇教育在抗戰前二十多年來能有長足的進步未嘗不是最初基礎打得比較好我想縱是極不滿於先生的人也不能否認這個事實罷。

先生在江蘇教育司長任時爲籌畫高等教育首先注意到師範當時曾請於中央政府教育

部就南京前清兩江師範學堂舊址設立高等師範學校以養成中等教育師資籌備經年始得成立先生於此出力不少此校就是後來東南大學今日中央大學的前身現在出身此校的人才對國家社會貢獻怎樣恐怕也是有目共見的事罷

先生在蘇把教育行政上幾件大事辦得有頭緒後即飄然去職但是他的去職並非消極的退避乃是更謀積極的進展此時大概是在民國三四年間罷他以申報旅行記者的資格到國內各地去游歷隨時發表「教育考察日記」於商務印書館所出版的「教育雜誌」這時我猶未識先生之面卻已愛讀先生之文大致游蹤所及發為吟咏旅行中詩也不少（可是此次「苞桑集」中所錄入的並不多）未幾復有美國之行秉精銳的眼光運深湛的思考既深明國內教育實況復詳察新大陸文化發展的淵源返國以後深感國內有急切提倡職業教育的必要因於民國六年聯合國內教育界及實業界負有聲望人士發起組織中華職業教育社斯時江蘇省教育會在海內雅負重望長會事者前為張季直等諸先生後為袁觀瀾先生而先生與沈信卿先生在會中實居中堅地位中華職業教育社最初即分借教育會一部分房屋辦公後乃自設學校自辦工廠且自建社所至今中華職業學校中華鐵工廠猶在不斷發展進行中二十八年來職業學校

畢業生散布在國內外公私各機關服務者已有七千餘人。先生於職教社成立後即赴南洋羣島聯絡華僑返國即籌復暨南學校。後來此校便發展為暨南大學。記得在八年至十年又曾繼續去過南洋兩次。先生既純以「動」的精神創辦各種文化事業。同時又勤於記載。敏於思索。善於組織。每一度旅行歸必著成一書。而書的條理無不精密。內容無不豐富。其文筆的條達精美。尤具有吸引讀者的特殊魔力。當時我便是被吸引的一人。

先生此時在全國教育界已經是名望大著。聲光炯然。因此北京政府兩度任命他擔任教育總長。他皆是辭而不就。可是「名滿天下。謗亦隨之。」至是猜忌他和毀謗他的人也就不免起來了。他的不願投身政界。不願從事政治工作。在當時卻有他的見解和理由。他以為報國之道甚多。而教育實為之本。故傾注其全力在教育文化方面。尤其特別側重在職業教育方面。先生對於高等教育則注重師範。注意實科。既經發起創設了南京高等師範。旋又奔走籌畫在南京設立了河海工程學校。復和袁觀瀾沈信卿兩先生籌設成吳淞同濟學校。後來河海併入中央大學。同濟進成大學。此兩校畢業生對於國家社會的貢獻恐怕也不能算小罷。

大概先生發起創辦一事成功以後。付託有人。即不復十分過問。祇有中華職業教育社及其

所附屬的事業。先生認為是他一身生命之所寄託。始終其事。未嘗脫離。此外在民國十三年。又曾約集幾位同志。創辦了一個「人文社」。專用以搜集史料。加以編製。後來經過不斷發展。社內復有圖書雜誌索引的印行。月刊叢書的出版。經費不足。一再募集。費盡苦心。其中一部分便是現在上海市的私立「鴻英圖書館」。這兩種文化事業機關。可以說是他老一生心血傾注最多之地。

在民國十六七年間。國民革命軍北伐成功。有一部分人對於先生抨擊頗力。斯時先生也頗有意休息一下。因將中華職業教育社辦事部主任辭掉。謝卻一切。杜門著書。當時會有幾首詩寫他的特殊心境。未幾又復有朝鮮之行。歸來未兩月。即有一厚冊「朝鮮」。著成出版。歷時不久。國民黨中央黨部及國民政府對他也就完全諒解了。雖然一小部分反對他的人還有。先生此時雖不做中華職業教育社的當家人。但仍照舊擔任社董事。且兼管一部分農村職業教育工作。有時社內同人到他處集會或參觀旅行。先生也還是欣然參加。平時舟車往來。我與他同在一處起居時特多。他老除和同人談話外。總是手執一卷。或批或摘。不肯稍停。好像在民國十八九年間。先生正編著一部中國教育史。他為搜集各書中資料。在乘車時。皆是帶了古書若干冊。是時職教社在江蘇崑山縣東鄉徐公橋地方辦了一個「農村改進會」。先生和我不斷地到彼處視察。先生樂

其地風物之美。且喜其事工之將成。會作有幾首興趣閒適的律詩絕詩。載在集內。

先生忽然熱心到政治方面。可說是始於民國二十年春一度日本之行。當時我也是和他同去的。去的目的是在考察日本中學改制後的職業教育及社會教育。補習教育。農村教育。職業指導等實施狀況。結果在教育方面竟發見了日本許多進行侵略我國的毒辣陰謀。老先生於驚心動魄之餘。竟把他平昔的思想轉變了另一個方向。返國以後。他曾以在日所見聞。進言於政府當局。冀其有所準備。果然時隔半年。「九一八」的奇變發生了。接着次年淞滬又發動了「一二八」的抗日大戰。此時先生爲了國事。奔走聯絡。竟至廢寢忘餐。由組織上海市民地方維持會。進而改組上海市地方協會。均是先生任會中祕書長。純以一人聯絡各界。且以一身當萬分繁難之衝。絕對不知何爲艱苦。何爲勞瘁。其精神感召風行草偃。願和先生共負艱鉅。同賣氣力的。若老輩。若青年。所在多有。從民國二十一年「一二八」至二十六年「八一三」。在此五六年間。可以說先生竟無一時一刻忘卻了。或停止了救國行動。有時發爲詩歌。也皆是於極度悲憤沈鬱中寓有發揚蹈厲之氣。初則集合同志編印一種「救國通訊」。以通各方聲氣。嗣經發展。改成「國訊」。先生曾經與同人商定。爲此期刊寫成四大信條。曰：「高尚純潔的人格。博愛互助的精神。游俠好義的。曾經與同人商定。爲此期刊寫成四大信條。曰：「高尚純潔的人格。博愛互助的精神。游俠好義的。」

氣概，刻苦耐勞的習慣。」這便是他老人生觀的寫照。迄今「國訊」這個刊物還是在繼續編行中。

民國二十六年「八一三」全面抗戰發動。先生和我初則來往於京蘇徐魯聯合進行救濟工作。迨國軍西撤，乃西行至漢至渝。先生初任國防參議會參議員，繼任國民參政會參政員。從此奔走西南各省市。爲川康建設期成會瀘州辦事處主任。爲政府勸募戰時公債委員會常務委員兼祕書長。同時爲中華職業教育社籌辦各種事業。爲各大學青年講演，精神奕奕。老而彌健。中間不幸，曾遭受了一個「斷弦」的打擊。以先生的情感熱烈，猝然失去了四十年來賢內助。當然異常感傷。其見於詩歌者，有「天長」等詩，載集內，真是一字一淚，令人讀之感動。所幸後來續娶得一位能詩能文而又善理家政的姚女士，閨門倡和，其樂融融。但是先生愛國的熱情，並未因之稍減。在敵人投降前的二三年，更竭力鼓吹並拼命奔走於和平團結統一。持有「三合作」說，即「政府與人民合作，中央與地方合作，此黨與彼黨合作。」其見之於詩者，有「早從不息識天行，亦仰猶龍悟不爭。憂國心腸三合作，照人肝膽兩同盟。」等句。先生早歲入同盟會，如上述，自任「政治協商會議」會員，既以一己廁身於「中國民主同盟」，遂慨然以愛國救國的中間性政

團一分子自居自勉。因之外界未深知先生的爲人而對他不諒解且加以不滿的批評者也未嘗沒有。但先生總是本着一己良心不顧毀譽。盡其在我。故東歸以後。曾有詩云：「老叩吾心矩或違。十年祇共憶無衣。立身那管人推挽。鑠口寧愁衆是非。淵靜被毆魚忍逝巢空猶戀鳥。知歸誰仁誰暴曾堪易。何地西山許采薇。」（此詩爲三十五年二月以後所作。故未錄入集內。）有一次先生對同人說：「我近讀羅斯福自傳。他有『在中立的大道上略略偏左』一語。可謂『實獲吾心』。因爲我也是持穩健前進的主張。中立不偏不倚便是穩健。隨時前進便是略略偏左。」於此也就可以明瞭先生對於政治的看法和態度了。

總計先生在社會服務五十年。最初熱心於革命。繼乃努力於教育文化。終則奔走國事。又復轉變到政治一方。可謂無一時不以人羣國族爲念。因此在努力服務的長途中。遇到坎坷荆棘。卻也不少。但先生從不因之短氣灰心。即如詩歌所表現的憤慨的情緒。雖然不免。而消極的態度。則絕未之見。

先生持躬嚴正。言笑不苟。但也不是沒有風趣。一味板住面孔的人。有時作諧語。也令人解頤。往往和我小別相逢。談次便手拿小皮包。開取出一小紙來。笑容可掬的說：「我們來先公後『私』

(詩與私同音)一下看看近作如何。」可是有時因為情感衝動也會小發脾氣發脾氣的時候。言語不免有一些雜亂恐怕不深知先生的人因此不加諒解的也不能說沒有。

先生今年雖六十有九而身體之健精神之好往往四五十歲的人還不能及做起事來可以繼續經過較長時間不感疲倦作起文來更是精神飽滿一字不肯放鬆他從事教育文化政治各工作終日用腦用口用腿用筆幾無一息之停忙裏偷閑的惟一自娛方法就是做詩可是先生也頗好游覽所以他的詩內說「天生萬物皆吾與論交四海恨猶窄問客何好惟好遊七萬里程接几席」游覽時當然詩的材料供給比較多做詩的興趣也比較好了加以他的情感濃厚精力過剩更是促進他成詩的重要因素先生做詩皆是興到落筆雖然語必求工卻是絕不把這件事當做他的重要工作所以吟成以後並不另錄成冊多是隨手記在日記本上或寫在零碎的廢紙條上綜計四五十年來所作之詩尙未滿三千首此次「苞桑集」所選錄的祇有七百餘首古近各體咸備且各體俱佳以我所知還有若干首解放式的白話詩皆未列入集內他老自序文內說過「作詩是先從溫李下手的」就這一點看先生的詩比較重詞藻重鍛鍊卻是事實但是我通觀全集認爲先生之詩是不主宗派不立門戶的若是主觀一些來說其中沈鬱頓挫一類似乎近於

少陵的成分居多。而新奇飄逸一類。又似乎和太白東坡相近。我平常論詩。主張「思力」「趣味」「音調」。要三者並重。而先生之詩。確是思力沈厚。趣味雋永。音調鏗鏘。本來先生是天分極高。而又注意工鍊。所以寫景能體物入微。翦裁精妙。抒情能一唱三歎。意味深長。用思則神識超越。一空拘滯。用筆則流轉爽利。左右逢源。且時有奇句警語。令人讀之神移心動。其爲古體長篇。則渾涵汪洋。千彙萬狀。律詩絕句。更是筆勢逋峭。不落恆蹊。殆真能取唐宋諸家之長。而自成一種新製者。

先生近十年來。因痛心國家和人民遭受了空前災難。除以文字口頭沈痛表示外。在詩歌一方面。所有描寫。所有呼籲。所有感歎。尤與少陵偏重「寫實」的一派作風相近。其中有一部分。卻也近於香山。我曾記得有人論唐代詩人李杜兩家的異同。謂李爲浪漫。杜爲敦厚。李爲出世。杜爲入世。李爲發撫個人頹廢的心情。杜則好描寫社會的實況。李是個人主義。杜是利他主義。李於社稷蒼生不甚注意。杜則時以民生疾苦爲念。若依這個標準來論「苞桑集」。則先生五十歲後的詩。更可確認其與少陵相近了。若論其才思卓犖。筆氣超脫。有時或竟勝過少陵。這也是因爲先生先天的才力優異。而感受的時代影響。又今古不同。「青出於藍」。殆無足怪。少陵論詩絕句。曾有

「不薄今人愛古人」及「轉益多師是我師」的話可知在少陵自身已經是以「取法前人擴大自我」自命了。後來之士承受前人遺產而又善於運用。益以時代和社會日趨繁複所見所聞所感範圍不斷開展。材料也不斷增新。則今人作品勝過前人那更是自然之理必然之勢。

先生之詩既不專主一家一派。而又能兼取諸家之長。當然於「繼往」以外。兼具「開來」。因此細繹全集中各詩的前後線索。的確可以指出他有一部分創造作用。存乎其間。本來中國歷代較著名的詩家。雖然說他所作的是祖某宗某。實則在繼述他的祖若宗時。已不免有一部分的開拓和變化。不過分量程度高下各有不同罷了。到了今日。中西棟通。更感覺到人類社會一切一切。皆是天天在動與變的過程中。人事如此。附麗於人的文藝。當然也不能例外。因為新環境。新事實。新理想。確有促使他不能不變的一種力量在那裏。前人論到詩文變遷。皆說是「風會所趨。無可如何」。實則所謂「風會」。也就是人類社會的變動。先生既是一位絕頂聰明的人。又是性情愛動的人。自然是好「進」。好「新」了。性格如此。行動如此。在藝術方面。又如何能停滯不變不進呢。先生的創作品白話詩。此次未列入「苞桑集」。大概他老是以爲集中所錄的。皆是舊式詩體裁既不一致。故爾將牠割棄了。實則通觀這七百多首的舊式詩。其中革新之處。已著實不少。甚

且如英文「V.」也可用作材料。那還不算新麼。做詩要向「新」的一方面發展。先生在自序文中已有這樣說法。我很希望他老能在這一方面再繼續努力下去。

我在上文業經一再說過。先生並不是專以做詩為事的一個詩人。他的做詩是以工作的餘時餘力遇到感興偶一為之耳。若說是「言為心聲」或「詩言志」呢。那末讀一讀這七百多首的「芭桑集」也可以看出這位老先生為人的大概。

我實在不敢冒昧大膽來為先生之詩做序。但因知道先生較深。相處又極親密。同時我對於詩也還有一些興趣。平昔又是愛讀先生之詩的人。所以竟情不自禁的寫出這一大篇雜亂無章的序文來。還請先生有以教我。

中華民國三十五年五月二十六日江恆源寫於滬寓補學齋

# 目錄

## 自序

### 第一卷

民紀二十年「九一八」以前凡四十二題八十一首

秋意

婺源道中

上黃山

自滻過寧之濟南

題秋鐘草疏圖

滇越鐵道中

太原道中

偕內子糾思自包頭綏遠還京師將重赴太原糾思送我登車而自還南

忻州留贈陳（芷莊）陳（乙和）

介廟

蘇山

大勝關東南大學農場二首

懷梅庵梅二首

湖樓坐雨翌晨弔雷峯塔有贈二首

偕袁觀瀾（希濤）諸人游蜀山四首方惟一（還）約而未至

五十自勵五首

兒方剛與美女結婚詩以勸之

糾思同遊

渤海縱談身世詮次爲詩

答贈大連宗風浩然兩詩社中日諸友

星浦中秋望月五首

秋之星浦

朝鮮道中七首

題袁觀瀾之先人霓孫畫與泉塘吳蓉書合裝卷子

滻寧道車站卽景三首

答仰弇

病中有贈二首

贈友

題沈肖韻姑丈（毓慶）遺象

哀梁任公（啓超）

徐公橋曉行五首

杭州雜咏四首

壽程雪庵居士（德全）七十

吾宗允之叔（守孚）出侯廣成與黃陶庵論學書副札

索題

祝馬相伯先生（良）九十一齡壽

答友問近狀

徐公橋秋望三首

游鄧尉蔡子民師（元培）張仲仁（一麐）黃齊生何夢麟等三十六人俱四首

徐匯之曉

江戶寓樓

## 第二卷

從「九一八」至民紀廿六年「七  
七」止凡九十題二百二十五首

雨坐與顧冰一劉三仿柏梁體限順次盡覃韻

- 哀徐志摩空行機墮死三首 西湖 追悼「一二八」淞滬抗日陣亡將士二首 吊吳淞 晚步湖濱成一首 晨湖雨 歷下懷舊六首 悼方惟一（還）五首 中秋攜家人泛西湖簡友人四首 程雲岑得孫吳古泉文曰大泉五千以名其室題四絕 哀于瑾懷（定一） 尋夢 三十年前灝受刑地實爲南匯因復偕遊南城讌集香光樓留贈 題南匯葉超宗鳳毛清乾隆辛丑六月手臨三藏聖教序帖適遊新場訪公故居歸 登中山陵 觀靈谷陣亡將士墓旁油畫惠州之役 義軍行五首 癸酉一月北游雜感七首 热河避暑山莊感賦 王申一二八之役蔡望之奔走最力常攜其兒輩爲輸送役題其所著國難日記 穆恕再（湘瑤）六十歲賦贈三絕句 令儀將遊西湖示我二詞吐秀成春鈞愁到骨報四絕句以廣之 題西湖汪愬予宅 旣序蔡蔚挺（敬襄）手輯江西省城塲圖譜更題一律 重六教師節揚州留題 攜家人玄武湖泛月 哀彭禹廷 鄒平歸途寫景寄別梁漱溟王炳程諸子四首 不忍歌 十月三十日曉湖 湖吟十二絕 偕張表方虛作爭鮮特生遊莫干山十首 題曾文正清咸豐九年八月十七日黃州行營手批梁令稟帖墨蹟二絕 蔡蔚挺寄示程柏廬（時燈）三年前被拘南平詩及其和作三絕句卻寄并寄柏廬 里居主修川沙縣志聚父老子弟宿觀瀾小學文照堂水榭日課一詩得六首 川沙城西北真武臺道觀也住持比丘尼諦香募成新築借居修志三宿留題 過杭即景 柯巖禹廟 紹興農村所見 紹興東湖 吼山 雪竇 奉化至新昌道中九首 新昌 天台下雁蕩過上馬石村留贈胡仲侯 雁蕩 永嘉中山公園所見 舟山半日遊 千齡宴第二集壽馬

相伯先生九十五呈四絕

江行

廣昌歸來

匡廬謠

四海

小天池梁和甫手創楊翼之分寫

廬招宿十日留贈

漕河涇農學團

屋前兩桐樹二絕

重九西湖謝客讀琴隱園詩寄秋水山莊主人史量

才（家修）

題湯貞愍

雨生小像應其曾孫定之屬

趙竹君（鳳昌）八十馬雋卿（士杰）七十李耆

卿（錫純）六十江問漁（恆源）五十集趙惜陰堂公祝

樂農招遊太湖衛玉惠泉明劍偕

非有齋額

字書成被竊改題非非有續以兩絕

壽相老人九十六齡

寫懷二首

觀涇惠

渠留贈諸工師並懷李宜之（協）

華山

乙亥七月青島有贈

勞山記遊十二首

虞山懷舊三

絕

江行十首

青城山

劍門

溫泉峽

留題峨嵋縣城兩絕

大字歌

自鄂飛陝空中作

大風中空行

悲王光

祈客死歐洲

壽韓止石（國鈞）八十齡三首

哀顧君義兩首

九九歌三首爲兄濟北（洪培）壽

蕪湖築懷爽樓紀念袁爽秋（昶）寄題二首

浙贛道中

剛生日同上峨嵋金頂作

留題峨嵋縣城兩絕

北碚溫泉公園三宿留題三絕

成渝行

兒方

禱客死歐洲

壽韓止石（國鈞）八十齡三首

哀顧君義兩首

九九歌三首爲兄濟北（洪培）壽

蕪湖築懷爽樓紀念袁爽秋（昶）寄題二首

浙贛道中

青雲譜

西江八首

宿臨川溫泉

民國二十六年重五節訪沈衡山章乃器王造時沙千里鄒韜奮李公樸於吳門羈所題其畫冊

## 第三卷 從「七七」起至抗戰勝利結束 凡二百四十八題四百六十一首

自京之漢舟次王仲武出示明季龔半千輩江南名士畫十二幀題四絕

自武昌之長沙二首時京滬既陷矣

登嶽麓拜丁在君（文江）墓

民國二十六年除夕自長沙抵桂林

雷渭南就其親家易熙吾宅餉

我精美素食座有林烈萼暢談欲醉時敵陷兩京矣索詩率應

題林烈萼西陲紀畫冊

西江行

登貴

縣石達開紀念亭有感四首

自梧州東下流連廣州香港間十首

素食答客問二首

自離上海七十

日來行七千里矣寄懷諸友好兼示吾家兄弟子姪

榕城卽事十二絕

贈林隱青將軍（虎）

百歲

藝 桑 集 目錄

四

- 凱旋長句凡九十九言爲九十九齡馬相伯先生壽 赴徐州敵三面包圍中人心轉安士氣大盛車過芒碭間  
董西銘得大風句足成之 漢川觀青年訓練 梧桂道中 興安訪湘灘同源處有分水塘在縣東五里  
許不果往 孤懷 自桃源之沅陵五絕句 我生第二戊寅年七月對日抗戰一年矣 自己亥結婚  
于今四十年矣爲長句寫之箋寄贈糾思上海 贈女作家湖南謝冰瑩又將赴前敵得三絕句 國民參政  
會開幕 自漢飛渝途中四首 過內江訪諸舊好談酒精製造廠甘蔗試驗場諸新建設 戊寅八月宿  
成都諸兒女茅舍七日留題 川黔行 貴陽雨中訪達德學校舊好新知生離死別感而賦此 吳達銓  
省主席（鼎昌）陪遊黔靈山 贈達詮五絕既讀前溪詩艸復數度傾談以此期之 黔行十絕句 汪  
崑生蔭青夫婦及許克誠妹倩招飲耦畔亭賦贈 朱吟江顧吉生同遊賓陽有所見吉生謂不可無詩因成四  
絕 偕吟江吉生重過貴縣樂羣社留題遠望東湖翼王亭依依弗釋 哭劉三并跋 內子久病獲愈相  
見香港合題影 寄懷滬上滬會江浙父老兄弟兼悼張鎔西（耀曾）寫箋傳觀以贈座中年最少者 論  
畫一絕 寫贈黃子靜 贈天文臺主編者陳向元 五度梧柳 百言長律祝馬相老百齡 民紀  
二十七年十月二十八日當陰曆戊寅九月六日吾生及六十周歲矣寫懷三首時自桂之渝次獨山 戊寅重  
九黔蜀道中 西陲可守也 題丁希農藏王陽明講學書札墨蹟卷子 邓海 會理道中 會理  
道中贈同行諸子四首 留贈黃水鄉小學 宿黃水鄉小學有感 蕭山何庚良伉儷招飲卽席贈之  
題張伯常（篤倫）藏其外曾祖李竹泉（守璠）畫冊 贈耿季釗（心）薛健之（樹薰）招餐 贈吳適  
均二絕 奉答康陶然二首 留別黃忠昭二絕 越窩道中 隨筆 寧屬歸經漢源道中 建  
昌歸途重過大相嶺八絕句 增三台東北大學一首有序 三台卽事二絕句 漢川鹽務局後園有梅  
云是唐時物題壁

首 留題楊氏鳳灣新邨六絕句

留贈王獻唐 隨筆一首

再贈楊伯皋及其羣季

玄灘場集

自新良民演講至深切處皆大哭

讀邵潭秋培風樓詩續集題贈

自張園上觀音巖

渝州南山暫宿

宜賓空警

留題方山雲峯寺在敵機四襲聲中舉辦地方行政幹部訓練

奉答梁叔子七十生日感

賦廣其意以爲壽

述百年來浦東學派悼秦丈硯畦（錫田）兼示顧冰一（次英）奚挺筠（世榦）張伯

初（志鶴）沈湘之（錡）秦翰才姚惠泉顧向文諸子及濟北家兄（洪培）孟超姪

輓吳表姑母沈太夫

人并跋

奉和褚慧僧（輔成）六八初度之作

自瀘州之赤水河道中二首

憶華西壩

成都空

警散步西郊歸爲鄉人演說亭林故事三絕句

贈謝元量 贈凌竹銘（鴻勛）

霧四絕

何敘甫

（遂）繪西北遊程長卷奉題

天長七首（附先室王糾思夫人行略）

寫懷二絕示流亡諸子

劫

後張園散步三絕

亡妻百日祭

懺懲

渝州初謁趙香宋先生（熙）奉呈

香宋先生退隱三十

年矣頃者門弟子自其籍榮縣車迎來渝文燕無虛日獨北泉禊集余未獲與饗荷代拈得長字因賦呈兼示諸君子

成都雷雨 飛演募戰債

黑龍潭明薛爾望全家殉國於此

答由夔舉（雲龍） 李希平

（培炎）見招餐宿溫泉別墅留贈

既辭川康建設期成會第二辦事處主任職留贈蜀南諸友好二首

寫贈楊臨澤 贈羅慈威將軍（卓英）

贈林繼庸長經濟部工礦調整處主持工廠遷川成功

壽馮

煥章將軍（玉祥）六十 敵機夜襲

青山道哭亡者 題吳江徐孝穆印存

題王濟遠畫張仲仁

（一塵）小象 贈杜月笙（鏞）

香港太平山道晚眺 贈錢新之（永銘）

別馬尼刺二十年

矣寓樓卽席贈新舊好二首

贈桂華山題其郊居 分贈二十五年前斐遊共朝夕之顏文初于以同張筠

采藍季獻 馬尼刺贈朱少屏

林子豐九龍宅招飲卽席感賦

九龍青山道雜感四絕 栽花六絕

東溪一宿 出征亭

烏江橋

爲凌惕安題其先德光庭先生冰鬢雪笠圖

花溪初遊吳前溪

- 歐愧安爲導卽贈 生死十三絕 賴貴謠 小麥育種專家沈宗瀚夫人沈驪英積勞歿於試驗室悼以五絕 謝王王孫以正氣歌句叢刻拓贈 贈周季悔知乃叔孝懷在津無恙時季悔長民食供應處 江元旦 內江道中 顧佛影寄示所作還朝別耽忠記諸抗戰雜劇及傳奇卽贈 王孫歸 一年
- 陳三才 王白與嘗示我游女德純詩絕妙頃聞祝髮感賦 畫 題徐聰佑夫人畫二首 題聰佑夫人畫紅梅四絕 題聰佑夫人畫牡丹 百年歎 觀周方白及其夫人陸傳紋  
亭曰寅初亭徘徊其下成一絕 韓止石（國鈞）耆年罵敵不屈死哭以四絕 夢五絕 沈衡山假朱氏熙園招飲同席張仲仁子右任江翊雲郭沫若諸子卽席六絕 既讀郭沫若所爲屈原劇本復觀上演成二絕句 車中謠三首 訪問漁渭潭臨行并以留別得八絕句 答贈浙江大學祝廉先教授（文白）
- 旣別問漁渭潭還寄兼貽黔中諸友好 讀屈原劇本與沫若唱酬之作和者紛紛感而賦此 黃桷坪道中  
題豐子愷爲俞友清畫紅豆卷 佛座蓮 悼譚創之（其莊）早歲銳意革命晚乃長西康省參議會  
水死 重遊青城常道觀 常道觀臨別留贈心瑩道士 答王公瑛 漢威雜行七首并序 不見郭海封（景岱）  
三十年矣忽握晤於梁仲華灌縣寓廬卽贈并示仲華 答王公瑛 題張表方所著說仁說義兼爲之壽  
題王白與藏清乾隆間李復堂（鱗）畫竹卷畫凡四紙其一爲陳石遺索去 秋 維鈞修畢大學業寄贈  
（附維鈞作有感調寄沁園春） 靈璫詞後三絕句（附靈璫詞） 題維鈞扇 答穆藕初 婚後  
自渝東瀛張伯初並諸友好半年前灑報訛傳余婚事輯入珍聞 重九謝友約醉 國民參政會卽事二絕  
（附維鈞作） 送問漁返渭潭 重遊北碚溫泉公園維鈞偕行得八絕句（附維鈞作） 此日三首  
悼熊純如（育錫） 爲胡叔異題畫梅 贈藕初二絕 答寄陳筑山蓉郊寓廬有贈 元旦偕  
維鈞攜兒必信江上行 有感（附維鈞作劫後渝州公園江亭晚眺偕外子作調寄大江東去） 月夜贈

維鈞

舊曆歲朝立春共維鈞聯句

舊曆歲朝立春壽沈信卿（恩孚）八十

新春雪飲蘿初家卽席

贈鄉訊 妙高峯歌爲方子珊將軍（先覺）作

喜雨二絕 清明渝都江干望祭先父母

明渝都江干望祭先夫人七首 春歸 悼牛厚澤三首

蔡蔚挺寄示其十齡孫德達摹刻贛縣精忠祠

岳武穆送張紫巖北伐詩卽題卻寄 六六生日祭母四首

雨中送問漁返湄潭 衡山七十初度公子叔羊就棗子

茅臺酒 悼穆蘿初

女當時生四十韻

贈李思敬與工程師楊子英婚 題沈叔羊畫

嵐煙樓居所見畫長幅以娛之成三絕句

郊居

春訊五首

政實施協進會成立後作 所見二絕

周定宣（廷元）自天水寄孩用飾物贈我新生女答謝

歲除枕次

送從軍青年

長兒方剛先我物

化自渝之蓉將轉樂山親臨之途次三首

題羅伯濟青城集

題羅伯濟北征集

題陳夢龍先人輝山

遺墨 都江三絕

贈吳庶咸有序

眉州

工師

黃桷

過榮縣寄呈香宋

答謝杳宋見

贈兼示翊雲

哭方剛墓（附黃方剛墓志）

贈柯定礎（璜）

輓沈信卿

題畫松柏 不成

爲復旦大學諸學友講憲政畢宿北泉共內子維鈞合作一首自作一首

聰佑夫人畫菊十二本有以大紅袍名者爲題二絕時抗戰暴日及八年矣

渝都江蘇同鄉會大廈落成四絕

初秋觀音巖下

齒盡脫行嚴就參政會席爲一詩嘲之強余同作因卽席成二詩

哀韜奮有序

題畫桐花 寿江問漁

（恆源）六十歲五首 答金靜庵（毓綏）有贈

寫實 南泉行七十韻

病中謝董時蓬閨光前

贈袖

南溫泉客館度歲

壽陳筑山六十

菁園四絕

滇西克復送李印泉（根源）西歸 為

江綱題石刻名章印本

觀梅汪山范崇實家留題二絕

（附借友車上汪山觀梅載花而歸浣谿紗調）

公園二絕維鈞合作 點山血 河葫蛇（闕）

題畫馬

息爭

菁園之夜

文化三章贈郭

沫若

自重慶飛延安

鉢之威歌日本簽字投降之日作

痛定詞六首

## 天長集姚序（附錄）

# 芑桑集卷一

民紀二十年「九一八」以前凡四十二題八十一首

秋意 戊申年十月

秋意蕭蕭冷到門。江城重九又黃昏。  
客懷淡浸籬花影。世味濃分社酒樽。  
醉放高吟動寥廓。閒尋古趣費繙縕。  
西風葵葉輸心久。欲埽重霾出曉暾。

婺源道中 民國三年四月

十日山行九日坐。無涯知送有涯生。  
每驚村犬迎新客。漸見巖花辨土名。  
四月茶香忙婦稚。百年風美鬪柴荆。  
誰能廣魯風天下。載道清謳移我情。

上黃山 三年四月

一往境幽絕。唯心與構成。  
近山偏不見。下谷盡無聲。  
水共人爭道。雲封嶺作城。  
劫餘遊屐少。卅六失峯名。

自滻過寧之濟南 三年十月

又攜笠屐上征程。人事天時併此行。春酒宵張全市火。秋風野哭萬家聲。蟲蟲天壓淮南北。鶴鶴官忙客送迎。凝望總愁青未了。絃歌況奈魯諸生。

題秋燈草疏圖

五年五月

辛亥鄂垣既發難。江蘇巡撫程德全疏請清帝后遜位。其稿出張謇手。草疏之地則蘇州閶門外惟盈旅館也。時危不覺陳言激。事過翻教感涕新。前席有靈終造漢。後哀無盡暇談秦。誰知素幅雙緘淚。早種黃臺再度因。灑瀝灘頭新白骨。老懷何以慰酸辛。

滇越鐵道中十二年

繚天一線轟雲鬟。盡日紆行蒼翠間。失喜前車出幽谷。卻尋來路見他山。飛身拔海驚千尺。照髮迴塘得一灣。終古長虹橫絕澗。匠心端合讓紅顏。最高處水塘出海面一千八百密達。有長橋跨深谷。諸工師束手。一女子製圖應徵。橋乃成。

太原道中 十四年八月二十二日

羣峯蟠鬱拱名都。一曲汾流入遠蕪。多難未容縣上隱。悲懷忍笑雁邱迂。元遺山見一雁被弋。一雁哀鳴而死。瘞之汾河旁。號其地曰邱。雲山風物成千載。耕鑿謳歌得一隅。晉水自清龍不起。萬方何以慰來蘇。

偕內子糾思自包頭綏遠還京師將重赴太原糾思送我登車而自還南 十四年九月六日

千里陰山秋未雪。九渠河水月如銀。驅車易盡天涯路。握手難親夢裏身。東去伯勞西燕子。君還江海我風塵。牽衣兒女憐無恙。笑語聲中少一人。

忻州留贈陳芷莊陳乙和十四年九月十四日

君懷野史亭邊草。吾愛寥天閣外山。儘許鄰罌分井汲。偏投客轄禁車還。廿年世故才宜斂。百疊愁心鬢欲斑。教得綠窗紅女熟。機聲隱隱訴民瘼。

介廟 十四年九月十七日

寥天閣爲忻州城樓圖書館所在。余題聯：「村男子耜。村女爲裳。古風猶及今時見。樓外雲山。樓中書卷。一般不厭百回看。」

功名以外此完人。千古縣山廟貌新。渝色巖花紅翦翦。清標庭括白鱗鱗。龍蛇海內嗤餘子。霜露江南泣鮮民。廟壁有承顏二字。傳青主書。

縣山 十四年九月十七日

縣山縣以深。吾來謝塵鞅。行行指大巖。得路如修綆。鹿橋復兔橋。仙蹤恣冥想。橋寬差容趾。其下澗百丈。絕縷仰危壁。微雲滃高莽。忽愁秋意深。霜花紅三兩。面谷一長嘯。四山盪遙響。

大勝關東南大學農場二首 十五年

江雲霧冷颯成圍。短艦呼風奮欲飛。  
十里沙洲孕生意。幾家茆屋媚斜暉。  
漫迎海客談瀛異。合坐場師問壤肥。  
金甲未銷春已及。攀舷詼笑雜哀啼。  
卽今喬木厭言兵。胡馬橫江夜有聲。  
三戶楚頑嗟未盡。一軍宰嚭訝無名。  
雞蟲往往翻奇劫。耕讀陶陶夢太平。  
折戟沙中多白骨。諸君何以慰蒼生。

懷梅庵梅二首 十五年

骨格清從天賦芳。聲幽絕人知。  
誰覲東君愛護未。愁雪壓霜欺。  
鳥縮僵拳不語溪。捫堅腹無聲。  
一片冷清清地數枝牆外崢嶸。

湖樓坐雨翌晨弔雷峯塔有贈二首 十五年

夢裏雷峯我欲扶。煙雲終古此明湖。  
顚狂花市閒蜂蝶。收拾春聲老鷗鵠。  
人外逢君一慨慷。吟邊坐雨百模糊。  
天涯何地無芳草。剖取冰心共玉壺。  
乍見林暾放曉晴。綠波雙槳帶煙迎。  
人才怒筍千頭迸。君骨癯梅一樣清。  
歌哭文章根至性。舟車汗漫遣浮生。  
卻從有美湖山裏聽徹禽言「不得行」。

偕袁觀瀾希濤諸人游蜀山四首方惟一還約而未至十五年

乍過細雨東西汎。小泊清溪罨畫船。  
樵斧數聲迷蘚洞。芒鞋兩腳破蒼煙。  
偶然看竹何須問。直爲尋詩也是賢。  
桃蕈杭糜香在口。東坡餓甚老求田。

那許詩人一舸歸。賓筵百計挽征衣。  
要揩雨後看山眼。來扣雲端臥佛扉。  
匝地竹林留活計。遙天梵磬息塵機。  
憑君莫問西施洞。往歲桃源路已非。

五峯紺宇白雲隈。象鼻坡迴一逕開。  
地下僧齋三絕去。寺前嶺合二川來。  
空傳釋甲經臺拜。忍聽驚鼙野哭哀。  
居士風旛心動否。會分禪榻斂詩才。

大野玄黃莽莽塵。吾徒肝膽賸輪囷。  
三章約出如椽筆。五嶽遊歸未老身。  
不厭百回看雲海。爲分餘勇上城闕。  
東方錯過瑤池會。盡日開顏少一人。

自江寧之句容出通濟門五首

十五年

句曲東南勝。山程百里長。  
出闢森警衛。上阪散牛羊。  
水逐市聲遠。雲尋驛路荒。  
兒筭坐何處。深柳有書堂。

微雨迎曦出。輕車背郭迴。  
秦淮一衣帶。蕭蕭兩書臺。  
蠹簡尊文化。牛刀賤吏才。  
空聞原野草。絡緯訴

秋哀。

半墮鱗鱗瓦。長飢策策驢。鶉衣閒話茗。鶴髮老飛芻。乍喜多田稼。猶聞嘯澤荷。有人權子母。坐食畫呼盧。

急鼓鳴江介。鋒車出石頭。年年問虞臘。稍稍慰嫠憂。事定還思痛。民勞迄小休。射潮三萬弩。衡雁又驚秋。

江山爲誰秀。水土得天肥。菜甲初挑白。楓枝欲染紺。鄧林有遺杖。京洛未繙衣。十步尋芳去。琴聲燕子磯。

橫沙築堤健保坍祭海若作十五年

不知東海幾揚塵。眼底滄桑小劫新。高岸豈勝陵谷恨。橫流誰捨櫓櫓身。桃源世外愁無地。短褐蘆中問有人。此意天教勞者獲。秋陽皎若告明神。

星浦感舊 十六年五月二十七日

爲尋皂帽遼東隱。早謝緇衣洛下淹。定坐忽驚身是客。勞生始笑突無黔。十年宿草才餘豔。萬古昆岡火自炎。慘慘山花紅欲醉。海潮音裏讀楞嚴。

五十自勵五首  
十六年六月十四日

化汝臂爲雞。一聲天下白。化汝尻爲輪。度人累千百。一日不懸解。中道敢汝畫。二毛何斑斑。頭我空相責。有涯逐無涯。得失爭寸尺。皦然物外心。虛牕月當夕。

蘄福爲多人。名論創英儒。邊沁東哲曰否否。不獲念一夫。廣狹異心量。施政乃殊塗。彼此一是非。末流極所趨。雄者壑其鄰。貪夫便私圖。一轍之所建。積骨山邱枯。大哉東人仁。卓立天人樞。

一仁所推暨。孰不愛其生。史書五千年。水火與刀兵。水火降自天。刀兵復何名。巖礪堂下過。哀哀猶死鳴。曾謂遠庖厨。仁人心所寧。一將枯萬骨。一筵糜千牲。歌舞帳前塵。呼號刀下聲。少歲讀西銘。吾物與同情。乙卯北墨遊。丁巳香海行。口腹亦何爲。於今心怦怦。

我生實鮮民。二親早相失。依依令伯情。孝養亦無日。海曲有猛虎。餘生逃斧鑽。太歲在癸卯。六月命未畢。恐此復偶然。舌存尙奚恤。汝身非汝有。脫然謝物桎。材與不材間。兩無自全術。世人皆欲殺。憐才少陵筆。

海甸莽煙塵。極天猶關塞。民氣方矜隆。敵情狡且耐。伺隙萬一逞。憂端齊東岱。功成在一心。摘瓜胡可再。居者與行者。赴役審所逮。努力培本根。平生志有在。無營故自得。至樂方寸內。貧無一瓦覆。富

有五車載。出門友如雲。入室古人對。四十九年事。九死其未悔。

兒方剛與美女結婚詩以勸之 十六年七月二十七日

汝生好思亦好學。求師五年海外身。書來告我得良偶。別國殊種非所論。凡愛汝者爲汝懼。咄咄三  
黨嗟四鄰。坐中無如母氏急。煩憂不寐鬱怒嗔。冥鴻萬里書十反。最後款款女自陳。婦姑意投分乃  
定。至性鬱勃我所尊。昔我論婚事。與汝意常迕。大小絃始調。剛柔道相助。汝意所求在同趣。其人萬  
一旦暮遇。終身不得寧。絕娶彼此一是非。力行顧何如。從今貽勉宜無怒。鶡鶡學海樂有餘。茲事十  
九匪易得。俗尙異邦異籍。惟學有得情有真。膠結性靈超象迹。翩翩佳婦能文章。肯從姑性調羹  
湯。齊家義不異中外。執鍼織紅都尋常。請爲莘莘一灑恥。婦德於國良有光。優生學者額手頌。羣衆  
演進此濫觴。百福無所私。惟汝求得之。廿年讀書尋真理。與俗牴牾誠不辭。真理何所尋。實驗非冥  
思。學說起仆彌近真。事例日積論據移。哈佛大庠盛文藻。雙影一鐙青窈窕。學成何以報。羣恩入世  
應須致身早。故國陰霾誰與埽。少年智勇爲國寶。有書忍付蠹魚飽。有蔬猶樂菜根酸。弟妹念兄艸  
角好。彩雲新陸初迎嫂。二親五十頭未霜。歸帆快拂蓬萊島。

糾思同遊渤海縱談身世詮次爲詩 十六年八月二十三日

歲月苦不留。金石誰同壽。忽忽結婚年。於今二十九。憶君初入門。言呐不出口。二親痛先背。羹湯獻大母。夜夜話家常。朝朝執箕帚。育子已恩勤。見客猶怩忸。奇禍從口出。孤身海外走。偶然脫羅網。誓欲謝塵垢。斯時夫婦情。有如絲斷藕。人事易變化。歸途重抖擻。我來雨雪霏。我往依依柳。黃流何湯湯。簪裾集師友。惟君伴二妹。學業一門受。脫簪當束脩。入校仍襁負。辛苦學小成。硯田耕且耦。猶求一技長。陌上學蠶婦。書聲刀尺聲。往往卯及酉。成羣鄰下兒。刺線鎗前手。負餽數移家。求藥親療舅。君才三黨驚能者。勞自取而我日碌碌。曾不顧其後。修學殊未博。得名良足醜。自笑砥隅廉。徒惡亂苗莠。平生弄柔翰。不足覆醬甌。滿目悲生事。四壁我何有。想像杜陵廈。局促梁廡白。墨行突不黔。孔貌喪家狗。何以慰君心。二毛倏在首。少安我有詞。此理君宜剖。多欲徒自苦。知足百无咎。卅年我與君。綢繆非不久。貧未釜生魚。病未柳生肘。眼前八九兒。聰彊若天牖。好游每攜手。足跡遍林藪。浮海窮煙波。升嶽小培塿。樓攀黃鶴巔。沙踏陰山右。卽今渡遼來。所遇都非偶。星浦浴海濤。雲林調鸚鵡。人生行樂耳。食報差已厚。富貴等浮雲。旣沒問誰某。致身一爲羣。豈受脅與誘。固知生有涯。何用名不朽。清白遺子孫。此福君知否。

答贈大連宗風浩然兩詩社中日諸友 十六年八月二十四日

天生萬物皆吾與。論交四海恨猶窄。問客無好惟好遊。七萬里程接几席。竭來渤海一舸閒。挂書牛角行看山。相逢談笑尊酒外。百日文字時往還。方今交道成灰燼。朝結金蘭暮白刃。家國洶洶貉一邱。覆雨翻雲焉取信。君不見星浦潮南山月。潮信分明夕與朝。月光不改圓和缺。吾徒懷此向誰說。各抱孤雲自怡悅。

星浦中秋望月五首 十六年九月十日

海水砰訇夜樂張。山雲滄滄幕無光。靚妝兒女齊看月。隔著籠紗十幅長。  
乍明忽墮陣雲深。愁絕孤陽戰衆陰。合坐酒人拚獨醒。一杯涼飲入冰心。  
土風伐鼓迓清輝。海伎籠燈醉不歸。驚起林鳥啼遠夜。繞枝百匝欲何依。  
萬喚千呼白玉盤。舉頭望斷海天寬。瓊樓高處猶惆悵。誰識鮫宮深更寒。  
去去迴眸對碧霄。山妻鼓興約明朝。酒闌燈滅人聲絕。卻放清光入帳綃。

秋之星浦 十六年十月二日

大宇澹無極。數峯青奈何。忽疑天入定。真見海平波。得勢蕭蕭葉。禁寒薄薄羅。夕陽紅沒處。山外亂雲多。

朝鮮道中七首 十六年十月二十一日

馬訾湏列訂名難。

馬訾水今考定爲鳴瀧江。湏水列水尙未考定。

黃土千年戰骨寒。風水蕭蕭人不返。過江白盡客衣冠。

二八生成說九疇。洛書精義待誰籀。大同江上傳疑冢。

箕子家在平壤玄武門外。

石不能言水自流。

祕苑秋深箭道封。君王無復走花驄。應門老監頭如雪。相喚宮槐火樣紅。

彼美西方覺路開。楊枝一滴喚春回。如何北漢山頭月。盼斷雲中君不來。

一九一九年。威爾遜倡民族決。朝鮮人因之運動獨立。每夜北漢山下集數萬人。

盼威爾遜坐飛機來援。

夢轂奔雷語未通。使君劍佩氣如虹。春霆一震天無色。誰識霜鬢六十翁。

一九一五年九月。總督齊藤寅赴任。車抵京城。爆彈突發。擲

者朝鮮六十餘齡老翁也。

麗伎山高綠蔭新。頻婆拳大玉圓匀。杭眉亭外波如鏡。捧出東施一段顰。

水源西湖旁有亭。題曰杭眉。取東坡詩句意。

占蟬古碣委蒿萊。王李雄圖付劫灰。此日江山猶號漢。重來那得不低徊。

題袁觀瀾之先人霓孫畫與泉塘吳蓉書合裝卷子 十七年

淞江臘盡霜風吼。昏霾凍壓寒空厚。袁安埽雪飲客酒。泫然一卷先人手。開卷何所有。邈焉太古不可攀。山川深深居人閒。遠邨流水灣復灣。題詩卻拾六如句。坐愁筆研生涯艱。歲在戊寅吾以降。吾

與此圖緣未懼悲哉。生後百憂集。翻羨初生太平及。金陵罷兵逾十年。人心天意求兵戢。斯時才智猶勤劬。弦歌聲動江海隅。思泉欲放殊未放。新知舊學挾與俱。公方盛年遠從政。委蛇退食閒操觚。射潮奮念溺由已。跌宕自障元規汙。平生好傲子畏筆。桃塢風流短未失。亦有吳生撫漢碑。古意鬱蟠蟠兩堪匹。吁嗟君莫小藝術。運會汙隆見麤密。開元大李繪水聲。康熙承平四王出。卽今海內多風塵。亂墨橫縑恣揮疾。一簣桑海五十春。音塵渺矣墨色新。我聞雅操堅絕倫。傳家長物惟清貧。滿屋飢寒曾不呻。但愁天下久苦秦。讀公家集如數珍。更讀茲畫長沾巾。桃源圖出桃源人。

滻寧道車站卽景三首

十七年

昏野燭龍飛。鼓掌來羣兒。鼓掌此何心。羣兒不自知。

羣蛾撲一鐙。垂涕救不得。天明鐙亦滅。日射殘肢翼。

昨夜雨和風。無恙秋堤柳。辛苦萬千條。綰得征人否。

答仰弇病中有贈二首

十七年

柳下三公寧易介。杜陵萬廈總無私。敢因夢櫟安材散。生恐亡羊爲路歧。大好養心惟病榻。最難解縛是情絲。智能有盡悲無盡。此子津梁亦稍疲。

積毀豈愁銷骨硬。入時深恥畫眉纖。寥天獨往雙翎鶴。終古空明一鏡蟾。與世忘時觀物澈。無人知處律身嚴。大川與子褰裳涉。六吉爻陳德在謙。

贈友 十八年一月十八日

愁絕江南老畫師。舍毫縣邈欲何之。縱將詩酒扶元氣。攫取風雲壯筆姿。畫裏桃源容住我。樹頭菜色作圖誰。曼殊已矣師曾死。一代雄才誰與期。

題沈肖韻姑丈毓慶遺象 十八年一月二十五日

問川沙近百年來文化中心。必推我姑丈沈肖韻先生家。先生稟承家學。器識文藝爲時推重。與物無忤。對之如飲醇醪。甲午後。銳然以新知授我後進。兼倡實業。今濱海萬家。機聲互夕。皆先生所手創。而未及見。并未及料者也。炎培二十五歲前。寢饑於先生書齋。受教最早。印象亦最深。世運遷流。重思舊德。低徊無極。敬題一章。綴於遺像後幅。付吾表弟湘之。本強昆季藏之。

上德故不德。土風化清嘉。至譽故無譽。舉火待萬家。先生雲鶴姿。聖潔心無瑕。天資秉純厚。世胄承清華。金石無盡藏。富甲江南誇。衆觚識急就。百城擁周遮。小子日夕陪。緒論拾齒牙。檢卷執絳蠟。學書塗墨鴉。於學無不窺。餘事篆龍蛇。胸中青白眼。於人慎所加。斯時俗尙淳。新知方萌芽。偶輸邛竹杖。未摘黃臺瓜。甲午海水飛。投筆逐怒笳。歸來長太息。伊人臥蒼葭。濱海紅女多。素手翻輕紗。纖纖

乞鍼巧。軋軋鳴機車。滄桑彈指間。良田成聚沙。一隄蒼波臥。千笠紅日斜。白圭善審時。去取人我差。  
誰知卅年後。萬戶樂桑麻。荒荒漢石經。室邇人已遐。墓門柏盈拱。庭階蘭發葩。小子百無成。披圖空長嗟。

哀梁任公 啓超 十八年二月十三日

任公政業之在民國，自有千秋論定。就文章論，戊戌迄今三十年來，自士夫以至婦人豎子，外薄四海，惟先生力能攝取其思想，而盡解其拘束。一其視聽，此誠誘導國人迎吸世界新潮最有價值之第一步工夫也。晚歲，稍稍示人以科學方法治國學之途逕。凡所著書，俱未告成。圖書辭典亦甫著手，遂齋以歿。要之近世紀來，文章震力之大，應聲之廣，誰則如之？誰則如之？

丙辰以後，千場夢歌哭爲文，萬象蘇新舊，一爐發奇彩。昨今百戰見真吾，盡收情感歸椽筆。欲問遺編到石渠，東北風雲莽無際。驚心海外有焚書。  
日本政府禁公文入朝  
鮮昨歲往遊見之

徐公橋曉行五首 十八年四月十六日

中華職業教育社就崑山徐公橋試辦改進農村，築堂曰無逸，村人慕望之，蘊之助最力。

楚歇荒祠廟，徐公尙有橋。車聲全市夢，帆影半江潮。兄弟雙人望，珠璣十信條。欲迎機械巧，稍代桔槔勞。

堂念周無逸。里尊歸有光。一村孕詩意。諸女倦時妝。野水天然美。春塍到處忙。江城嫌早熱。此地獨清涼。

曲尺池塘路。中心學舍鐘。歌聲趨黑夜。鐙影散黃童。問字茶香美。懸書米價同。祇愁新稅重。不問歲凶豐。

野行識天大。犬熟乞人憐。升角毛毛雨。鬻泥小小船。康莊新闢路。尺寸不爭田。霸業孫吳盡。菩提寺歸然。

聖人有憂患。歲歲報添丁。地力肥收廩。人功火絕螟。三時艱一飽。衆醉忌孤醒。野老忘秦漢。惟聞甲子腥。

杭州雜咏四首 十八年九月二十六日

一  
水沈沈數劫灰。幾番金碧幾蒿萊。夢回苦憶雷峯塔。誰是湖山再造才。  
雨後狂泉響破空。清遊直許擣黃龍。妙門玄牝誰能識。洞口松雲十丈封。  
樊榭風流二百年。交蘆和夢鎖蒼煙。文章畢竟關風會。開卷於今一惘然。  
十里秋江柿子肥。邨鬟八九槳如飛。詞人何用新祠宇。風雨幽魂那肯歸。

壽程雪庵居士德全七十十八年十月六日

黃鶴樓前江水飛如瓦，吾解存者稀。吳楓欲火不知冷，洶洶爭掣梁公衣。我衝衆命軍門揖，早開英  
斷赤幟立。其後瓜洲稍用兵，江南略定干戈戢。江南再告軍符急，投簪有淚朱袍溼。公功在國德在  
民，萬家生佛拜且泣。憶歲庚子黑水黑，巖疆雲壓胡天墨。公無官守有天職，願碎一身全萬億。六種  
震動日薄色，精誠直奪驕胡魄。有碑不共江山泐，七十年來飽苦辛。秋非秋兮春非春，塵塵萬劫那  
可數。忍話開天白髮人，公來爲此一大事。飼虎捨身何足異，此身不壞金剛智。一杯一衲軒天地，長  
嘯當門有虎眠。法雲永護吳山寺。

吾宗允之叔守孚出侯廣成與黃陶庵論學書副札索題 十八年十二月二日

按明史，廣成以崇禎七年入都，兵部尙書張鳳翼薦爲職方郎中，力辭乃改南京文選司主事。此札有入都不匝  
月決意請南諸語，疑是年所作。時爲陶庵館於侯之二年，母喪哀毀，往復論學，疑在母喪前也。更十年而兩公  
俱殉國矣。

少讀陶庵集，游心古疁邑，匪以私吾宗。大節足歌泣，古疁吾宗今有人。老泉東坡和潁濱，潁濱入門  
手長卷，光彩赫奕如有神。傷心三百年前事，胡塵飛赤江南地。匹夫授命父老前，生與城俱死不避。  
七月四日天雨血，城崩矢盡外援絕。西林有庵葉有池，於今行路兩烏咽。此書寫自燕臺墨，自嗟不

慣長安食。疑是崇禎之七年。先生初謝職方職。斯時陶庵蓄潛德。蕭然未脫諸生籍。郵筒論學日往還。但讀副牋意深刻。歷劫今歸袖海樓。其人與物俱千秋。試合陶庵子翼札。裝成浩氣凌斗牛。

祝馬相伯先生良九十一齡壽  
十九年六月五日

嶽嶽甘泉第一流。南京九十杖藜游。丁橋舊接忘年席。江蘇諮議局在丁家橋。余與先生同爲議員。仙屋今添紀海籌。絕學口頭秦劫火。深心皮裏晉陽秋。艱難千古傳薪事。未許先生便白頭。

湛甘泉以九十高年遊南京。見明史。先生其有意乎。一唉。不數年先生果移居南京矣。

答友問近狀  
十九年九月十八日

足繭音嘵病不侵。剎那合眼抵山深。忙來接物閒來讀。市樣臣門水樣心。

徐公橋秋望三首  
十九年十月

朝攜鐮月試新禾。晚跨歸牛唱踏歌。雞犬安閒花自在。回頭邨外亂雲多。人在詩情畫意中。幾灣綠水小橋通。秋林雲去疎留罅。補得斜陽一抹紅。農忙過了讀書忙。無逸堂前柳未黃。千古田疇我師事。徐無山色接微芒。

大雪獨遊雞鳴寺  
二十年一月九日

天雞伏不鳴。曉室眩虛白。鍾山忽匿影。雪合雲一色。出門重徘徊。六街踝沒尺。獨遊得真趣。悄焉攀北極。卻鑒前車仆。一步一審擇。平生恃腰腳。不借吟筇力。時復縱豪躅。亦遂忘艱仄。固知險與夷。在心匪在迹。山僧爾何利。掃雪盼遊屐。臺城想像間。古寺坐今客。夙攬五洲小。局促況几席。風號萬木死。惟見青青柏。貴人遞新舊。投戈學題壁。終憐凍枝雀。敢奪飢鳳食。詩思寧待尋。洶涌苦相逼。赴赴少年人。下坡爲扶掖。此人吾未識。此意俗可激。珍重念茲遊。歸襟忍拂拭。

游鄧尉蔡子民師 元培張仲仁  
屢黃齊生何夢麟等三十六人俱四首 二十年二月二十二日

久聞香雪海。山閣此尋詩。似愧梅枝少。天教雪補之。

今年梅苦雪。老幹雪摧殘。此後惟松柏。孤標伴歲寒。

四柏清奇甚。荒寒古殿陰。入天可憐色。斷幹不凋心。

但見柔雲綠。不聞浮月香。詩材兼畫本。盡割與蠶娘。

徐匯之曉 二十年六月一日

淡絕猶分隔院香。曉風吹綠上層牆。鐘聲杵破千家夢。塔勢雲穿一線陽。佳句每於行路得。客心肯爲餞。春忙車塵廿里偏勝醉。小勺邨流當玉漿。

江戶寓樓雨坐與顧冰一劉三仿柏梁體限順次盡覃韻 癸卯年九月一日

冥心獨往思淵覃。劉上窮霄漢下江潭。顧鬱勃久乃發狂譚。黃奇情奔放追驂驩。劉蒲團坐對凝瞿曇。顧妙語倣詭禪理參。黃忽接家書催歸驂。劉夢魂飛落江之南。顧人物故鄉思荆柑。黃眼前落落無奇男。劉黃薑紫蟹風味諳。顧豈宜詩酒老窮庵。黃欲哭不哭淚空含。劉側身西望海渾涵。顧擬挾匕首入殼函。黃虹氣百丈落青嵐。劉么麼小醜殮春蠶。顧兢兢吾黨朋盍簪。黃此意願與共鉤探。劉誓不忍見豺狼貪。顧裂皆相向空眈眈。黃劍書三冊我所耽。劉還我江山樂且湛。顧南北渾合爲一龕。黃年來心緒百弗堪。劉渭城唱徹慟何戡。顧南箕北斗口侈弇。黃窮愁著書擬史談。劉沈沈夜漏心如惔。顧常睨鼎鑊如飴甘。黃直道何往不黜三。劉登臺慷慨酒半酣。顧黃花采采香滿籃。黃和壤爲我擘霜柑。劉迴波一曲顏頰慙。顧祝君壽考齊彭聃。黃琉璃杯盞雜銀咮。劉貼地氍毹鋪淺藍。顧興酣起舞揮長鎌。黃月明笑倩碧雲擔。劉我起致詞休嘲哈。顧禮失求野聊問鄰。黃竭來空谷足音詒。劉歐風墨雨羣情妙。顧豈知亞粹濃於泔。黃閉關守秦師章邯。劉真宰上訴氣醃醃。顧踟躇搔盡雙鬟髻。黃卻哀餘子皆羸蟲。劉叔孫制作無人儕。顧一室難春愁定盦。黃楚囚南冠額髮髽。劉東方局促如螺蚌。顧四萬萬衆何癡憨。黃蠟燭處蠧聲齧齧。劉可憐殿柳跪地輦。顧猶誇十萬磨霜鐸。黃

前事應鑒齊滅鄆。劉漏舟難塞江水淹。顧如病在肺核結痰。黃睡獅睡獅長昏寢。劉前有毒蛇後猛  
虧。顧吸膏朴髓索之婪。黃偶一攫之鋒巉。堪劉窮檐蕭索無石甌。顧室家漂泊泛萍蕪。黃澤鴻嗷嗷  
輸籬鵠。劉河決魚爛堤岸滄。顧宅憂全國皆亮闇。黃我恨禍水朱晦菴。劉儒緩不掉胡牛領。顧其言  
詹詹行慘慘。黃絕無生氣雄兜銖。劉外族遇之如叱咤。參顧卿曹顏甲堅於苔。黃猶復抱經誦謗謗。劉  
鳩羽畫酒常荒耽。顧何年出此幽谷甜。黃匪惟不出墮深巖。劉偉哉盼冒啓華櫨。顧鎮憚百怪靜以  
僥。黃見山高高水澹澹。劉若藥暝眩無取篋。顧南瞻五嶺森如錯。黃春雷震醒羣嚶吟。劉熱腸潮起  
顏面赪。顧豎儒卻走舌爲刲。黃重與君倒酒一壘。劉商量提挈師徒餕。顧幟紅以茜灰以檼。黃蛟龍  
得勢起深窪。劉筆硯焚盡書飽蟫。顧間關杖策走趨趨。黃汗流足繭猶邐邐。劉男兒氣節慎勿媿。顧  
君不見黃龍之酒味醇醇。黃

# 芑桑集卷二

從「九一八」至民紀廿六年「七七」止凡九十題二百二十五首

哀徐志摩空行機墮死三首 二十年十一月二十六日

天縱奇才死亦奇。雲車風馬想威儀。  
卅年哀樂春婆夢。留與人間幾卷詩。  
白門衰柳鎖斜煙。黑水寒鼙動九邊。  
料得神州無死所。故飛吟蛻入寥天。  
新月娟娟筆一枝。是清非薄不凡姿。  
光華十里聯秋駕。哭到交情意已私。

西湖 二十一年一月一日

倦涉人間世。貪看雪後湖。埋名謝塵客。息慮覓真吾。  
洗眼呵嵐凍。招羣伴鶴孤。湖山與民物。併入夢  
縈紜。

追悼「一二八」淞滬抗日陣亡將士二首 二十一年五月二十七日

怒角驚迴歇浦潮。蟲沙小劫一軍驕。  
早知輕敵攻堅失。定悔行師襲遠勞。  
壯志更成秦博浪。威名終屬漢嫖姚。  
男兒報國輕生死。歌哭壺漿付大招。

由來神勇仗精誠。到處天陰殺賊聲。賢聖百年皆有死。英雄千古半無名。誰翻世界和平局。應博春秋義戰評。留取精忠好模範。嘉名十九錫初生。恰後「一二八」一箇月得孫爲紀念十九路軍取名「十九」。

弔吳淞 二十一年六月五日

百里吳淞艸不春。可堪黃海倦遊身。小東杼柚拚孤注。極北關山盡虜塵。賈傅書成惟有淚。繞朝策在豈無人。亂離那許從頭說。但見滄江戰骨新。

晚步湖濱成一首 二十一年六月十五日

長愁梅子黃時雨。小別淞南綠後波。適意且呼湖艇坐。變名暫謝客軒過。寫將史事梅邨熟。吟到民生白傅多詩卷。一囊雜今古。觀人觀我兩如何。

晨湖雨 二十一年六月十六日

晴湖不樂樂雨湖。如展米家新畫圖。雨過湖光轉瑩潔。四山如沐纖塵絕。一抹斜陽綠樹平。兩峯缺處晚霞明。蛙鳴蚓唱足生意。卻聽湖民愁歎聲。湖濱劫後少遊躅。蠶娘賣絲不果腹。香客三分減二分。香積塵封僧乞粥。此時吾手詩僧詩。天才幽豔筆一枝。飄蕭風柳畫更奇。是逸非神年限之。獨上孤山醉一卮。

歷下懷舊六首 二十一年七月二十三日

十年皴我人中鳳，臘向碑林結古懽。千古精魂此留戀，珠泉幕月一燈殘。

姚柳屏  
古鳳屏

百不分明死彼儈，人生到此問蒼蒼。西州門外塋三尺，桑海於今淚萬行。

張易  
吾

老去亭林塞外驂，牛羊千澤謝江南。鄒平盡識畊夫字，欲向源頭證苦甘。

王鴻一  
朝俊

桃李陰成滿眼春，掀髯一笑未愁貧。飄蕭英武街前雪，奇俠雄冠大匠門。

鞠思敏  
美英出先生門下

丁許師承一脈通，藏書十咏出齊東。羅泉樓裏摩挲遍，欲奪河間婉女工。

唐  
王獻

廿年五度此經過，生死交情付逝波。磊磊濟南幾名士，迴天倘仗魯陽戈。

悼方惟一還五首 二十一年八月十一日

余初識先生，爲清光緒乙巳江蘇學會始創之際。先生蓋猶張姓也。嗣是興學議政，罔不與偕。自先生迴翔宣南，南通白下，迄於歸臥玉山，春秋佳日，杯酒言懽，往往籌鐙縱談，夜分無倦。蓋先生和易諤諧，所至令人意興百倍，故咸樂與之游。獨談及國政鄉政，剛正之氣，立見眉宇。齊盧一役，先生揩拭尤苦。丙寅丁卯後，絕口不復談時事矣。先生道德文章政事，漸漬於人心，膾炙於人口，不殫述一慟之餘，率成五絕，恨不得起先生地下，復共推敲也。

名場卅載儘趨躉，正氣長留十畝庵。苦憶少年騰踔日，亭林絕學一肩擔。

白茆湯湯欲念誰。玉山還我仗扶持。  
北平遠接南通席。兩地春風坐女師。  
丁橋西畔象坊東。噴室今成三代風。  
一座吳音清可聽。卻從鯁直見明通。

樂天哭  
微之句

訪古同攀用直舟。濠南唱和集名流。  
不堪生死分元白。此是千秋第一秋。

雜談今古酒千杯。得句驚人亦快哉。  
無恙錢家塘裏月。幾時蠟屐復能來。

中秋攜家人泛西湖簡友人四首 二十一年九月十五日

斜陽微雨洗層霄。午夜雲開玉宇高。  
冷絕四山齊入睡。厭聞絃管隔船招。  
一抹雲羅束兩峯。聲聲哀雁散秋空。  
更無人識雷峯塔。只在詩翁想像中。  
去年湖酒不曾沽。今歲孤山鶴不孤。  
差喜成囊詩料足。來源一半是西湖。  
曾向吳山說劍來。新詩封送故人開。  
漢家東北煙塵裏。盼斷乘鰲海客迴。

程雲岑得孫吳古泉文曰大泉五千以名其室題四絕 二十一年九月十七日

燕人明邑作泉刀。越二千年散布遙。  
見之抽斷牡丹臺下水。一江流恨到今朝。

明刀爲現代最古泉幣之一。日  
本滅朝鮮掘獲甚多。余於平壤

古泉論重次論枚解悟從今不費猜。一卷滇黔丁氏記。  
羅泉屢裏笑顏開。

丁在君（文江）漫遊記。貴州  
西部猶家子。腰插小天秤。秤

制錢·蓋貴州西部一帶·用制錢·都不用數·而論幾斤幾兩·日照王獻唐精研古泉幣·方有所懷疑·舉以告·大喜·

錢鏹音差物則同·千年古國重農功·玉函手澤摩挲遍·一例先民簡樸風·

獻唐長山東圖書館·收得馬竹  
吾玉函山房藏泉全部·考訂精

鑄首列錢  
鏹二物·

書生倘有多金癖·清絕書齋榜大泉·魚略已殘陳志缺·仗君食貨補新編·

哀于瑾懷定一二一年十月六日

瑾懷江蘇諮議局同席·入民國·長丹徒縣·精幹廉潔·有善政·偕其同志創戚墅堰電廠·稻田資以灌溉者萬家·  
有造於農工至大·悲懷家國·侘傺以死·

瑾懷吾好友·世亂念交深·戚墅千畦水·江城百里琴·命妨才發越·愁共病侵尋·東北煙塵裏·長懸未死心·

尋夢 二十一年十月三十一日

壬申秋莫顧冰畦(次英)張心九(尙思)張伯初(志鶴)約余爲三十年尋夢之遊·假松城醉白池·設宴爲步惠廉教士壽·蓋吾四人者三十年前以演說被嫌倡革命·瀕受刑而獲救·救者誰·步公是也·賦謝陳陶遺錢選青張嘯眉毛子堅葉漢丞作陪·兼答陸規亮有贈·

海曲霜飛六月囚·夢回人醉五茸秋·重陽節去猶黃菊·三十年來未白頭·樓上豪情長臥隱·雲間賦

手老風流劫灰冷後何恩怨塔外鐘聲兀未休

三十年前瀕受刑地實爲南匯因復偕遊南城讌集香光樓留贈二十一年十一月六日

東西潭子綠波搖城郭何年浩劫逃訪舊客尋今日醉立身人競此樓高興亡有責誠知愧生死無憑祇偶遭空撫頭顱煙水裏蘆花和我兩飄蕭

題南匯葉超宗鳳毛清乾隆辛丑六月手臨三藏聖教序帖適遊新場訪公故居歸二十一年

十一月二十五日

乾隆紀元四十六初平金川戢回族先生弃官臥海曲臨池自樂忘炎伏先生之書如其人先生之詩尤清新死生窮達何所有南屏水石期終身志稱戀主恩莫報豈識先生霜雪摻百曲長留表墓詩自對慚顏烈士廟桑海流傳手澤珍老屋猶臥荒江春後公一百五十載說學齋頭尋夢人

登中山陵二十一年十一月二十九日

龍虎江山幾廢興登高欲賦我何能滄桑六百年間事風雨相望此二陵

觀靈谷陣亡將士墓旁油畫惠州之役二十一年十一月二十九日

不盡吳淞畫惠州東江十盪骨成丘何須更憶卑翁語翠薜蒼松盡掩羞何役最苦李盛稱太平天國之卑士麥問李鴻章生平戰績

役·卑正容言·吾德意志人  
卻以殺同胞爲恥·李大慤

義軍行五首 二十一年十二月七日

男兒身許國·國破焉用家·入塞復出塞·履險勇有加·不抗彼何心·萬邦騰笑嗟·誓將血和肉·偏塗沙場沙·

堅冰豈無櫬·青紗亦有帳·四時與方便·自助天所覩·掉頭謝妻孥·生悲死尤壯·叱咤巒間雲·嗚咽黑水漲·

一擊出不意·乍合倏又分·萬衆一其心·利器徒紛紛·飛鴟仰射翻·軋軋空復聞·浴血一騎過·日暮千山雲·

龍沙一馬先·雞林丁李競·拔轔遼東唐·守律鳳城鄧·無名尤足豪·秉氣兩間正·桓桓蘇將軍·雖敗猶堪敬·黑龍江馬占山·蘇炳文·吉林丁超·李杜·遼寧唐聚五·鄧鐵梅

滻瀆有奇女·髻齡姚瑞芳·邂逅燕臺秋·矯若猛隼翔·長驅敵陣間·孤身雙手槍·一從去遼西·生死今不詳·

癸酉一月北游雜感七首 二十二年一月十四日

昔放南溟跨赤驪。今從臘尾涉冰天。朱門繡幔家家火。門外鶴衣不蔽肩。  
一棹明湖凍不封。朝瞰染得鵠華紅。講筵相見嚴箴勉。餘興呼盧隔夜濃。  
千秋恩怨付茫茫。忍淚驅車問北邙。天遣法官非法死。蕭蕭斜日照衰楊。

張易吾墓

百感迴環夢不成。天雞聲裏送殘更。不知緣雪還緣月。一白虛窗徹夜明。  
宣南臘盡天初霰。浦口風號雪壓江北地。減寒南減暖。天時人事各非常。  
藩籬盡壞到長城。擢髮誰能數罪名。十萬健兒拚一死。單衣裹雪上征程。  
壺漿千里走相迎。力盡猶聞殺賊聲。不愛身家惟愛國。諸君何以答忠誠。

熱河避暑山莊感賦  
二十二年二月二十三日

王氣偏隨暑氣消。鼎湖終古翠華遙。萬松斧盡鳴濤寂。一石槌空出嶺高。  
春到關山渾不覺。劫餘人物百無聊。朝陽鼙鼓聲聲急。盼斷登壇大將旄。

壬申一二八之役。蔡望之奔走最力。常攜其兒輩爲輸送役。題其所箸國難日記。二十二年三月

十七日

漫天彈雨走孤身。二月江蕪慘不春。極目安亭連滻瀆。傷心甲子又壬申。移山累世愚公鍤。飽土千

鍾子敬因留伴徐公橋不朽人間何惜謗書新

穆恕再湘瑤六十歲賦贈三絕句 二十二年三月二十三日

見說鴛湖十里春煙波長護老詩人千金三散誰能識一舸悠然問水濱山谷慚吟五六翁放翁六二感懷同難忘徐匯聯牀夜三十年前學舍鐘了無善狀報君知萬里歸從絕塞遲落日大旅人不見蕭條留得一囊詩

令儀將遊西湖示我二詞吐秀成春鐫愁到骨報四絕句以廣之

二十二年四月四日

夢裏畫梁雙宿穩眼前危廈獨支難迴腸漱玉詞千首愁煞江南李易安

三月晴湖柳浪柔吟懷萬種一囊收華年如夢春如海那許輕舟載得愁紅芷亭成畫本新雷峯再造更何人寒松自挺霜厓秀轉眼天開大地春大塊文章總不平一春鳩語倏陰晴悲懽冷被湖山笑賦到閑情見至情

題西湖汪愬予宅 二十二年五月三日

過西湖汪愬予宅俗呼汪莊幽蘭在室古琴在臺新茶在磣一花一石皆主人手澤頓憶童年先外祖蔭餘老人經營東野艸堂之勝感不去懷

兒時清福老難忘。一曲明漪百畝桑。少長田園知疾苦。家傳詩酒戒疎狂。十尋大木環村綠。四座名花靜晝香。此日汪綸臨水築。當年東野舊書堂。

旣序蔡蔚挺敬襄手輯江西省城埠圖譜更題一律 二十二年五月二十五日

十九年前惜此行。叫囂聲裏壞長城。蟲沙莽莽悲天淚。家國悄悄弔古情。儘有風懷酬土物。贋將文字慰平生。灤陽盾鼻何堪錄。一例荒寒塞月明。

重六教師節揚州留題 二十二年六月六日

虎虎江風浪打頭。黃梅細雨過揚州。衣冠嶺上花新淚。歌管橋邊月舊愁。小院綠楊溫客夢。大陽白骨壓春流。津梁諸子何曾倦。佳日山堂稍獻酬。

攜家人玄武湖泛月 二十二年七月五日

波光澹沱一鏡涵。小航六七人受堪。陂塘盛夏忽秋意。五洲一夕窮幽探。如此江山如此月。滿懷憂樂與誰說。絮絮家常一棹歸。湖雲片片補襟缺。

哀彭禹廷 二十二年七月十五日

禹廷在其鄉鎮平立民團·倡自治三年·家給人足·文教大昌·匪不得入·苛捐雜稅亦不得行·方承簡邀往觀·三

月二十五夜猝遭仇害·全鄉憤起·罪人斯得·而死者不可復生已·

大野潛龍用在鄉·罡風一夕隕元良·蒼生水火森千劫·青史恩仇夢一場·身可贖兮人且百·魂歸來些帝之旁·汝南范子荒前約·遺札重開淚滿裳·

鄒平歸途寫景寄別梁漱溟王炳程諸子四首 二十二年七月十五日

揮手孤城夕照明·輕車卅里出鄒平·斜看林壑西南秀·恰過楊堤一半程·亦有黃山連白嶽·尙留女織佐男耕·征夫惆悵農夫喜·溝澗宵來雨已盈·

茅檐處處挂斜暉·六月村娘不解衣·有腳陽和今日見·無心惡詐此邦稀·涼分瓜果人情厚·綠透桑麻土脈肥·用我暮年差已可·誰能廣魯偏鄉畿·

入暮山容淡欲無·周村行近得通衢·於陵高節歸黃壤·范子書堂臘碧蕪·白挺士爲知己用·青驃女倩愛卿扶·皆所見萬方戢戢牛羊性·誰爲勤求牧與芻·

悟到亡羊路已迷·不甘家釀乞鄰醯·儘誇善政張春帖·誰閔勞農到夏畦·諸子有懷皆卓卓·我生無似愧栖栖·山城早建圖書府·零落知交認舊題·二十八年前·錢琳叔(以振)宰此所創圖書館題額尚存

不忍歌 二十二年七月

大梁七月賓筵開。洛河雪名香。浮金罍。猴頭之菌石花葦。天生野蔌嵩山隈。酒半主人颯起敬。宰夫手鯉肅聽令。云自黃河新網來。揚鬢撥刺猶堪證。切之爲膾菹作羹。一魚三俎惟客命。斯言未已鯉致哀。波濤故國永不回。刀鎧奇禍須臾開。奮鱗震怖赤暴鯉。雪沫直濺賓筵來。衆賓相顧慘無色。我起致詞先太息。好生惡死物性然。吾與衆生同一脈。古傳數罟不入池。孔釣不綱宿不弋。遠庖聊養不忍心。悠然而逝彼所得。天下安危治亂原。惟仁與暴念之積。我持素食十六年。吾心滋安體滋適。主人盛意雖足多。滿堂不樂難爲客。主人遜謝立拜嘉。請始自隗此風革。方今大陸龍蛇腥。殺機一發不可停。君不見文章殺身湘丁玲。自殺日記窮幽靈。吾手茲編方涕零。衆生相殺且自殺。殺有有形有無形。無形者欲有形刑恩仇愛憎不可名。嗚呼世界何由寧。嗚呼世界何由寧。

十月三十日曉湖 二十二年

獨客輕艤遠俗氛。高林初日淡秋旻。諸峯笑沐中宵雨。孤塔愁撐北嶺雲。味到深吟天與澀。身丁離亂我何文。百年短景供憂樂。冥寂空驚雁叫羣。

湖吟十二絕 二十二年

南海蕉琴一徑荒。百年祠榜剗曾彭。湖山今日當王貴。門第金張海外裝。

湖上陰晴間日翻釀寒天氣客愁煩萬蟲號命戀秋砌一月媚涼窺客軒

南湖盡處可誅茅有客南冠物外逃人與此樓兩幽絕一鐙呵鬼讀莊騷

作琴五百墨五百千今百古工鑄鏤皖南人物多深刻此老邱壑胸巉巉

五百署名千今百古齋

汪千仞築樓南湖盡處人少知者

汪莊主人惕予雅士也取雷峯塔材製琴五百依琴式製墨

清冷第一虎跑泉半勺軍持不值錢好事近題九一八行人箇箇爲停鞭

泉從九溪十八澗來取名九一八

後八百年血淚新國族不亡大義伸兢兢宋史精忠傳萬古心香第一人

我舊號楚南久少人知矣

老我駕湖穆且庵一樽風雨赴清談定除君外無人識逆旅門題訶楚南

樓外紅爐乍雪時天才拈出妙風姿駸駸欲奪唐賢席千二百年楊惠之

樓外樓主人洪君塑雪像綽有楊惠之風

先秋裙屐已闌珊一夜西風綠盡刪入手霜紅龕一卷卷中人物眼中山

汪千仞汪惕予

入夢雷峯愴十霜秋塍雲錦不成章南屏山下無人到深巷嚴局臥二汪

陳青年美術家留法歸繪阿彌陀經境地人物共十大幅

竟天清才陳曉江已紅亭子倚層岡八功德水諸天佛一大事緣人不詳

脫稿未踰月歿年僅二十八今就岳墳西建亭張設非經特介不得入覽

土崩魚爛亦奇哀事有因緣物有媒民物湖山紛淚眼吾生懷抱向誰開

偕張表方盧作孚鮮特生遊莫干山十首 二十二年七月二十三日

杭郊西去綠雲屯百里峯迴到庾邨猶見山堂課畊讀滿園生意長雞豚。  
下山省力上山難老路紆迴新路寬一逕松陰人不見隔峯笑語出林端。  
山翠無心欲染衣望雲亭角立斜暉鳴泉啼鳥一時寂風捲松濤聲入微。  
幽居無燭室昏黃眼送諸峯入莽蒼開戶自來雲片片貪尋詩料不嫌涼。  
隔宵一雨瀑添肥誰向天池試劍歸入谷不愁窮百級愛看嶺上白雲飛。  
隱隱羊腸電轂通迢迢碧浪海門東漫憎雲海規模小一白連峯絮萬重。  
除卻登山滴汗時幽齋盡日鼓涼颼猩紅一朵翹羣綠豔絕山花欲媚誰。  
解甲何曾厭鼓鼙撫髀心事託幽栖買山倘許依風雅獵取詩情作榜題。  
山頭瓜李會嘉賓山半筠籃血汗身誰識朱門紅燭夜壓肩猶有未歸人。  
傾蓋眼前二三子救時胸次萬千兵愁看海色連山色好借泉聲洗市聲。

題曾文正清咸豐九年八月十七日黃州行營手批梁令稟帖墨蹟二絕 二十三年一月二十日  
居官第一飭廉隅內外交修躁妄除想見江城刁斗急危襟月夜寫軍書。

文章豈爲功名重事業須從道義求萬衆瓣香拜文正幾人領悟到源頭

蔡蔚挺寄示程柏廬時燧三年前被拘南平詩及其和作三絕句卻寄并寄柏廬 二十三年一月

二十日

百日南平禍最奇於今回首重驚疑翻徵修養工夫好歸獻一囊悟道詩  
緹騎深宵縛上賓是官是賊不分明是官爾我同僚耳是賊今猶擁大兵  
學道應無寵辱驚天將大任降君身龍場了悟生和死一點良知付後人

里居主修川沙縣志聚父老子弟宿觀瀾小學文照堂水榭日課一詩得六首 二十三年一月

安得松陰晝掩關讀書坐擁海雲閒冷觀世變尋因果遠屏塵囂謝往還索悟玄之又玄外全生材  
與不材間抱殘何惜繙帑役少長相攜此展顏

頗訝懸車竟杜門祇因伏案禁窺園林坰日落留雲久水榭童歸臘鳥喧鑪子紅泥春自在湯婆布  
被夜溫存草堂晨夕從頭數國故家常誥一樽

久客還鄉不當家忍從劫後問桑麻先人名字陳編淚早歲風波泛海槎殘隸烹平摩漢石初春東  
野賞山茶童年消息留心影說與西風雪鬢斜

先父五十年前  
與修志列名

歷劫金絲壁未灰。登堂一爲笑顏開。卽今蓬累方聞士。自昔蕭條異代才。獨念回天投責大。何須研地放歌哀。艱難海曲求文獻。家國愁腸日九迴。

猿鳥風雲鬱草堂。干戈冰雪夢河湟。時危誰蓄三年艾。日盛何祇百里壘。九仞高從平地起。百川細納衆流長。安排宇宙吾徒事。國族於斯敢助忘。

喬氏成城靖寇氛。欽公捍海亦奇勳。百年生聚彈丸小。一卷叢殘載筆勤。南北東西纔煖席。黃吳蔡艾早修文。蓬山東望風波惡。隔歲驚鼙匝地聞。  
先伯平齋·琮·吳丈恭之·福梓·蔡崧甫·宗欽  
艾誦劬·曾恪·皆致力甚勤·未及志成·先歿。

川沙城西北真武臺道觀也住持比丘尼諦香募成新築借居修志三宿留題 二十三年二月二

十日

苦行緇流餉美蔬。蕭條城闕見精廬。樓臺彈指曾何有。仙佛同龕了得無。野哭千家收戰骨。橫流百里蕩民居。抱殘此日空桑客。有筆應和血淚書。

過杭即景 二十三年三月二十九日

車後桃花車前雪。西湖春深寒轉烈。湖濱別業賓筵開。愁心千疊壓酒杯。寫真攝影都無才。安得神力呵風雷。天雞一聲兩峯曉。初陽殘雪相輝照。一鞭人共桃花笑。

柯巖 二十三年三月二十九日

紹興柯巖石佛寺旁，居民多開礦采石，有深至數十丈者。七星巖昔人稱爲天然廣廈，今就其中設小學校，壁有彭剛直畫梅，雲骨一峯平地陡起，與曩年遊熱河所見棒錘峯極肖。

依山閣墮千塵劫，鑿壁龕供丈佛身。  
地不及泉藏磊磊，天然成廈樂莘莘。  
濺空雪沫七星溼，畫壁梅魂萬古春。  
卻憶棒錘峯不見，仰看雲骨一酸辛。

禹廟 二十三年三月二十九日

南來尋禹穴，不見謫仙人。  
極目干戈際，偏隅熙皞春。  
畫船三月暮，朱笏一時新。  
酒箔傳高稅，年年十萬緡。

紹興農村所見 二十三年三月二十九日

鶯花流毒少，天足得春先。  
吾祝會稽郡，長留耕鑿天。  
村容全在望，里老更相傳。  
二五減租後，勞農漸有田。

紹興東湖 二十三年三月三十日

見說東湖別有天，繞門山下水淪漣。  
臥虹曲曲愁無路，垂柳絲絲不礙船。  
小稷孤峯疑疊假，桃源一

棹未逢仙荒苦踏遍園無主戊戌於今卅六年

吼山 二十三年三月三十日

吼山相傳陸放翁讀書處平地而起奇峭秀拔

吼山突兀得奇趣放翁當年讀書處數峯離立煙雲中孤高下削上則豐挺如倒插水晶葱綻如長  
柄青蓮蓬覆巔危石肖斜笠莫之敢指愁墮空高僧苦行發奇想升巔坐罅歸路窮嗟哉此物來何  
許欲尋根底石無語祇見千層斧有痕自頂放踵如束縷或歸神力巨靈劈或訝天工女媧補豈知  
伐石出尋常轉瞬千年事非古試觀采石掘井深丁丁空谷續斷音井間四壁層層鑿彼凹此凸迹  
可尋當日施工自高下井井相通成百罇迅雷一聲地火發豁然開朗餘鎗舒若者植立若者覆天  
然翻若人工假物情人事了不奇吾從伐石得新知重輕高下如人意舍用轆轤將恃誰漢陰丈人  
殆常技前百千年早有之今非盡巧古非拙歸自吼山有所思

雪竇 二十三年四月一日

從奉化之溪口經入山亭上山登妙高臺四望峯巒環抱有瀑從千丈巖直下更有上下隱潭雪竇之得名以  
瀑故雪竇寺實名資聖寺今爲釋太虛主持

天童阿育王莊嚴兩道場，欲覽溪山秀。甬東惟雪竇，雪竇溪山秀更雄。煙雲無際峯外峯，妙高臺頂試極目。周遭萬朵青芙蓉，水從千丈巖間落。如雷發聲出幽壑，長過匡廬三疊泉。肥似黃山九龍瀑，杜鵑初苞桃怒華。異香風送巖洞茶，上下隱潭更奇絕。石磴百級通懸厓，山水文章一而已。快心惟在不平耳。誰謂和平天性然，無心流露乃如此。世途夷險有避趨，人心矛盾信有諸。莫尋資聖寺，未堪叩太虛。

奉化至新昌道中九首 二十三年四月三日

此道所經皆是溪山深處。溪口爲剡溪九曲之口。自此至新昌一百三十里。經公棠村、康嶺村、六詔村。過剡界嶺。而入新昌境。嶺以下。水皆入甬江。其上入曹娥江。日暮天雨。借宿竹岸村。明晨。經拔茅村而至新昌城。

論老披襟支遁才。到門訪戴子。飲回風流剡曲無人問。我向溪山深處來。  
溪口山頭綠樹稠。萬千氣象樂亭收。華燈白遍緣溪路。襯襯人歸夜筏浮。  
公棠社裏拂雲旛。康嶺廟前搘蘚碑。以此坊民吾欲式。剡源先正百年祠。  
架木編枝成略彴。橫篙浮竹下溪渦。康莊一路成功日。無復林巒深處過。  
盡日穿林度澗行。桃花流水若爲情。偶然合眼輕輿坐。臘聽隔溪鳥語聲。

六詔錢祠金碧輝。四明花谷散芳菲。  
新昌入境蕭條甚。兩邑村容有瘠肥。  
雨腳濃圍日隱嶂。荒村一枕夢能甜。  
當鑪秀慧年十一。不見主人陳押炎。  
裏糧曉發更精神。放卻籃輿自在身。  
行盡拔茅村外路。溪橋廿丈嚇行人。  
見說山城息吠厖。縣官戢暴建奇功。  
昨宵竹岸羈眠穩。往歲萑苻嘯聚凶。

新昌 二十三年四月三日

新昌寶相寺前有米書南明山三字刻石白深標縣長見告朱晦庵昔在此注大學今其手稿猶珍藏於上塘  
村梁姓家縣故多匪自今縣長來三年匪幾絕跡地方傳述如此

百里巖畺五代開半分剗縣半天台爲憐溪雨侵游屐恰借桃花勸酒杯海岳大書猶在石考亭手  
稿不會灰我來處處原田誦戢暴驚聞邑令才

天台 二十三年四月四日——七日

第一日自新昌縣城發由天台之西北經觀音嶺上山宿萬年寺第二日適清明節日訪方廣寺觀石梁瀑  
布瀑合大興坑及金谿五百五十四尺是夜宿華頂寺第三日平明上山山頂有智者大師拜經臺降覽塔天  
風浪浪萬山俯伏下向東南行訪覓螺溪釣艇螺溪釣艇者一瀑下經曲折之螺溪遇一獨立之峯當溪中心  
瀑自峯下通出峯有縫自巔下垂著於瀑際若釣絲然故名今此縫無有矣是行艱險萬狀至高明寺有智

者大師所遺袈裟及鉢。有檣溪大師卽傳燈和尚寫經筆之家。是夜宿國清寺。第四日。入天台縣。從城外望山半赤城。孫棹賦赤城霞起以建標。極肖。

少讀與公賦。神游赤霞城。其歲甲戌節清明。其人以畫以詩鳴。誠動天靈玉汝成。縱目三日攝萬形。雲霓晴雨風雷霆。我所尤奇在雲海。初仰諸峯若覆鬚。少焉輕寒拂頰頰。隔澗高巖失磷礧。停筇游侶駭相待。不知雲裏吾身在。忽焉照耀五色霞。尼姑嶺頭日漏斜。俯視下界相驚嗟。赤者沙壤青桑麻。雞鳴隱隱千人家。颶颶一陣山風作。團團雪絮出幽壑。須臾大地張輕幕。稍讓諸峯露頭角。諸峯黝然雲一嶠。終焉滅頂遭兇惡。百無一見惟渾噩。斯時吾身殊分明。天風鸞鶴遊太清。但愁四海方沈冥。一宿萬年寺。再宿華頂峯。中覽石梁瀑布雄。雨腳滴瀝泉琤琮。大興坑左金谿右。交流傾瀉如奔龍。直注深淵復旁溢。噴沫高射天微濛。長梁屹然橫當衝。梁寬及咫魚背隆。奪門下出何洶洶。坐令觀者耳欲聾。梁端小殿精鑄銅。勇夫渡梁矜奇逢。凡所有得貪天功。罷遊少憇方廣寺。僧言雨後瀑奇異。岫雲昨出非無心。天公釀雨有深意。傳鐙筆冢古有碑。螺溪釣艇今失絲。欲窮造化發奇趣。絕幽涉險寧告疲。最後乃登天台寺。智者大師開宗地。止觀性相通顯祕。千三百年道未墜。一衣一鉢長留記。拜經臺降魔塔。登高拂曉風蕭颯。歸途仰首萬峯雲。赤城天半開闊闊。

下雁蕩過上馬石村留贈胡仲侯 二十三年四月十一日

朝發能仁寺。言尋上馬石。輕雲幕四山。不掩疊嶂碧。飛泉得雨肥。翻空五百尺。愛山不忍出。依依兩遊屐。重賴主人賢。爲黍餉過客。家釀甘始升。楊梅紫新摘。殷勤見二子。欲別意還惜。明朝天放晴。雁湖探祕蹟。

雁蕩 二十三年四月九日——十二日

第一日。從大荊鎮入雁蕩鎮。達三六九日有市。是日陰曆逢六。山市如雪。鎮中心培風閣。可眺雁山外表。游石門潭。元李五峯孝光住此。過老僧巖。下登謝公嶺。轉入靈峯道。中爲鳴玉溪。溪南爲連雲嶂。有峯若犀牛望月。溪北。則天冠超雲諸峯。尤雄偉。峯下有半月洞。均可於溪橋見之。靈峯第一亭。旁有雙笋峯。騰波巖。下有照膽潭。上有金雞峯。有道觀名北斗洞天。樂清縣長張叔梅置酒於此。導遊者蔣叔南蔡旅平二君亦至。蔡君奏三絃。秋江夜泊。思頽操各一闋。夜赴靈巖寺宿。第二日晨起。則見天柱展旗二峯。偉大莊嚴。左右對峙。其後屏霞峯。旁爲藏珠巖。卓筆峯。大獅巖。小龍湫。美不勝述。六十五齡周如立。能自拔地七百五十尺之天柱峯頂。用長繩自繩而下。翻空蕩漾。從容采取絕壁幽蘭以贈。叔南有廬在屏霞峯上。以祀其先燧堂先生。展謁留題三絕而行。過馬鞍嶺。玉霄峯。又名觀音峯。峙於上蓮台。峰承於下。深移我情。是夜宿能仁寺。有大鑊。宋元祐年製。左近七賢書院。今廢矣。第三日更前行。雁蕩瀑布。若梅雨潭。梯雲谷。西石梁。皆極可觀。以及靈巖寺之小龍湫。能仁寺之燕尾瀑。雖小亦有致。而以大龍湫爲最高大。最精麗。旁爲雲門峯與雙剪峯對峙若門。旣觀止。乃投上馬石胡仲侯君家宿。雁蕩最高爲百岡尖。出海面三千五百九十三尺。旣爲遊程所限。不及上。頗思游

雁湖·湖在山巔·多水艸·雁蕩得名·以此·連日苦雨·是晚有晴意·不意第四日晨·雨轉甚·乃渡黃金溪至冥園·飯於蔡君家而下山·

天台觀雲發奇趣·石梁雙瀑雄可怖·若論峯巒絕世姿·所見無如雁蕩奇·我從東北大荆入·市逢六日如雲集·培風閣上縱遐矚·千巖萬壑秀堪挹·石門深深碧水潭·五峯曾此留茅庵·峯巔老僧狀偃僂·儼然長揖迎客驂·斯時遊侶氣驚沮·謝公嶺外峯無數·文章楔子此開篇·雄奇尙在雲深處·峯迴路轉山陰道·前驅拍掌靈峯到·一溪鳴玉戛清妙·溪南列嶂連雲繞·犀牛望月喘可笑·溪北天冠峯逼宵·佐以超雲意孤峭·洞開半月鑿天竅·自餘巖巖絕名號·如召巨靈對蒼昊·如列笙鏞會清廟·上插九霄掩七曜·溪橋小坐收清眺·更上靈峯第一亭·插天雙笋何青青·騰波巖水清可聽·碧潭照膽長淵渟·金雞一聲天下醒·北斗洞天通帝庭·故人置酒肝腸熱·秋江一闋思高潔·秉燭夜遊興未歇·星斗飄垂路百折·不見靈巖古寺來·但看峯影峙雙鐵·靈巖奇出靈峯上·展旛天柱兀相向·巍巍寺後屏霞嶂·藏珠卓筆名之當·大獅巖與小龍湫·陰森幽怪莫可狀·六十五翁老好奇·猱升天柱如履夷·長繩縛若倒絳兒·翻身翩翩驚鴻嬉·忽捫絕壁采蘭芝·從容及地絕喘嘶·長繩蜿蜒吾度之·七百五十尺有奇·觀者額汗驚淋漓·屏霞山半廬精絕·樓頭栗主供先哲·燧堂先生魂可招·思親淚共泉

嗚咽二靈自昔繁客懷。吾愛馬鞍嶺亦佳。玉霄一柱聳天半。蓮臺列嶂青可階。能仁寺榻何妨借。千  
年大鑊今無價。七賢書院付荒榛。朱晦希李光王朋胡卿章倫十二謝鑑。省橫峯側嶺天下無。卽論瀑布亦絕殊。碧瀉雨潭梅五出。珠跳雲谷桃千株。西石梁邊清洗耳。琤琮亦頗雄。一隅小龍湫。小燕尾短。俯拾卽是姑舍諸。凡茲諸瀑佐遊賞。大龍湫實爲之長。奇峯雙剪雲門敞。白虹上貫天垂象。目測何祇五十丈。壁凹巖凸恣奔放。團團滾雪下銀潢。串串垂珠結珊瑚。因風翻空欲化煙。入池失勢難成響。朝霞一色捲文綃。夕曛五采張羅幌。飄飄著潤肌欲酥。津津滴膩魂全蕩。持與石梁絜短長。此何精麗。彼粗獷。彼如壯士拔劍雄。此如仙子出塵想。除卻美邦衲割雷。神州吾見殆無兩。百怪千奇不可圖。一斑窺豹殊粗疎。歸程阻雨上馬石。悵望愁雲幕雁湖。

永嘉中山公園所見 二十三年四月十四日

斜日江亭逝水沈。飛霞庭榦飽霜侵。吟魂入地祠塵暗。戰血迴天碣意深。紅粟太倉因舊積。青衿城  
闕嗣新音。事功性學都何有。我欲千秋起水心。

舟山半日遊 二十三年四月十七日

成仁祠 在定海城鎮鰲山下。以祀明季官民爲國捐軀者。宮井爲魯王妃嬪殉節處。雪交亭爲張肯堂守舟山時

所葺·具詳全謝山舟山宮井記及近人所作明季諸先烈舟山殉國始末記·

吾游定海城·言登鎮鰲山·山下弦歌聲·列隊皆童子·尋聲下訪迷失道·道旁宮井埋青草·三百年來碧血新·謝山一記猶堪考·雪交亭前梅樹肥·成仁祠外風滿旛·摩挲栗主百二十·在昔何盛今何稀·徘徊周覽興未歇·倉河頭巷碑留跋·道光庚子年六月殉國義民李昌達·城可拔地可割·匹夫有志不可奪·庶幾強虜凶威遏·嗟嗟東北好河山·亦有義民無義官·官不生降卽生還·低徊今昔空長歎·爲語莘莘諸學子·與子同仇雪此恥·

千齡宴第二集壽馬相伯先生九十五呈四絕 二十三年六月二十四日

年年春櫻市西開·爲祝無疆競舉杯·今歲先生登九五·飛龍乾健自天來·  
九二蘇門孫夏峯·西河九四亦稀逢·一編今古疑年錄·碩學耆齡獨讓公·  
艱難計算到傳薪·曾比甘泉九十春·一歲願投詩一首·不才準備百篇新·

佳日千齡會唱酬·新祠子野老風流·關山東北愁無限·那許先生便白頭·

宴罷先生填詞一  
闋傳示同席

江行 二十三年七月九日

江城未暑已蒸溽·赤雲挾火作三伏·高樓文縠飽涼颸·枯畦望斷雨霏足·南皮有會非浮瓜·清談勝

侶忘日斜。鄱陽雖謳匪傷雅。一編新舊思紛拏。金焦雙墮江心綠。濁流不礙鱗星浴。卻聽新聲摧肺肝。淒涼破網漁光曲。

廣昌歸來

二十三年七月十八日

百里盱江十駕遙。邨雲殘破見新碉。軍中人物森頭角。劫後山川鎖寂寥。小隊郊垌親畚鍤。頭陂礮火燭層霄。書生別有憂天淚。終盼仁霖長愛苗。自南昌南行至梁家渡七十里。臨川百八十里。南城三百三十里。南豐四百五十里。廣昌五百七十里。皆沿盱江行。三日往返。車停十次。凡一千一百四十里。

匡廬謠

二十三年七月二十七日

共和建元之三年。四月匡廬成遊記。一十三年我再來。二十三年我三至。逢三總是入山年。十年一至期未愆。諸峯青葱不改色。喜我亦無霜上顚。翻觀大陸龍蛇走。雲衣百變成蒼狗。衆人皆醉誰與醒。天遣此江變春酒。名山政局亦屢翻。大事無如漢逐蕃。碉樓嵯峨山之樊。盡除道茀張戎旛。桓桓始識山靈尊。蘆林花徑皆新邨。王坡抉發瀑怒噴。小亭鑿引靈湯溫。山南山北雲列屯。散者整齊疎者繁。幽闐者通寂者喧。人力所至鑿混元。從此更無捨身者。危厓設障安神魂。山僧人事殊弗省。變色而談苛虎猛。我聞匡廬三士陳立李平嚴立。三欲破雲局期得請。

四海 二十三年七月三十日

四海爲家盡弟昆。物猶吾與況同倫。  
素琴獨奏娛羣耳。綠樹親栽蔭後人。  
莫非事到收功何必我。

惟天無外  
天如私覆

平生未逮知多少。百歲勞勞七尺身。

小天池梁和甫手創楊翼之分寓廬招宿十日留贈 二十三年八月三日

天池雖小天生成。一隅占勝名不爭。  
兩厓蒼蒼障南北。在山終讓流泉清。  
丹甍白石屋八九。鄱陽湖水掌坳傾。  
我來三伏不知熱。交蘆冷與伊人別。  
蜀亭一席聊樂分。相期更賞梁園雪。  
祇愁山外亂雲多。巖阿叢桂空提挈。  
揮手西崦送夕陽。回頭素月升東方。  
雙丸終古出沒忙。天地生我何堂堂。  
無使等閒雙鬢霜。

漕河涇農學團屋前兩桐樹二絕 二十三年九月一日

當軒瑟瑟兩株桐。無恙秋來落葉風。  
儘汝孤高成百尺。敢貪雨露上天功。  
高山流水夢中尋。相賞牙期何處琴。  
留爲後人作梁棟。園丁自抱百年心。

重九西湖謝客讀琴隱園詩寄秋水山莊主人史量才 家修 二十三年十月十六日

冷絕重陽客裏天。打門風雨晝深鍵。  
未荒籬菊如人淡。得飽園蔬勝蟹鮮。  
白髮詩翁猶殉國。碧山琴

侶漫尋仙。平生總浮名。累小隱能令意灑然。

成殲·白日陳尸  
帝不知」句

題湯貞愍雨生小像應其曾孫定之屬 二十三年十月十七日

我讀琴隱詩。卓犖詩。中傑雋雅何曾似武人。風流絕未妨奇節。自公出塞詩益工。太平詩將海內空。  
意愜能飛眉宇色。句奇時挾幽并風。題龕手澤珍信國。易服豐采驚子容。風亭月榭坐琴侶。謂公清  
福宜考終。一身殺賊作露布。卽此才名已千古。琴心畫意書手兼任。取一端誰比數。一官投老栖江  
城。死生一擲千人驚。不死王官死天職。新銜血戰如聞聲。卽今國步艱難久。披圖愧對蒼髯叟。曾元  
好學似而翁。公詩集卷十五題  
恒手一編圖句努力無忘忠孝後。

趙竹君鳳昌八十馬雋卿士杰七十李耆卿錫純六十江問漁恒源五十集趙惜陰堂公祝

二十三年十一月六日

惜陰清閟隱人海。真靈相業山中在。溯從庚子迄辛亥。興亡夢覺驚風采。皤皤一老秦亭來。盛年珥  
筆游蓬臺。大隄鄣水溝江淮。長鬢風雪日往迴。鄰侯早隱有仙骨。善藏民富用不竭。佛號聲中呵豕  
突。善氣縈結未華髮。古傳三壽宜作朋。八七六十如塔層。就中江令最年少。卻因讀易寡過能白門。

白髮句指湯貞愍。不意史君於十一月十三日自杭返滬途中被  
狙殘命不及一月此語竟成詩識。余哭君詩有「碧山殉國詩

柳換梁園雪。摩頂匪恤。餘鬚簪。淞波一翦秋。如畫卅年陳績付清話。有獻於國。倘已多有錫。自天不須介相看。九五白眉翁。此正壯年日月邁。嗟哉東北多封狼。荒荒山川阻且長。諸公若定指揮策。人慶無壘國有壘。

樂農招遊太湖衛玉惠泉明劍偕 二十四年一月九日

衝波短艇駭電掣。挂林斜照眩雲纈。天心釀寒不成雪。賺得梅花暗香洩。梅園南望何溶溶。貼水朵朵青芙蓉。長橋百丈眠春虹。匠朱春悔天巧奪百工。雖曰未學神已通。寶界山根叩紺宇。世情茶味證甘苦。如飲冷煖君自知。除卻山靈誰與語。嗟哉成功非等閒。萬家衣食齊懽顏。餘事經營湖外山。主人含笑答客問。功成有意無意間。樂農縷述。偕其兄宗敬創紗廠麵粉廠之經過。但知刻苦猛進。其成功實以無意得之。

非有齋額字書成。被竊改題。非非有綴。以兩絕 二十四年三月二十三日

身外我何有。何嘗有我身。林陰容小住。非有當齋名。君子梁上來。賞奇負之走。詔我以真理。非有非非有。

壽相老人九十六齡 二十四年三月二十七日

民國紀元二十四年。相伯先生春秋九十有六。時正手譯基督傳記。將完所業。同人以三月十九日集上海土山

灣恭祝·是爲千齡宴第三集·退而賦呈·全詩九十六字·如先生之齡·願歲獻一詩·雖千言不敢辭·

端居玩羣動·衆生戀小年·小年大年何用絜長短·正懼碌碌羞彭錢·巍巍相老人·今之徐文定·學郵歐亞通·道籥天人應·政海偶迴翔·聖功必以正·皎如日·明如月·如風風人雨·雨人登樓神采長輝發·譯完基督遺經千八百年前·先生大年八十又二八·

寫懷二首 二十四年四月二十三日

積小功成大·求精道在專·扶危彼相手·任重匹夫肩·智眼寰中遠·憂心天下先·同胞騰萬口·誰爲念  
頗連·

神交千里合·物性一誠通·富敎談何補·明夷道豈窮·子黎風偃艸·晚翠歲寒松·吾亦行吾是·東西心  
理同·

河車雜詩二十首 二十四年四月五日——五月六日

輕車千里破黃埃·忽地橫江暮色開·不辨柁翻和轂轉·滿裝名士過江來·  
滿眼楊花舞嫩晴·全無主意撲窗櫺·便敎化作池萍活·總是輕浮過一生·  
三月夏正桐始華·東人製屐美材誇·紫英萬樹能留客·芒碭山高欲下車·

先人壯歲此邦遊。五十年前屐雪留。終古黃流成大患。貫台口外蕩廬疇。  
銅瓦廂堤接貫台。豫齊燕界易成災。事權學派爭無已。百萬生靈豈暇哀。  
桐槐西院午陰清。相對傾談蓄舊情。倘許梅庵溫昔夢。六朝松下讀書聲。  
待人如日烘冬暖。說理如墮落水圓。困勉半生吾未信。誓將斯意餞華顚。  
忽聞人笑忘年老。始感吾生歷世多。五十津梁人忍倦。又攜綠鬢看黃河。  
莽莽關河渺渺思猶龍。此去欲何之一言合補五千注。莫認無爲是不爲。  
渭南瀟洒似江南。風柳絲絲漾碧潭。使我渭川千畝竹。爲君佳處一茅庵。  
灞橋銷盡古今魂。流水斜陽尙屐痕。一笑書生留本色。故人迎我到郊門。  
百錢百觔梁上棟。一金一口懷中兒。廿年兩陝傷心史。耆舊從頭說亂離。  
到此民勞汔小休。家家物物罷誅求。官民情重成師弟。叔子雍容自帶裘。  
涇原鄭白早開渠。唐宋明清代濬疏。終仗水泥精鍊力。今人敢笑古人粗。  
搏搏大野莽塵黃。風雨姬姜墓草荒。想像三千年以上。招招一水造舟梁。  
歷劫衣冠見苦心。婕妤無恙放喉吟。古秦聲異今秦俗。亢激迂徐演變深。

少陵祠與玄師塔寂寥城南弔古情詩史千篇篇有淚相宗八識識無明  
太華岩巉削不成五峯兩日盡遊程愛山更愛山民好一夕兒筭見性情  
落日關城畫角哀河聲嶽色客心摧片帆欲喚楓林渡太息橫流去不回  
大好河山我欲歌興亡今古感懷多八千子弟須磨勵與子同揮塞外戈

觀涇惠渠留贈諸工師並懷李宜之協 二十四年五月三日

萬峯深處響飛泉不信人工竟勝天大脈平行仍挹注伏流涌現忽洄漩三年畚鍤千夫汗一碧禾  
棉萬頃田盡力溝渠吾何間漫將工拙較前賢

華山 二十四年五月五日

往者轅固生華嶽寫遊記讀之神欲飛廿年後君至太歲在乙亥夏正其月四姚生惠泉我良侶資糧  
供維備二車辨色發輕掠華陰鄙三峯何岩巉望影已心悸院門叩玉泉山根得少憩竹兜未童習  
下溝俯欲墜五里第一關十里莎蘿坪毛女樂洞居神話留咸京輿夫指山凹白蛇遭難形行行二十  
里青柯坪不局鍊師惠我多布韁易革輕有石號迴心客心始屏營陡壁鑿斜級下臨溪莽青壁  
孔容半足左右鐵鍊縈是名千尺幢登山此初桄上有百尺峽舉趾危欲傾仰見下峽者頭汗喘有

聲巨石老君犁更進愁猢猻一過車箱谷嶮難具名惴惴登雲臺北峯窮崕嶧青柯坪以上何止十里程道人闢精舍餉我以黃精雖樂敢流連舍此還復行一梯斜上天垂直如引繩其上擦耳崖側身修未能崖盡得山脊蒼龍嶺見稱浪浪激天風氣噫喚不磨自下上峯頂非此無由升遂從五雲峯上攀玉女宮玉女正乎中東西南北通此外峯無數羅拜兒孫同既安危未忘少休力轉充朝陽鳳不鳴乘風吾欲東直上復直下矯捷如行空論位玉女尊論高數南峯巍巍金天宮一覽諸山窮其陽有大脈西北迷所終少華似弱弟徐行兄是從東北瞰黃河天矯龍門龍渭水東注之雲樹春蒙蘿受溉者萬家方卦鋪青葱倏然白日匿作雲雨意濃黃冠下賓榻丹房停游筇全山四十里盡此一日功功成敢告勞餘興猶能作輿夫招使來班荆以爲樂六人占姓二四李加兩郭家在上洞兒力田殊不惡不染阿芙蓉亦不嗜賭博所苦不識字惟恃健腰腳作書試教之顛倒認無錯成言授之誦欣然若大穰往時茅塞心一旦雲開幕尊我以爲師情意良非薄中華千年來嗟此未彫璞明朝覓歸路掖我加殷勤西上蓮花峯五峯偏遊身朝瞰紅四山巨幅斧劈皴下坡輿倒坐臨別還逡巡吾誠愛華山尤愛華山民

乙亥七月青島有贈  
二十四年七月十八日

神州東盡碧一灣。有山嶺嶺不可攀。向陽繡錯通瀛寰。殊方異種輻輳乎其間。國魂何地雄堪叫。雲  
開喜見田橫島。四十年來海水飛。憎主何分甲乙盜。竭來江海愁轉蓬。一隅猶樂熙皞風。五十萬人  
謳歌同。雙山葡萄秋釀釀。丹山亭鴟春花紅。一塵許我衣褐從。與君日夕談神農。

勞山記遊十二首 二十四年七月二十二日——二十八日

偶合萍蓬信有緣。羊兒紀月豕兒年。翁齡七二童齡八。聽水看雲各任天。

同游二十三人。漸盦沈恩孚年七十二。梁女八齡。勞山舊有石屋書院。

一徑斜通柳樹臺。綠雲深處酒旛開。早聞村落新弦誦。石屋金絲付劫灰。  
驚看破壁玉龍飛。靜聽潮音入妙微。天爲游人足幽趣。隔宵一雨瀑添肥。  
行行一水至九水。處處茅廬是石廬。歸去夕陽王子澗。一囊詩思壓輕輿。  
潭月橋邊納午涼。石門峽口挹嵐光。勞人合住勞山未。卻笑奔泉一例忙。  
再上勞山一惘然。聊齋文字憶因緣。上清庭院今無恙。不見耐冬三十年。  
萬里歸帆千梵筴。百年臨海一漁村。無終無始山頭石。歷盡滄桑噤不言。  
法道法天法自然。末流骨竈誤師傳。是誰真解長生訣。慈儉不爲天下先。  
華嚴寺外斐然亭。更上明霞洞不局。絕愛憨山詩一首。海雲深護閣藏經。

三上勞山息大勞。蕭森一院響松濤。白雲仙卷空持誦。身在誰能世外逃。  
萬峯深處花花浪。滿地荒榛挂玉泉。恰似村姑饒嫋媚。亂頭粗服得天全。  
歸路仍趨柳樹臺。隔溪碧嶂畫圖開。勞山畫石兼諸勝。劈斧披麻任剪裁。

虞山懷舊三絕

二十四年八月二十一日

一失足成千古恨。空攜雄涕弔江潭。多君博雅饒風趣。隔舍鄉音趁夜譚。  
書生作宰亦精神。粉社弦歌轉眼新。晚歲鄉邦考文獻。滄江遺恨失傳人。  
孽海煙花漫品題。懺將綺夢付驚鼙。詞人老去留仙蛻。白髮秋娘日夕啼。

殷次伊  
丁初我  
芝蓀  
曾孟樸

江行十首 二十五年一月二十九日——二月二十日

到眼蓬蓬未是春。泓波翦恨送征人。遲遲雪柳歸何處。莽莽江山着此身。老癖圖書外。何有客心魚  
鳥壹相親。廟行薤曲聲悲壯。鍛鍊千年蜀碧新。

騰騰一水沸金焦。寂寂五峯江海交。季子文章餘事在。小姑詩酒廿年遙。魂歸楚尾無青草。星落旄  
頭有赤熛。到底英雄論成敗。素車怒射燕磯潮。

黃鶴樓前散舳艤。百年陵谷見乘除。抱冰互保扶危後。易幟共和建國初。金箭美才無晉楚。漢江遊

女有詩書精廬吾亦東湖愛奈此煢煢野哭餘。

壬戌曾追赤壁舟歸途亦上岳陽樓十年野血羣龍戰一夕天門萬骨浮赤地刀兵兼水火朱門歌管自春秋荒荒象鼻山前土楚國書成寶未收。

身後功名那可憑相才吾欲起江陵當年吳蜀曾爭地今日西南倘得朋差喜拂雲棠蔭美定看揮白魯戈能尊前舊雨逢今雨一夕園遊感不勝。

金甲春農事可嘉東山忠骨枉蟲沙急須飛將豐毛羽忍對諸生惜齒牙入座南冠猶有禮隨陽北雁已無家長沙終見登宣室吾愛清才柳劍霞。

夷陵西去萬山雲六六巫峯一水分隨地花鹽堪入味成圖拳石亦能軍靈風屈子祠前拜夢雨高唐賦裏聞白帝孤城誰許臥亭邊百戰舊時裙。

空冷灘接洩青灘入蜀於今路未難到處雄奇大斧劈幻成慈孝合家懽兵戈想像留書劍牛馬忠勤見肺肝吹氣蒲蘭碑下過幾人天職似君完。

不夜園林禁客眠紅梅萬本拂吟鞭燭奴密樹惟窺影罩子蜀稱霧曰罩子遙山不見天何物雨雲幻神女祇今涪萬少春鵠瀟瀟一枕江聲裏歸夢吳闌曉泊船。

夔府西來渝萬東巖城盡在白雲中平沙金礫憑君取小縣樓臺亦自雄峽裏人家生有養峯頭碉  
壁盜無蹤長纓一騎桃花血請向蓬山去掛弓

青城山 二十五年二月二十三日

旣觀都江堰遂趨青城山一肩滑干三十里禾麻雞犬居民閒范賢故居未及式但聞流水聲潺潺  
一亭引勝暝煙裏第五洞天不可攀鍊師何倦倦籠燭自開徑侵晨谿雨阻遊屐長日甌茶助談興  
我聞老聃三寶首曰慈無爲而爲非不爲陰氏煮金惠窮乏鳴鵠治病百姓師逍遙千家倡自衛思  
邈千金方廣醫凡諸求仙者匪敢以自私方今嗷鴻遍海宇掉頭忍與人世辭師贊我言非河漢五  
千真諦知者罕少年憤世求入山荒荒天職良可歎高談未已雲入房張我軍者兒方剛詩成各盡  
酒一觴垂乳銀杏老子大腳玉菇香調羹爲語飛昇今有術我曾拔宅雲中翔

劍門 二十五年三月十日

飈車上阪扶搖勢峯迴逕逼不可制坡陀行盡變山容鏟天疊嶂白日蔽砉然雙闕摩雲開當門巨  
石何崔嵬誰歛闢此五丁鎚闢成小徑容身纔真疑太華厓擦耳視彼夔門猶恢恢其旁小劍門丸  
泥封荒萊別逕不許捫蒼苔除卻飛將從天來摩挲絕壁驚奇采大小母子石磷礪高崖百丈皆磊

磊誰盪成圓壓成魄始知過去萬千年此地滔滔猶大海出關千里秦隴行插空萬劍天爲驚迎面諸山盡北向隨陽獨雁猶南征巖巖天險正多故有關不守真庸懦我聞昨歲赤熛怒當關奇扼官兵住蟲沙猿鶴悲無數

溫泉峽 二十五年三月二十一日

深江峽束奔流住幻作瑠璃碧凝沍春山懨懨雲醉之破曉初醒還睡去山樓百丈臨江開絳桃玉蘭錦繡堆佛殿鐵瓦青崔巍琴廬磬室相依偎藤根溫瀑若潑醅我身旣澡心絕埃善與衆樂誠快哉抱雲一枕客夢回江聲泉聲驚喧颺千軍萬騎疑敵來與子同仇寧徘徊棹謳上瀨淒以哀如訴民隱心爲摧何處笙歌沸遙夕雲外樓臺自金碧嘉陵江上神仙宅

北碚溫泉公園三宿留題三絕 二十五年三月二十一日

嘉陵江水碧於油夾岸春雲嬾不收勞者有聲誰會得清宵幽怨棹人謳

數帆樓外數風帆峽過觀音見兩三未必中皆名利客探幽我亦泛煙嵐

桃花細雨鎖山門鐵瓦斑爛古殿存清絕頭銜山學士見無佛處且稱尊

白桃花有紅點者名山學士

成渝行 二十五年三月二十二日——二十六日

成渝之間八百九十里。鷹巖百折仆復起。自餘如繩又如砥。我來何見去何聞。嗟嗟吾僕亦痛矣。內江之糖富榮鹽。地中有火明夷占。富媼美利誰能兼。盜天國氏何傷廉。忽聞道左啼飢者。當街餓莩赤兩踝。鶉衣百千走牛馬。有虎有虎泰山下。

兒方剛生日同上峨嵋金頂作 二十五年四月四日

母兮生汝劬勞日。墮地於今卅五年。迢遞迎從霄漢下。間關扶上大峨巔。功名期望皆身外。天地莊嚴在眼前。此體此心都付汝。母心純善體純堅。

留題峨嵋縣城兩絕 二十五年四月六日

山市清明冷夕曛。女牆流水虎溪分。平生此事傷廉甚。飽掠峨峯兩袖雲。

密密疏疏三萬家。錦屏風下李桃花。愛山更愛山民好。栽了山秧去賣茶。

峨眉縣三萬零四百四十三戶

大字歌自鄂飛陝空中作 二十五年十一月二十三日

大字窄窄風浪浪。千山萬山明夕陽。俯看太華小培塿。終南大脈橫脊梁。江長漢廣行潦耳。自餘糾結難名詳。中有千年民人未覩世界大。亦有溝猶小儒讀書自娛不問國族之興亡。龍蛇大澤靡不有。豈無鸞鳳棲高岡。刀兵水火一劫白萬骨。亂極思治還復修農桑。以此構成周秦兩漢晉隋唐宋

朱明大史冊。共和五族。稍稍流曙光。旁風上雨來重洋。江帆海舶爭輸將。人人蹶起求生本。自力中州元氣猶靈長。我生其間天職寧自忘。誰披荆棘修康莊。游心八極目四海。補苴罅漏汲汲殊未遑。九邊寇烽日夕張。奮我神威收巖臺。人心不平有如地。山川糾繆心憂惶。無情白日自西匿。惟見大塊煙雲餘莽蒼。

大風中空行 二十五年十一月二十六日

到此真浮博。望槎手捫日月弄雲霞。紅黃疊浪珊瑚海。黑白翻空玳瑁花。直欲孤身犯牛斗。應憐下界慘蟲沙。開襟無際成高朗。何用人間更憶家。

悲王光祈客死歐洲 二十五年

誰遣天涯死此才。交情江海幾銜杯。萬千劫後心能定。十二年前首忍回。砥柱橫流君所志。廣陵斷響我尤哀。絕憐雨覆雲翻地。一紙清容出積埃。去歲尙從舊申報內  
檢得共君攝影一紙

壽韓止石 國鈞八十齡三首 二十五年

淮海維揚一老成。早年卓犖秉忠誠。案無積牘驚精力。政有餘寬見性情。身退終惟洪水懼。官高不改舉家清。歸裝袖得峨眉雪。恰藉綏桃勸一觥。

塞外珠槃早捧函。江南虎帳更親參。  
和光亂裏銷凶慾。雅量忙中耐客談。  
餘事盛聞傳墨妙。循聲亦遍蔭棠甘。  
平生調護扶持力大抵深心未盡諳。

一雁雞林重社粉。瞻園百日廁班紳。  
簿書雖困良知在。溟渤相期語意真。  
甲子年來餘涕淚。滄桑隱後尚經綸。  
椿庭生與公同歲。祝嘏聲中有鮮民。

哀顧君義兩首 二十五年

不堪三峽倦遊身。天奪維揚一俊人。  
到死猶聞語清澈。平生留得膽輪囷。  
亦從柱簡搜殘蠹。未許池蓮染點塵。  
交到深時無幾日。每懷此意極酸辛。

一夕談心各悔遲。津橋逆旅訂新知。  
君平世未相忘日。太白人皆欲殺時。  
獨掃陰霾開直道。更從鄉國證交期。  
塵塵十五年來事。零落江雲酒一卮。

九九歌三首爲兄濟北 洪培壽 二十五年

少年少年雙影翩翩。兄乎讀書肇溪寶訓堂。  
西偏弟也就學東野孟氏之齋前。兩兒秀發衆所憐。  
依父執珍此玉雪。請闢甥館居其一。重闢鶴髮歷劫存。  
百無可望望兩孫。中年中年何勤勤。弟也東西南北人居者行者勞。  
乃分莎城有衆。惟兄董之。公款公產。兄實筦之。濱

海有田。梦者紀之。煩者理之。弟致其虛。兄則實之。不求人知。惟天質之。

老年老年勞未息。兄年六十。弟年五九。天賦吾力能自食。五十年前事休憶。攬鏡顏紅髮且黑。入門妯娌兩相得。聰強兒孫各在側。兄生九九天所錫。黃華黃酒香兼色。一事老懷長惻惻。危邦幅仄復幅仄。哿矣吾家兮。何以存吾國。

蕪湖築懷爽樓紀念袁爽秋<sub>祀</sub>寄題二首 二十五年

六君子後哭三忠文采如公海內宗勝地獨遺千古愛靈旅常滿一江風舍生天地扶元氣落筆煙雲抉化工庚子朝臣少相識雲間海上想游蹤。

卽今學海盡桑田鶴返吾園一惘然。先生嘗讀書上海龍門書院有園名吾園後改師範學校今夷爲商場經國長才曾照世成仁短瞬欲呼天忍從敵騎攻心日重憶神京喋血年空慰忠魂支半壁惜陰終隱剩霜顚。

浙贛道中 二十六年四月

杭州西轉下南昌直越仙霞過弋陽匝地雲英翻日紫驚天崖石破泥黃一車山下雨初足二月田間人未忙卻爲深秋催夢熟已聞弦誦近蓮塘

青雲譜 二十六年四月

南昌城南水一涯。青青被野肥禾麻。我來清明日未斜。青雲艸閣烹新芽。主人徵詩迎客車。蠟燭曾不禁塗鴉。林塘一逕紆修蛇。入門衆妙搜丹砂。小園水木何清華。一亭當午白日遮。油菜初覓紫荆花。黃冠坐奕簷之牙。如雲士女樂勿譁。此邦土風清且嘉。庭陰延佇驚槎枒。老桂獨幹五檼枝。中華五族今一家。山人復生毋咨嗟。明末宗室八大山人朱良才隱此手植雙桂一榦包五枝

西江八首 二十六年四月

人去西江水自流。從今賣劍買村牛。傷心劫火青樟樹。傾耳春絃白鶯洲。敦厚嘉名擬詩國。吉安雄賈長神州。莫談十七年前事。百變雲衣眼底收。

八景城樓二水交。鬱孤臺院俯西郊。早傳一叟黃墟恨。最早所識贛州友人劉莘珊瑚下世久矣。苦說千家赤舌燒。此去灘名記惶恐。何來海市入蕭條。瓊花孤本空垂淚。珍重園丁禁野樵。贛州公園從揚州移植瓊花色青白每現僅存新植之一株。

江從絕徼探源遠。大庾有水爲章江之源。山爲神州拱衛嚴。古洞蛻真虛石座。鐘鼓巖有洞洞中有修道石座。危松植界挺峯尖。大梅關頂贛粵於此分界有二松挺立爲界。千崖渥赭光騰寶。一路濃葩景入炎。山崖作赤色錫錫皆產此植物作濃綠色。兩戒於今歸一統。梅枝南北更何嫌。

名區布政迓新轄。光照臨川筆底秋。攀桂有靈爭夢鹿。添籌無恙試呼牛。滄浪勝地杭三熟。湖海交情茗一甌。教得鵬溪敦禮讓。機聲鋤影盡和柔。臨川有攀桂峯。中秋人民爭睡峯下祈夢。鵬溪農村實驗區全此區主持者王貞木。縣長夏景岑。專員周直羣。皆二十年老友。三年前邂逅於茶肆。

小別南城景物非。漸芟荆棘長芳菲。終憐白骨春閨夢。坐廢青苗繡壤肥。慘淡土花郊拾鏃。荒涼鎧蕊巷鳴機。盱江何處迎帆影。艸長王孫歸未歸。

南城以上壯丁大半死亡。致多嫠婦。多荒地。翠微峯舊為寧都西北金精峯之一部。前都一帶土產夏布。年額一百餘萬圓。今僅四萬餘圓。

寧都卅里望金精。拔地奇峯削不成。一線天開容俯入。千尋壁立試攀行。腳無插處身嫌贅。首一回時骨亦驚。五十武夫半迴駕。翻教文士肯輕生。

翠微峯舊為寧都西北金精峯之一部。前都一帶土產夏布。年額一百餘萬圓。今僅四萬餘圓。易堂九子。民二十廿一年紛擾中不肯從者。避登峯頂。以其絕險可守也。卒以糧盡援絕。殲焉。峯頂有新建殉難紀念碑。

微聞金盞出人間。花樣新翻古色斑。一水蓮塘滿生意。廿年蓬巷化雄闥。浮梁三月茶邊客。破鉢千收白一堆。民族精魂憑此寄。臨危不苟掬餘哀。

翠微峯舊有易堂明末魏叔子（禧）等九人避亂講學於此。稱易堂九子。民二十廿一年紛擾中不肯從者。避登峯頂。以其絕險可守也。卒以糧盡援絕。殲焉。峯頂有新建殉難紀念碑。

家屋外山猶有殘荷戒行旅。征車乍濺血花殷。大盛。鎮有蓮花塘為風景勝處。自浮梁至樂平間。有殘寇伏山中。聞月前某官過此。衛隊被殺十人。

景德鎮廿三年前嘗遊此。自設陶業管理局。產瓷品質及式樣皆改良。產量亦大增。去年由產額三百萬圓。增為八百萬圓。市況

宿臨川溫泉 二十六年四月

我聞西江多溫泉。溫涼適度數臨川。歸從贛水車左旋。昏暮試叩求之便。入門磅礴骨欲仙。詰朝蓮峯散曉煙。蓬蓬生意盈陌阡。居人惜泉引灌田。天然肥薅不論錢。土氣蒸發若沸煎。香杭三熟粒實堅。無災無害長有年。舍未解衣魚戲蓮。村童村婦咸懽然。五濁既盡勞亦蠲。全村醉入陶陶天會攀仙桂。登峯巔。欲爲衆生祈夢圓。夢見茲泉徧大千。

民國二十六年重五節訪沈衡山章乃器王造時沙千里鄒韜奮李公樸於吳門羈所題其畫

冊二十六年

湏洞煙塵白日昏。端陽風雨叩圜門。長城萬里梅千樹。隨意揮毫見國魂。



芑桑集卷三

從「七七」起至抗戰勝利結束凡二百四十八題四百六十一首

自京之漢舟次王仲武出示明季龔半千輩江南名士畫十二幀題四絕 二十六年十一月十八日

王生珍重啓新裝妙極秋毫喜欲狂讀到遠峯疏樹本長天山翠落江艘  
文章冠冕屬南州衰亂猶堪予取求各尙精嚴謝荒率幾曾浮薄墮時流  
掃葉樓荒憶半千一編畫史幾遺賢歐風挾勢來中土此在東周變雅前  
姓氏遺民認是非風流王謝愴烏衣不堪三百年前後再見江南敵騎飛

自武昌之長沙二首時京滬既陷矣 二十六年十二月十九日

忽焉幻滅訝無名大好河山卻曲行淚盡湘江來作客夢回歇浦去塵兵二陵風雨先靈在一部蟲  
沙兒戲成水火十年荒大計盈廷今日已銷聲

風急船飛走百官攀舷露泣滿江干已空杼柚嗟微命每獻芻蕘感萬端遍唱攘夷求助寡盡排異  
己歎才難千秋滂母傷時語生死何心義在安

登嶽麓拜丁在君文江墓 二十六年十二月二十六日

天寒湘江深。亂流客爭渡。行行望大麓。丹臺巖蘚護。魯殿猶歸然。思新制存故。考亭與南軒。卽此倡  
酬處。忽聞泉琤瑽。一亭山之跗。行盡逕攀確。村人指丁墓。丁生樸學者。大塊究元素。於學無不窺密  
察文理。具亦善策天人。乘時稍展布。翳惟吾與君。笑談雜攻錯。斷斷曾勿辭。席終無牴牾。丁卯星浦  
潮。裘生溢朝露。遺蛻何所歸。買山共營厝。豈意不十年。哭君旣封樹。中邦正殄瘁。人亡一何遽。君生  
亦何堪。兩京寇全踞。東南惜上腴。長城北失據。我聞元兵來。茲郡策防固。守者舍生百。臨危無反顧。  
城亡盡俱亡。高義泣行路。諸生今踔發。投筆戰場赴。忠孝與廉節。心源遠堪泝。嶽雲鬱森森。江海迴  
流怒。龍蛇發殺機。大地若或遇。中興一成夏。亡秦三戶楚。以此慰九京。策功豈旦暮。嗟哉吾中華。艱  
難困天步。水火亦有年。到今促微悟。於己求自立。於人求多助。遺言尊先識。到堪察加去。「到堪察加」  
君最後發表文字。

民國二十六年除夕自長沙抵桂林 二十六年十二月三十一日

板蕩奇愁逐劫塵。山河碎影奏孤身。辭家短短三千里。生我勞勞六十春。二水源頭湘合桂。一年日  
翻舊更新。請纓寫遍千門帖。三戶興亡卜楚秦。

雷渭南就其親家易熙吾宅餉我精美素食座有林烈勇暢談欲醉時敵陷南京矣索詩率應

二十七年一月三日

當筵水陸食單齊。妙手烹調出玉閨。故事朱陳村想像。高人梅鶴座提攜。桂林豆腐蒸成乳。荔浦芋魁搗作泥。「易」味口同天下嗜。「素餐」詩索客中題。葡萄得母新升釀。萊菔生兒或乞醯。卻爲雙窨茶韻美。燕雲北望一悲悽。

題林烈勇西陲紀畫冊 二十七年一月六日

始我識林子。快讀林子文。遠慮排衆喧。西北張一軍。孤身萬里行。立馬天山雲。人物與山川。載筆何精勤。忽忽二十年。朝野空斷斲。胡爲左右袒。毋乃私其羣。自茲談西北。國論滋益紛。怯者畏蛇蝎。昵者中酒醺。國策之不立。迎拒兩何云。支離東北風。倏焉揚寇氛。長城旣崩壞。兩京全掠焚。命如縷。不絕。酷哉甚瓜分。嗟嗟諸少年。如市歸河汾。亟肄誠多方。曷策中興勳。乃者山南北。異軍特起聞。六政洽內外。有衆鼓大昕。中土敗官邪。斯邦葆清芬。大命倘攸寄。一成田是耘。竭來五嶺春。邂逅加懇懃。名畫劫火餘。葉葉哀香芸。秦策贈繞朝。吳簫悲伍員。擲筆一長歎。天涯吾與君。

西江行 二十七年一月九日

嵯峨五嶺限南北。湘灘相合源可識。勞勞何地征塵息。榕裏山城誰畫得。桂林之山天下稀。就中尤數陽朔奇。如錐如几如累碁。如佛趺坐如伏獅。如齒齦露蓮瓣垂。小姑江上化身億。大河鵠華此拾遺。隨地靈峯開雁蕩。夔門劍閣成等夷。浮灘涉柳二千里。停車往往情欲移。我從山川考文物。澤絕萑苻道無茀。絃歌逐隊皆雄冠。噴室議從鄉校出。小康亦復念民勞。同仇大義衆心一。嗟嗟匹夫何罪璧。是懷慢藏盜入誰誨來。如此江山信美哉。中興端賴非常才。西江幅仄空徘徊。

登貴縣石達開紀念亭有感四首 二十七年一月十日

東湖罨畫翼王亭。五嶺南來此地經。上國衣冠淪落恨。千秋心跡照丹青。

豐碑追記石家村。稱寇稱王未足論。別有胸懷誰省得。東南苦念遍啼痕。

石詩「東南到處有啼痕」

及今思之。煮豆覆轍相尋不自知。二陵風雨有同悲。河山還我今安在。煮豆燃萁又一時。何爲者。煮豆燃萁快一時矣。

西江開出太平春。想見風雲際會辰。此日金甌驚破碎。中原豪傑屬何人。

自梧州東下留連廣州香港間十首 二十七年一月二十三日

羅浮仙蝶夢徘徊。庾嶺陽光洩早梅。孤負南天好風景。此行不爲看山來。

炎洲臘月已春風，天憫號寒故輟冬。一夕千人橫砌遍，抱衾何往旭瞳瞳。

香港每夜露宿街頭者千人，晨裸被送公廁守者懸之廁屋梁

頭日酬銅元一枚。

粵語吳音往往通。「五」「魚」「二」「日」讀相同。椒聊衍自神州遠，一派南來一派東。粵語與金陵土音同。演人之先多明初自東坡守儋州至今儋州之十五鄉操中讀「五」「魚」皆鼻音。讀「二」如「賦」「日」如「曠」與吳音完全相同。知民族之來源一也。

江左滇西問使槎。演語與金陵土音同。演人之先多明初自東坡守儋州至今儋州之十五鄉操中沐英征滇時遷往者。滇老輩爲言如此。湖湘子姓徧三巴。多從長江中部來者。嶺南一脈

蒸蒸起來自中原號客家。

儋州國語出東坡。州語余親聆之。瓊崖人猶能道其來歷。

曼谷兒苦葛亮和。

我遊蜀問蜀人之先。余遊暹京曼谷土人言舊以三國演義武

侯舌戰羣儒段譯爲遲語充兒童讀物。東亞大中華族大殊方絕徼入包羅。暹羅甚崇拜武侯。余遊暹京曼谷土人言舊以三國演義武侯舌戰羣儒段譯爲遲語充兒童讀物。東亞大中華族大殊方絕徼入包羅。

百丈春虹臥不波。當年人未隔銀河。卻因萬戶「推籠」遍想像從來市虎多。龍濟光時代從粵督署至觀音山間建有天橋美妙西江碧漲平。無端一日數回驚。廣三夾道千家哭。驀地煙塵霹靂鳴。

每因強慰益哀啼。客路相看笑語稀。多謝主人杯酒熱。此身飲罷已無歸。黃花岡上草芊芊。還我河山亦有年。千里卽今成日盛。一卮何以告重泉。

賣牛買劍復何言。杼柚雖空敢訴冤。拋卻耰耬來敵愾。諸君何以慰黎元。

素食答客問二首 二十七年一月二十六日

不爲長生讀五千。稍繙梵筭未逃禪。每勞客問更番答。只養天和一念堅。幼佩西銘吾與物壯遊南  
海殺生憐廿年菜甲香無比。忘卻烹鮮更逐羶。

江海無端闢戰場。將於成敗決興亡。苟安幾見全民命。自衛焉能廢國防。與子同仇寧得已。謂予戒  
殺兩何妨。止戈他日還須記。自古惟兵總不祥。

自離上海七十日來行七千里矣。寄懷諸友好兼示吾家兄弟子姪 二十七年一月二十七日

一生國恤付栖皇。六十翻憐鬢未霜。絢爛經過平淡好。神明堅定毀譽忘。家風先輩肝腸熱。閨夢征  
夫道路長。到處後生滋可畏。中興老見喜應狂。

榕城卽事十二絕 二十七年二月三日

寒雲薄薄壓山城。過了王正又夏正。雨滴六街紅滿地。隔宵爆竹萬千聲。  
獨秀峯前麗旭輝。曉風斜拂長官衣。一籃春色關生計。笑伴家人買菜歸。  
扶風絳帳有傳人。帝子爭歸博士門。佳日看山郊外去。蒲輪簇擁大師尊。

陽朔看山眼欲疲。千峯拔地盡尖錐。學名「揩斯德」見說中歐有此奇。

(Karst) 意大利北部  
亦有之。李先生四光說。

榕陰十畝自閑閑。綠滿春城繞屋山。笑謝樵斤吾有術。全生材與不材間。  
滿街大布衛文衣。斜日從公退食歸。六計上廉風草力。縣官一月百金微。  
習齋存治更存人。報最歸來百里尊。爲說東南民力盡。講筵圖出鄭監門。  
征衣萬里寄江城。卜盡燈花夢不成。結伴明朝工讀去。織機聲裏讀書聲。  
耦耕相敬事尋常。健婦田間力作忙。新歲家家脂粉豔。一肩曉汲壓濃妝。  
點名未及亦隨征。一隊光榮志願兵。有母送兒趨大府。乞分餘額許偕行。  
梁家紅玉亦援桴。天職何曾限匹夫。一片赤心忠卽孝。垂髫別母上征途。  
消夏無如風洞山。成仁二子此山間。山樓九九白眉叟。一聞破敵開心顏。

贈林隱青將軍虎 二十七年二月五日

將軍百戰敵莫抗。肯爲共和作保障。由來虎氣必騰上。以虎自名名固當。翻然披髮下大荒。手翦榛莽驅狐狼。盜天有得金滿囊。萬家舉火相仰望。殺人生人咸所長。將軍老屋深山住。累啼雷歎鬱無

陽朔諸峯平地突起而離立者學名「揩斯德」

語忽掣龍泉作虓怒咄咄天塹敵飛渡。

百歲凱旋長句凡九十九言爲九十九齡馬相伯先生壽 二十七年二月九日

撐霄徐匯雙窣堵局雲靈谷千楓樹高齡好游不遑處愛此山奇甲寰宇一星南極輝當戶山半畫堂開酒暖春歸早片語發羣蒙彼懦亦強矯我聞桂林山多患人少何以作人惟壽考相期明歲迎歸橈碧淞作酒黃牆桃百歲坊臨歇浦濤凱旋一柱擎天高

赴徐州敵三面包圍中人心轉安士氣大盛車過芒碭間董西銘得大風句足成之 二十七年三

月十五日

興滅復何常平民幾帝王大風龍虎氣微日釣遊鄉百戰憐焦土千年夢熟梁祇今尊國族肯與子同裳

潢川觀青年訓練 二十七年三月十六日

潢川平野貫西東窈窕雙城夾峙中三月淮南見殘雪一車郊外聽哀鴻逃威沒地萑苻聚敲骨成年杼柚空抗暴扶元誰辦得忍將衛國讓汪童

梧桂道中 二十七年五月六日

三度梧州又柳州。西江道長未歸休。鬱東大嶺雲開頂。陽朔千峯地出頭。慣見釵裙親畚鍤。盡將矯健化溫柔。人人爲國輕生死。一柱南天涕淚流。

興安訪湘灘同源處有分水塘在縣東五里許不果往 二十七年五月十日

見說雲深處。湘灘二水分。秦隄飛石在。漢蹟伏波聞。桑土艱民力。瓜臺召寇氛。河淮今苦戰。吾忍息勞筋。

孤懷 二十七年五月三十一日

每放孤懷小九州。翻因後樂得先憂。稍知世味知書味。善爲人謀爲己謀。南北東西荒足跡。酸甜苦辣雜心頭。百年鼎鼎曾何有。幾度天風引斗牛。

自桃源之沅陵五絕句 二十七年六月二十四日

秦時衣服晉時人。一抹谿雲戀古春。漁父不歸流水赤。桃花源裏弔遺民。

懷宋遜初

處處林坳老屋藏。山深六月感陰涼。澧蘭沅芷都無種。斬卻榛菅滿地香。  
法衰童子抑豪強。野獲難禁歎禮亡。百兩臨流爭片筏。有聲載道發飢腸。  
山重溪複古辰州。神祕須從學理求。問俗西陲成一片。沅江上泝見纏頭。

多車爭渡賴童子軍維秩序

險過鷹巖蜀道難。功成不日路千盤。靈臺經始稱民樂。欲向風詩深處看。

我生第二戊寅年七月對日抗戰一年矣 二十七年七月一日

秋風轉瞬豈相期。禍水滔天未已時。九首橫行人戲弄。重霄震發地傾欹。凡諸慘辱難言者。嗟爾生靈盡受之。東望況擊雙淚眼。河淮高浪壓飢疲。

自己亥結婚于今四十年矣爲長句寫之箋寄贈糾思上海 二十七年七月四日

悲憐苦樂境窮通。四十年來與子同。再度戊寅驚齒長。新正己亥憶桃穧。蓼莪篇廢埋頭讀。玉鏡臺迎鉅眼逢新婦。三朝方靜好。太姑七十未龍鍾。霜飛六月愁磨蝎。浪逐重洋信斷鴻。再造家庭辭海曲。相攜姑嫂上城東。共和五族基粗定。從政三年術豈工。自爾勞勞南北走。得君往往影形從。六橋短棹煙波綠。千步平沙旭日紅。黃海鷗羣撩客夢。青山狼嘯絕人蹤。峨眉雪皓吟邊月。熊岳溫泉浴後風。樂共羣狙戲朝暮。貪看二瀑鬪雌雄。友淹病榻悲遼令。兒挽歸輿謁岱宗。北漢山前尋祕苑。西京寺裏聽疏鐘。亦曾雲表仙風御。不信湖尻劫火封。判袂殷勤書剖鯉。入門勞瘁首飛蓬。全家衣食從無缺。我室恩勤信有功。四女少雙痛慈母。五男失一悔癡翁。教成養大勞過半。樂盡悲來數或窮。勝事良辰園剪影。清才猶子巷停春。赴音國破家亡裏。情緒先憂後樂中。一自死聲沈戰鼓。剩將生

趣託郵筒。我行卻曲神猶王。君病全瘳體轉充。待盡天年捐一切。瀕危國族矢孤忠。但看齋榜非非有。早悟塵緣在在空。聊發長吟貽遠道。倘因便面接芳容。

贈女作家湖南謝冰瑩又將赴前敵得三絕句

二十七年七月十三日

早讀冰瑩美妙文。雲中何地識湘君。可憐相見滄江晚。九派潯陽壓寇氛。  
投筆班生已自豪。如君不櫛亦戎刀。文章覆瓿誰論價。獨讓從軍日記高。  
曾從入獄哭丁玲。老愛才人眼獨青。亦俠亦文誰爾匹。沙場風雨兩湘靈。

國民參政會開幕

二十七年七月十七日

經邦策士書千上。報國忠魂骨一堆。稍見民情開噴室。誰量物力到諺臺。隔垣有意迎鄰耳。立幟何  
心逞辯才。杖逐曾惟一夸父。天遺處處鄧林材。

自漢飛渝途中四首

二十七年七月十九日

萬壑雲奇腳底生。一江界破綠縱橫。漫愁蜀道登天險。攜爾夔門頂上行。  
江東回首盡烽煙。未聽猿啼已黯然。百絕舊多危苦調。詩成猶在太平年。  
忽然風力壓輕艤。怒翼堅撐未肯降。恰數行程發遐想。瀟瀟暮雨過高唐。

不盡炎涼變態多。忽棉忽葛欲如何。君愁高處瓊樓冷。我念農畦汗滴禾。

過內江訪諸舊好。談酒精製造廠。甘蔗試驗場。諸新建設。二十七年八月五日。

歷劫交情趁劇譚。茹哀忍復賦江南。山圍蜀道千盤險。市枕沱江一碧涵。未藉麴塵天意醉。稍回蔗味客心甘。勸農敬教曾愁晚。鍛鍊心兵大亂戡。

戊寅八月宿成都諸兒女茅舍七日留題 二十七年八月十二日

萬里橋邊尙艸堂。亂離忍復戀空桑。稍知書味因人事。偶話家常趁月光。蛇鬪終凶嗟蜀碧。馬當初陷又斬黃。平生修學曾何用。敵騎縱橫滿故鄉。

川黔行 二十七年八月二十一日

渝筑之間七百三十餘里長。千山萬山森蒼蒼。臨溪脂轄發海棠。其右赤水左烏江。蜿蜒綦江流中央。白石齒齒怒湍淙淙。瓦屋鱗鱗綠陰深藏。非無丹甍班剝之野刹。亦有茅龍衲襪之溪堂。盡日不見一窣堵。此景殊異吾江鄉。暮艸柄幽磴礎石梯田含潤足稻梁。路出東溪走桐梓。千盤百折成蒼黃。更無餘地容並馬。卻少歧路愁亡羊。行近茅台百里香。安得白衣送酒嘗。請式先賢西南一人鄭子尹。經師人師詩文書畫舉莫項背。望知行真諦受鞭辟。敢從捷徑趨龍場。我聞梵淨之山富幽祕。

山足跨有黔蜀湘。遠峯一抹臥天際。其民太古夢羲皇。摩肩趕墟樂汗雨。纏頭追遠哀鬢霜。山深不覺罕行跡。其或有之力作忙。或效熬戴或鼎扛。或負在背若堵牆。行行與地爲低昂。靚妝斜跨當安步。黔驥之技偏馴良。嗟嗟有物毒天下。强者使羸沃使荒。殺人何必借矛戟。失今不圖魚爛亡。謂天險可憑。百年胡爲幾帝王。謂地富可資。鶉衣胡爲在路旁。駸駸敵騎從東來。救亡端賴人謀臧。

貴陽雨中訪達德學校舊好新知生離死別感而賦此 二十七年八月二十日

抵掌京華付逝波。燼餘重許聽弦歌。興邦大難天庸玉留客。深情雨故多。貞幹堂前悲慕艸。徐公橋畔慘兵戈。定將達德追經世。一代人文入網羅。貞幹堂紀念創校者黃幹夫祿貞

吳達詮省主席鼎昌陪遊黔靈山 二十七年八月二十一日

城西十里黔靈峯。一逕百折盤游龍。我從深處停吟筇。幕天一綠成穹窿。峯巔小立雲盪胸。城郭人民凝望中。生機欲問山鞠蕩。稍分宵旰資從容。秋郊佳日裙屐從。西南得朋聲氣同。桓桓江漢旌旗紅。資糧屏屨誰則供。塞者使通嗇。使豐治行第一期吳公。

贈達詮五絕既讀前溪詩艸復數度傾談以此期之 二十七年八月二十日

千家猛虎哭聲哀。爭誦使君何暮來。民亦能歌復能怨。春風何以活枯荄。

萬方敵愾出丹忱。堂奧齊開入寇深。日者一言今有力。復誰利用到人心。

辛亥革命軍起武漢達詮在南昌拈黎字問拆字者答成功了南

黎利用  
人心也。

牆傾何地還容闖。室毀無戈那許操。百矢祇應趨一的。可堪予尾已翛翛。  
聰明每自喜沾沾。難得沈深智勇兼。家國擔當仁者事。大愚大拙復何嫌。  
不因從政廢清吟。歌哭人天總此心。廿載論交真似水。一回相見一回深。

黔行十絕句 二十七年八月二十四日

大師漢監式巢經。絕學獨山懷邵亭。隨地心香禮先哲。風流一代贊丹青。  
見說嚴陵使者輶。玉峯講席起潛幽。卿雲散作諸天錦。四十賢人在上頭。  
千巖環拱一城尊。八十名州此駿奔。試上黔靈峯絕頂。萬家攢聚洗頭盆。  
六月巖城卻暑蒸。炎威到此已無能。深山別自成天地。臘盡長空見「落凌」。

百年尤物戀瞿花。多少亡身更破家。瘦骨一稜生意盡。西陲行徧飽憂嗟。  
從此民間廢早餐。百凡窳惰策功難。姍姍入肆當亭午。日未沈山力已殫。  
蕭條百戶斗城間。千八百家縣籍編。試向冊亨稽子姓。料民到此欲呼天。

論稿論擔復論挑地價因緣物價高弱者益貧豪益富一時經界墮紛呶  
忽報金兵夜渡河偏隅亦負魯陽戈司空有令如山屹十萬飢疲奈爾何  
滇蜀之間闢坦途發皇正學與時趨相期廣魯成天下邪許聲中大廈扶

汪崑生蔭青夫婦及許克誠妹倩招飲耦畊亭賦贈 二十七年八月二十六日

五嶺南來似轉蓬耦畊亭下一樽同亂離桑梓鄉音慰情話葭莩氣誼通忍憶海波三月赤坐憐劫  
火卅年紅乾坤旋轉吾徒事吟罷江山氣自雄

朱吟江顧吉生同遊賓陽有所見吉生謂不可無詩因成四絕 二十七年八月二十九日

垂垂盛鬢入時妝知是誰家窈窕娘一色玄裳渾不辨襯將六寸雪趺雙  
端凝風格訝天人活計操勞蹀躞身深巷晚涼初雨過綠波柔壓一肩春  
雙雙鵲鴻意相親綺思無端上黛顰佳婿去將身許國誓擇門戶慰征人  
賓州小駐耳春絃戎服汪童報國年有女能勞士能勇橫流一柱立南天

偕吟江吉生重過貴縣樂羣社留題遠望東湖翼王亭依依弗釋 二十七年八月三十日

一雨收晴綠漲肥風荷香拂釣魚磯延賓掃榻成留戀獻國移金仗解圍石上英雄千古恨燼餘門

巷一年違。翻愁抗暴功成日。大好湖山忍別歸。

哭劉三并跋 二十七年九月十日

苦憶江村撤講帷。後堂絃韻酒千卮。固知君性偏疎放。見笑吾心太執持。晚歲無柯空有斧。平生鬱  
感一宣詩。哀哀胥眼猶堪抉。信美河山閃敵旗。

嗟我劉三。江戶酒樓。華涇講幄。城東朝課。一鞭小院春風。市北胥繩。廿里荒郊涼月。高原瘞骨。妥志士之英  
魂。深巷賣花。補雅人之活計。傷時痛飲。臣叔清興有加。去國聯吟。顧二靈光無恙。凡我與君往事。復誰寫此  
生平。旣而似水交情。如蓬腳跡。故家喬木。厭言十載之兵戈。京國縉塵。閒殺一廷之獬豸。偶銜杯於白下。猶  
流恨於紅牋。中郎有女。絕妙簪花。伯道無兒。空傳置篋。斗廬寂寂。謝華轂之往來。雪鬢蕭蕭。飽塵襟之哀樂。  
身在朝而仍隱。境疑苑而終枯。今者敵騎江東。君魂泉下。村蒿野草。萬劫紅羊。賸水殘山。一縷黃葉。劍南詩  
卷。贏祭告於他年。嶺右哀聞。極汎瀾於此日已。

內子久病獲愈相見香港題合影 二十七年九月十九日

一病經年纔勿藥。萬方何日遍其蘇。死生骨肉都何有。家國悲憊抵得無。忽地市腥掀海氣。極天兵  
火爛秋蕪。共慚趙母肝腸熱。頭白燕郊振臂呼。

寄懷滬上。漁會江浙父老兄弟兼悼張鎔。西耀曾寫筮傳觀以贈座中年最少者 二十七年九月

二十三日

慘別成年隔里聞。夢邊兵火尙淞雲。一齊伐我何愁九。三戶亡秦仗善羣。游子無家猶有國。丁年不櫛亦能軍。月邇他日尋顏色。鏡吹聲中哭此君。

論畫一絕 二十七年九月二十五日

四王精製始康雍。繪水皇唐郅治中。藝事卽今關世變。花枝滿壁盡蛇龍。  
寫贈黃子靜 二十七年九月二十五日

四部芸香千古友。一簾嵐翠九龍秋。主人長日樓中坐。濩落身先天下憂。

贈天文臺主編者陳向元 二十七年九月二十八日

塵塵無盡寰中劫。往往陶成天下才。漫許六弢祕今古。仗將寸管挾風雷。虛懷精學成名後。妙算先機料敵來。抗暴收功珍一帙。策勳卽此是雲臺。

五度梧柳 二十七年十月七日

五度梧州又柳州。一年于役數從頭。秋哀大別嘶風馬。夜熟西江泛月舟。急劫何心稽勝負。遠嫌失計混薰蕕。有味於敵我不兩立之勢與義徘徊歧路致遭非命者教兒移孝今曾母。東望修仁淚欲流。修仁縣曾大娘教其子溫淑賢去從軍勿以家爲念

百言長律祝馬相老百齡 二十七年十月十二日

國有千齡宴。天全百歲身。萬方多難日。一個老成人。悟道因劬學。觀光得善鄰。心傳究天理。躬踐篤人倫。憂國誰如熱。移風欲使淳。忘年交卅載。說法轉千輪。興議丁橋席。恭書甲社紳。蒲輪迎已晚。稿本譯猶新。見說風巖住。探聞露布真。生如公不忝。壽與世長春。

民紀二十七年十月二十八日當陰曆戊寅九月六日吾生及六十周歲矣寫懷三首時自桂之渝次獨山

六十年前墮地來。一生襟抱向人開。早醒覆鹿求名夢。頗小雕龍作賦才。水火瘡痍長在念。棟梁雨露倘成材。但求吾學差堪用。餘事斯文拾墜灰。

魯叟彌縫欲使淳。柴桑片語最傳真。繁霜小雅傷離亂。黍谷窮陰盼好春。居肆百工皆悅學。觀鄉期月亦興仁。可堪棟折榱崩際。猶有綢繆拮据人。

凡諸功罪復何言。嗟爾公私一念間。國破始聞寬黨禁。民勞終肯體時艱。百官忽報南臺散。一士從無易水還。朝暮何知途正遠。秋鼙聲裏跨黔山。

戊寅重九黔蜀道中 二十七年十月三十日

彌天浩劫北南東。人在重陽客路中。久隔不勝珍友札。老來漸少夢慈容。高巖雲斧斜皴白。微雨霜花冷絢紅。驚報漢湘雙舶火。千人一夕化沙蟲。

西陲可守也 二十七年十月三十一日

柳筑巴渝路幾千。雄深富麗孕天然。苗家村密馴相市。松坎溪平淺可船。地利空防巖窟室。山含脈潤水梯田。西南緬越煩通道。東北荆湘暫下鍵。

題丁希農藏王陽明講學書札墨蹟卷子 二十七年十一月十三日

宋學何多門。煩瑣歐中紀。陽明磊落人良知。發精理滿街。皆聖賢嘉卉。況童子老釋占二室。惟孔通其裏。此心知卽行。夫道一而已。竭來黔蜀間。龍場接尺咫。捷徑寧敢趨。心香我遙企。少坐解塵鞅。吉光忽騰紙。臨池行有餘。卽此已茂美。試誦尺素書。論學戒自是。心外了無物。格物者格此。屏角呵凍墨。箋尾燉朱璽。匪物翳其人。見重良有以。先生文武資勳名。赫蘭錡至誠。大無畏不惑。百世俟中原。今板蕩誰歟橫流砥。東人竊緒餘。大懼羿愈已。轟天金鼓聲。束卷其起起。

邛海 二十八年五月二十二日

民紀廿八年五月視察川康建設至西昌以諸友好之招邀泛乎邛海感懷時事俯仰身世爲此長歌。

建昌城外山莽莽不可數。其東南諸峯林壑秀所聚。邛海渟其下。略與瀘池伍。客從蜀江來。清遊趁晴午。

鹿葱山爲瀘山分  
支上有土主廟

惓惓東道賢。楊劉唐康杜。縣主善臨民。春風恣喫咏。

情話酒杯深。水陸紛登俎。素餐我有慚。赤趺佛無語。古寺投光福。雙柏愛摩撫。頗疑楊惠之傑製。

留庭廡吟雲高閣下。晚鐘警一杵。歸來浮海桴。落日波容與。漁舠去悠然。草深不知處。

同遊林子隱青句

今時

復何時。寇氛迫荆楚。老馬顧其後。百廢嗟莫舉。烏蠻肆猾夏。白晝擾人去。至今行路人。變色若談虎。羣山濯濯姿。洪流發一雨。彌望石成田。何地堪禾黍。坐令水哉歎。患深功不補。憂貧金在沙。啼飢飯盈釜。天乎復人乎。民生爲誰苦。廟策今不疑。朝氣莫可沮。在蘇堪察加。在夏一成旅。興亡爭瞬息。有力及今努。我生東海頭。海乎吾與汝。東望念家山。家山在何許。

會理道中 二十八年六月六日

金沙水急倘容舠。木本棉長喜欲苞。日出迷陽因積潦。時邪痛僕究行庖。無鹽半老多癟帶。有價零沽折爛鈔。稍見復興新氣象。少年忠孝樹雙標。

會理道中贈同行諸子四首 二十八年六月七日

百戰歸耕後。智深兼勇沈。天教藏尺蠖。地不愛黃金。名異如其相。心退閼爾音。一鞭蠻嶺外。浩氣鬱

清吟 隆青

才大功偏實。名藏位自高。十年聊補罅。一炬可憐焦。蔭滿黃墟樹。雄鳴歇浦潮。江山重整頓。攜手上歸橈。禦秋

少歲偏文史。清聲足治裘。誰如城北美。同紀蜀南游。憂樂關天下。家山念海頭。春蠶絲不盡。爾我一綢繆。子爲

愛國奇男自不羣。少年一騎入邊雲。前程遠大須加勉。百歲三分過一分。

墓萍余三十三歲時讀鎮江  
分一」大感動書之齊望長日警惕今  
君亦三十三而余且近三分百歲之二矣  
趙伯先詩首句一百年已過三

留贈黃水鄉小學 二十八年六月十日

黃水烏蠻劫。良田毒種多。十年成校舍。一綠喜庭柯。門外啼飢苦。堂前上學歌。匹夫有天職。何以衛山河。

宿黃水鄉小學有感 二十八年六月十日

燼餘人物愴凋零。畫裏山川闕秀靈。擾夜雨珠庭葉響。媚晴雲絮石根停。赤貧束脯賒求苦。白腐殘肢叫乞腥。到此人間復何世。浩歌吾黨忍終聽。

蕭山何庚良伉儷招飲卽席贈之 二十八年六月十四日

湖上雙鶼憶舊家。一尊同是在天涯。簷牙先醉珠蘭飲。椀乳還分玉豆花。見愛吾書足風趣。驚聞斯語出柔嘉。西興鐘鼓繁歸夢。明歲饒歌共海槎。

題張伯常篤倫藏其外曾祖李竹泉 守礪畫冊 二十八年六月十五日

尙想衣冠勝代前。講餘拂几坐龍泉。不名家數徵功力。超越時流在性天。國恤已成文字劫。吾生猶及太平年。衡齋一帙香初爇。家國惓惓伉儷賢。

民紀廿八年夏于役西昌。張君伯常方主軍事委員會委員長行轅事。公餘招飲。偕夫人綬箴女士出其外曾祖李竹泉先生畫冊索題。先生以理學名家。分講院餘晷。臨撫諸大家畫本。精嚴雋雅。自有其獨到處。使讀者想見其爲人。按題語。畫始作於同治九年庚午。最後幅爲光緒十三年丁亥。是年先生六十七歲。蓋已下逮我生之初。在先生則皆晚年之作也。

贈耿季釗心薛健之 樹薰招餐 二十八年六月十六日

螺峯小院勸加餐。花氣迎人襲午欄。素手瓜仁調菽乳。禪心蔬食對蒲團。眼前碧海琉璃界。席上寒天瑪瑙盤。誰是主人誰是客。江鄉露布共歸鞍。

贈吳適均二絕 二十八年六月十七日

忽地同墮土主雲。廿年舊好我惟君。就中世味嘗多少。倘許官商苦樂分。  
委地琴書人去後。極天兵火敵來時。狼山京觀誰能憶。百變滄桑付鬢絲。

二十年前吳君來還。會見南通張季直先生。

奉答康陶然二首 二十八年六月二十日

危時喜見老成人。浩劫猶存不壞身。爲乞良田除惡種。忍聽杜宇叫歸春。牛槎早許河湟引。螺髻常陪歲月新。自斷此身更無分。閒齋詩酒遣蕭晨。  
先生官甘肅久。爲言黃河上游交通所恃。牛皮排子。長江上游安寧河。先已行之。

邛南風物似江南。此語椎心百不堪。垂暮無家猶有國。中興實力莫空談。後先憂樂吾鄉范。利害爲爭上壽軒。總仗耆英扶正氣。匹夫天職老分擔。

留別黃忠昭二絕 二十八年六月二十二日

想像詩翁雪滿顛。當前慘綠訶翩翩。香山歌遍生民病。萬一前賢畏後賢。  
歸去山程又水程。大丞相嶺一輿輕。長途獨獻心香處。斷碣周侯勒姓名。  
周達武

越雋道中 二十八年六月二十七日

十尋龍柏侍宮牆。一盞蟲茶送野香。絕澗引泉開畎畝。斜坡長草飽牛羊。天然有給山居足。民爾何爲道殣望黑籍。已嗟傷膂力。白碉又報掠行裝。  
蟲茶。蟲食茶樹葉以其矢資。茶。白碉。村名。城南里許。

隨筆 二十八年六月二十八日

士勿憚爲犧以戰則克之國家何所賴人盡舍其私

寧屬歸經漢源道中 二十八年六月二十九日

灼灼河流沙白白女真花麥潤菸葉肥稻水不用車整服跨驢嫗背筐兒髻丫經絲與辯桿俯拾皆生涯大河若限之菀枯南北差土候曾勿殊人事良足嗟越雋迄會理田蕪屋圯斜壯者之四方不且掠爲娃吾思鄧秀廷平蠻威有加蠻平蠻亦安功豈限漢家

建昌歸途重過大相嶺八絕句 二十八年六月三十日

大渡河邊望太清大丞相嶺暮雲平漢源已感高岡冷尙是登山第一程山高早識攀躋苦路熟翻教戒備嚴入谷風來寒料峭隔山雲起雨廉纖山下榴花紅忽然山頭斷續叫春鵠行行踏破千峯霧卸卻單衣更著棉奇峯不厭百回看盡日穿雲九折盤他日輕車飛坦蕩翻愁勝地再來難到此塵容洗一清難忘山外正鏖兵偶然合眼輕輿坐欲誤泉聲是鼓聲雨餘百卉樂生生一綠斜坡長紫英豔絕山花人不識英雄大半是無名

百斤山半鐵肩馱任重其如道遠何一日一圓聊食力歸囊食盡已無多

素帕求桑疊綠柔當壩蓬鬟亦風流此邦自昔多佳秀一代宮輶出雅州

清慈禧  
生雅州

贈三台東北大學一首有序 二十八年七月九日

當九一八難作以前因事赴日本道出瀋陽兒方剛迎居東北大學教授住宅者旬日頃又以方剛故來三台參觀青青衿佩杳杳河山鏗然壞壁之金絲燦若墜灰之圖籍斯地何地彼時何時繞朝有策空迴海外之帆庚信無歸再綠江南之草一成一旅可泣可歌悲喜驚憂百端坌集率賦一律

不歸夜鶴遼城寂無限春鶯蜀道悲一例山川號天府十年子弟愧人師諸生吾與俱東耳彼虜天其弗相之莫競空談須實力當年斷尾憚爲犧

三台卽事二絕句 二十八年七月九日

曲曲涪江遠際天東山寺檻俯平川尋常勝地因人重競說東坡洗研泉  
東北大學丁丁山教授方假琴泉寺修歷代藝文志

潼川鹽務局後園有梅云是唐時物題壁 二十八年七月九日

人品真同寒歲柏園花豔說古唐梅惟鹽調得酸鹹味若作和羹爾有才

渝瀘江船中寄贈章行嚴 士釗姪孟超卓 二十八年十一月二十七日

一囊詩淚江頭路。障眼青山莽無數。紅陳倉粟足。輓飛白棓童汪競奔赴。人心不與鼓聲死。興亡國族爭孤注。入蜀祇應念武侯。抱膝鞠躬俱無求。一生知爲誰辛苦。烈烈兩表輝千秋。飄蕭華髮渝瀘道。平生結客兼老少。心傷棟折尙綢繆。眼前國破民無告。吾家阿咸能自修。裁寄長句療客愁。忽憶荒邨「一碗水」村。春弦聲裏人白頭。少參議席今老矣。虎虎後生掌紛搵。文章有伯法。有家衆中坐。隱春藏几無端往事卅六春。退筆不枯猶有神。哀君才華照當世。飢驅歲歲蘆中人。新都十丈縑塵醉。不教霄彈走山魅。一例貴人車馬聲上清。何似靜安寺。

泡糖 二十八年十二月十日

泡糖惟納谿江干桂林春肆最美。味甘脆。以泡菜下松江泡飯。佐以泡糖。可稱三絕。即爲三絕句以張之。讀者慎勿涎垂三尺。

風鶴揉作玉玲瓏。實者虛之美在中。粒粒脂麻塗附着。大含細嚼味無窮。車掠眉山蹙老饕。納谿夜市又停橈。菜根香嫩糖絲脆。沒齒無忘蜀二泡。吾鄉炒飯亦宜泡。朝食家家白水淘。此菜此糖將此飯。戰時猶許食單鈔。

嘉定楊氏鳳灣新邨一首 二十八年十二月十六日

結廬城闕抵山深。冬障風寒夏日陰。潛識知機三窟宅。奇材作棟百年林。同堂九世矜新俗。廣廈千間發大心。獨上重闌開淚眼。燼餘何以慰呻吟。

留題楊氏鳳灣新邨六絕句 二十八年十二月二十四日

大鳥門庭盎盎春。無端井轄見情真。茶煙半榻花三徑。着箇東西南北人。  
不知巴蜀幾離堆。漫左蘇臺右郭臺。天半三汎青入暝。此行忍爲看山來。  
有如皎日思同穴。奈此孤寒作大裘。欲泣三千門下客。盡揮長鋏快同仇。  
千二百人一夕悲。呼天有恨欲何之。重來稍慰遼東鶴。城闕莘莘壞壁絲。  
蒼生儘許入長吟。傲到霜英尙滿金。慚愧名園詩十首。敢辭後約醉山林。  
此來何事去何由。冷佛枯厓笑未休。一曲女牆流水遠。客心早逐海東頭。

留贈王獻唐 二十八年十二月二十四日

晶晶三汎雲。三江實抱之。王生栖其間。彌勒若不知。魯石廣天下。臨危堅自隨。悲君曾不磷。既別留此詩。

隨筆一首 二十八年十二月二十日

臨財無苟得。臨危無苟全。操存在平時。浩然養吾天。

再贈楊伯皋及其羣季 二十八年十二月二十四日

三度嘉州游。入門客不速。家風尊喬木。休戚一與國。浩劫誰造之。霜英尙金菊。登闢望大峨。憂端齊  
黛綠。君家尙共產。豈不畏刑僇。楊氏昆季累代不分家產

玄灘場集自新良民演講至深切處皆大哭 二十九年二月八日

地僻疏文網。民窮聳債臺。稍談忠孝事。便墮涕洟來。無使空東袖。休煩畀北豺。睚眦曾足報。敵愾見  
奇恥。

讀邵潭秋培風樓詩續集題贈 二十九年二月二十三日

斯才胡便作詩人。更厄詩人使不辰。同是天涯珍一握。偏因國恤起長淪。心情苦入沱茶澀。境遇窮  
翻蜀道。新自屑紆懷娛俗耳。巴人何用愧陽春。

自張園上觀音巖 二十九年三月二十七日

一雨沈山綠。諸天奏市喧。紅羊誰實構。白骨不知冤。流坂羸車急。飄空壯語繁。雙江翻日夜。心碎到

啼猿。

渝州南山暫宿 二十九年四月二日

雲水深深洗眼還。雙江一碧自巴山。忍從抗戰三年苦。抽取勞生半日閒。喜揖蓬門佳子弟。愁親匡阜舊容顏。平生四海爲家願。爭奈秋泓血浪殷。

宜賓空警 二十九年五月三日

孤城三面臨江麋。金岷二水左右之。其西孔道通涼夷。如曰受杵囊納椎。白日天半鳴怪鷗。刑天舞戚爭逃威。生命十萬緣一絲。我來三宿晝三出。亂山如夢冥行疾。兒愁脫屨婦散髮。萬衆無聲蟻移垤。民勞曾不聞歎歎。前方健兒血滿渠。人欲愛國誰不如。

留題方山雲峯寺在敵機四襲聲中舉辦地方行政幹部訓練 二十九年五月二十三日

松間山月笑相迎。禪榻靈娥冷有情。此夕清光成斂水。不會傾國已傾城。小市危厓響怒湍。山房一枕夢粗安。又驚白驛齒飛慘。前夕渝州血未乾。諸生從此勉修行。警耳鐘聲又角聲。袖得山堂雲片片。歸爲靈雨灑春耕。九九峯名不自居。白雲終古闊沖虛。至名祇是無名耳。落到言詮一卷書。

蜀國山川態萬千。此山方正禮諸天。蔭人喬木今餘幾。寄語樵斤倘見憐。

奉答梁叔子七十生日感賦廣其意以爲壽

二十九年五月二十八日

酒與長年盡在君。可堪念亂百憂焚。罷官翻見名增重。多難祇應耄益勤。壽世文章惟食貨。獻身子弟亦風雲。鄧林遺杖還須逐。陶令深心吾所聞。

述百年來浦東學派悼秦丈硯畦

錫田兼示顧冰一次英奚挺筠世榦張伯初志鵠沈湘之綺

秦翰才姚惠泉顧向文諸子及濟北家兄

洪培孟超姪

二十九年六月二十日

歇浦一衣帶中外寰瀛通。其左蔚人文。百年學有宗。

淵淵舒荔叟治學精博著有舒荔叟集

周浦人

學海尊

主峯烹平沈氏石父子玄與同

川沙沈樹鏞號祺初毓慶號肖韻父子俱精金石學藏有漢烹平石經殘字號所居曰漢石經室

香草說羣經

周浦于鬯號香草治經學

建義奇翻空西奚

周浦西召稼樓奚氏

與東顧香草之甥清光結間建書樓於周浦倡新學

奚世榦號挺筠

舅書樓坐苦聾粲粲諸門子百里交蘿松。川廣非一源。迴合光昭融。其間有大師。矯矯溫毅翁。於學

無不窺。渾灝真體。无課實以致用。一時靡然從我。既師潁濱進乃識長公。長公樸學者。硯田一勞農。

苦學如苦耕。樂歲非倖逢。窮年治乙部。魯叟志彌縫。兄弟補晉書。發憤謝雕蟲。坐令十七家。家成附庸。既珥蘭臺筆。遂聽鄂渚鐘。一官非所志。斗米腰折墉。父作子述之。鹿首迴五茸。世尊秦氏學。非

徒文采豐用以澤邦國經濟羅心胸三林學舍成百千莘莘童農田曷興利歲歲勤水功有院曰課勤題橋記遺蹟蒸蒸式善俗教孝亦教忠溫毅始創之繼起如日中楊氏毀其家立校曰浦東綢繆三十年以始亦以終白下始議政嘖室見和衷問誰故實諳謝彼詭辨雄一方飲公醇有守兼有容民勞思小康相期慰喁喁嗟嗟余小子累代嘘春風自公之歸矣一鄉首羣龍忘年不自知略分滋益恭有役靡弗與相負若蛩蛩固知大地大滔滔春流洪內外鄭鬪蛇東西洛應銅一隅復何有莫補四海窮東鄰國狗瘼惡浪翻秋泓一哭二陵骨再斷江漢鴻凡茲戰血碧盡入襟痕紅西行何間關足音亦已跚有作苟成囊必以煩郵筒最近得公詩琢句老益工入學六十年何地尋辟雍結構六十年恩情皓首濃有家不得歸垂暮遭閔凶諷誦未終篇奉赴淚溼封公壽已綿綿公去何匆匆汝上終返田蓬山且挂弓公魂去不還夢斷峽口篷興亡俄頃間後死責萬重戰酣哀絕涕客久愁入釀公德我所尊鄉學我所崇相思不相見餘子付萍蓬詩成急投穴敵彈珣遙穹

輓吳表姑母沈太夫人并跋 二十九年六月二十六日

五十年前首忍回先人門下執經來嫁衣分得苦餘物桑海都成劫後灰兒報劬勞勵風節婦修定省待泉臺三巴游屐無家恨兩代仙軒遺世哀

湖帆三弟先從徐景微兄處獲諱潘夫人之耗展讀墓狀哀愴萬端欲有所作以綱悲思卒卒未果而我姑母之赴又至回憶童廿朝夕惟吾姑母爲最親此詩第三句當時事實也國變蒼黃海桑反復傳聞姑母年來每勸戚友砥厲名節我國今當存亡生死之交幸獲中興吾弟將爲康雍之四王不則寫八大之煙雲署義熙之甲子藝苑傳其正氣德門光其遺暉忠孝兩全弟之謂矣拙詩輾轉付郵失晨之雞自慚落落喪家之犬應諒皇皇

奉和褚慧僧輔成六八初度之作二十九年六月二十九日

新邦三十載吾識褚先生論治分而合持身拙且誠艱難天步折浩蕩蜀江行民族珍元氣龍蛇不足驚

自瀘州之赤水河道中二首二十九年九月二十四日

山色溪聲忍與娛飈輪長路儘盤紆土風素帕修容古蠻穴蒼巖瘞骨枯衆力負舟爭一髮斜空鳴  
瀑濺千珠數峯陽朔偏相似總仗西南半壁扶

苗苗山市晚無人（川路間山脈名苗苗山）九九江峯秋有聲九峯隔江可望詩補蜀南游紀缺夢回淞曲旅魂驚當空老黑樹人立未夜昏黃雲炬行惱絕赤河河水赤戰機天發血縱橫

憶華西壩二十九年十月十日

瀘州方山有九十

吾愛華西塲。風雲聚學人。舞空絲柳活。醉雨錦江春。有屋因兒憶。將書慰我貧。不其憂樂意。天下奈黃巾。

成都空警散步西郊歸爲鄉人演說亭林故事三絕句 二十九年十月十三日

背郭堂空掩夕霞。江南游子老無家。白頭多恐傷遲暮。紅到交蘆一片花。

紅蘆潭西  
百花潭絕

蜀西秋老似江南。密竹疏楓映綠潭。國破家亡人健在。河山一擔我猶堪。

慚愧亭林尙有田。雁門雪墾華陰煙。誰人解得沈深意。辛苦牛羊澤滿千。

贈謝无量 二十九年十月十七日

否極祈新命。兵餘念舊交。綠衣一鎧共。焦土兩萍漂。國蹙難爲別。才奇易就弢。驚君勤掇拾。零墨仰

山高。  
於君案頭見所新購  
沈寐叟師遺墨精絕

贈凌凌竹銘 鴻勳 二十九年十月十八日

交友輪囷膽。從公踰勉身。廿年空汗血。五嶺忽蒿塵。藍篳山林事。綢繆牖戶人。不須感蕉萃。珠玉在峨岷。

霧四絕 二十九年十一月二十六日

鬱鬱雙江霧罩天。曉笳吹散廢墟煙。憑君莫問兵間事。冬雪衣單夏暑棉。  
渝州野望盡培塿。隨意青松長道周。卻喜山田冬水足。明年貽我熟春麯。  
山家白米飽饑涎。囊裏飛蚨欲滿天。物價盡隨人意長。大筐橘柚細論錢。  
從今官賤識民尊。退食倉皇有淚痕。拔盡金釵難一飽。悔教夫婿入公門。

何敍甫送繪西北游程長卷奉題 二十九年十二月十日

路入西陲總不平。黃塵一片怒笳聲。河山畫意兼詩意。歌哭民生了我生。得道豈求多助效。策功終  
仗好謀成。諸君爲國須相忍。西北天高莫便傾。

天長七首 二十九年十二月二十五日

誰說天長地久來。吾生萬念一時灰。悲憊聚散尋常事。渾厚精明未易才。去後茅檐猶待火。來時玉  
鏡不成臺。庸庸四十年閒福。迸作昆魚永夜哀。

早年平地作風波。晚歲深根起宿疴。愧我身謀百無似。驚君能事一何多。凡諸鄰舍都親洽。任爾乖  
張化太和。最憶宵燈縱情話。從頭苦厄數經過。  
爲誰辛苦老天涯。那許綢繆到室家。空有文章揚懿美。恨無兒女踵才華。操心總爲多男累。遠足何

曾好景賒。一夕蜀江成百絕。記曾索笑向梅花。

富士湖尻試水嬉。大峨寺角伴山兒。慣攜雙影留真遍。縱許重游觸景悲。見我有緣除是夢。哭君以外更無詩。風情絮語歸何處。一枕惺忪幻想時。

出門曾弗御鉛華。得句常勞護壁紗。不爲龍鍾辭僕去。偏因犬癖每恩加。彌留遠道猶將帕。最後危城忍聽笳。着個老鰥更何有。寡妻孤子等恆沙。

老鰥淒寂少孤貧。四種窮愁一半分。天許壯時叨福澤。花從落後戀穠春。葉家園樹尊前影。熊岳山泉浴後身。樂盡教嘗無告苦。茶香衾暖更何人。

青史千年血寫之。卽今大地盡瘡痍。人生有味應知苦。老佛何心總是慈。衆怨自天天自若。君生惟我我惟誰。拚將心力殘年獻。報答閨門國士知。

附 先室王糾恩夫人行略

夫人姓王。糾思其字。以公曆一八八二年清光緒八年。生於江蘇省南匯縣之周浦鎮。父喬號筱雲。附貢生。母謝。幼讀書家塾。年十八來歸時。余家川沙城。先父母早世。祖母在堂。無兄弟。有妹二。從兄弟多同居。夫人周旋其間。無違忤。顧亦未見重於戚鄰間也。旣余以辦學演說。清廷

目爲鼓吹革命被逮瀕就刑獲救得不死走日本既而歸執教上海城東女學夫人亦就學焉。不數年能事大顯善鑒別品物真贗雖金寶珠玉能立辨滬市多虛幻獨夫人購物不受給亦不苟其值故易成而鄉里有所求亦爭以屬夫人有所親居鄉僻病幾殆夫人爲延滬名醫不屑往夫人盡出誠懇之態度婉妙之言語卒首肯又輾轉雇得一汽艇載以行病獲救一鄉震驚而余服夫人之才實亦始此余家故貧余又主動事而薄受酬夫人習師範育蠶課隙則自哺兒乳理家事蓋所入殊無以自贍徒以夫人勞且儉故無所乏當民紀三年余辭江蘇教育司長職積俸入得六百圓以畀夫人其後大羣男女以養以教成年者資入國內外大學余則服役社會終歲僕僕作牛馬走絕不問家事而舟車行李有費遇孤寒學子而周給之也有費見所欲圖書而購取之也有費壹以責之夫人予取予求不汝瑕疵也夫人之經紀家用也集親友爲錢會或參親友所爲會整入而零出零出而整入借諸甲貸諸乙息率之厚薄約期之長短其所致意焉惟信故有借於人無所拒惟誠故有貸於人人亦不忍背之而地價物價貨幣證券價之上下國內外金銀之換算皆所精悉顧絕不欲厚取於人遇貧者匪直不取償且別佽與焉性好客就食於夫人者終歲無間每出必囊錢行以周途次窮乏男女童僕苟非自

求退無被斥者。以故勞工貧困者之恃以舉火不絕。四十二年間出則施惠於人人入則一家溫飽。服食日用所需。纍纍筐筥箒筭。無或缺。其歿也。一絲一銖無所遺。所蓄足自了喪葬。雖在抗戰中。不以累余。雖余去家。不以累親友也。夫人善排解人紛難。嘗百計以成人之美。而其人不必相知也。偕友創家庭。日新會。每週相聚切磋。以正風習。爲公益。爲國難募金。自領隊。不後人也。親友病。經指導醫藥。輒有效。蓋醫孰良。孰長某科。夫人深加意焉。而病嬰之經指導。施治獲活者尤無算。夫人酷愛犬。嘗入滬租界犬牢。出重金贖以歸。有虐待犬者。苟爲夫人知。必奔往怒責。虐止乃已。數度臨危不亂。深夜鄰家火。夫人從容整所有。呼諸兒起。攜以行。泰然也。登高臨深。亦未嘗怯也。夫人自始無脂粉習。風度大方。言動於自律中見天眞。見客赴會。男女間無所避。余交友多。嘗與異性友密談久。僕陰以告。夫人切責僕。謂汝毋得言。黃先生品是金。汝毋得言。余夜歸遲。夫人必屏息以待。然余之於夫人。亦復然。余生好游。中年後。夫人往往與偕。自北平。太原。出張家口。走綏遠。包頭。其東濟南。青島。大連。旅順。瀋陽。經朝鮮。渡海。走日本。其西湖。長江上。經南昌。登匡廬。歷漢口。重慶。而成都。上峨眉。南則經香港。廣東。以迄桂林。柳州。西趨貴陽。其間皆有余夫婦足跡焉。苟非與偕者。出必送。歸必迎。立於水之湄道之左右。最前一

人則夫人也。夫人至愛余所作詩文及字。余之獲儼於夫人。蓋由先外舅覩余所作。謂此兒異日非無望故也。夫人生子女各六。而殤其三。長男方剛。治哲學。今武漢大學教授。次敬武。治經濟學。服務中央銀行。三萬里。治水利工程。方督涪江工。四大能。治土木工學。助教復旦大學。五必信。肄業中央工業專科學校電機科。長女路修。畢金陵女子大學文科業。壻張心。一次小同。燕京大學肄業。壻王國楨。三學潮。肄業滬江大學。四素回。肄業成都樹德中學。孫男十九。海川。岷江。觀鴻。孫女路舍且圓。外孫男張孔來。王實方。王平華。夫人以民紀二十六年秋患腦溢血。經年略愈。語余在抗戰中。苟非病者。東西南北。恣從君所之耳。二十九年十二月。在滬病復發。僅三日。家人電告。以十五日下午四時歿。年五十有九。余友王君良仲。自滬來渝。十三日謁夫人於病榻。堅囑勿以病告。親檢取豆一器。手帕三寄贈。烏呼。夫人往矣。此物以永相思。吾淚尙勝搘邪。

余略夫人生平既竟。痛念夫人平日恆言。君之生非爲國乎。我則爲君耳。今夫人一生所以助我者至矣。而我之所以報國何如者。

寫懷二絕示流亡諸子 三十年一月十一日

惜死貪生患有人。人情歌哭亦天真。  
不堪滿地花飛日。獨坐濃陰送好春。  
富麗河山劫後非。蒼涼民物願猶違。  
共君一點詩腸熱。頭白江南人未歸。

劫後張園散步三絕 三十年三月十六日

危坡麗旭盪炊煙。欹磴攤書綠鬢鮮。  
無恙山花紅更怒。幾曾人禍損天然。  
曲曲巖坳斷復通。敗垣鬪草樂邨童。  
桃花滿谷春無主。況憶隔年人面紅。  
鶯鶯屏嵐障日陰。移山空許辦丹心。  
悠悠歲月勞勞客。遺杖相期作鄧林。

亡妻百日祭 三十年三月二十三日

夢破驚疑尙此身。雙江淒雨送蕭晨。  
那容逐汝拋羣衆。直欲呼天鑒苦辛。  
花落呴歸清澗土。門開愁見去來人。  
剖心殘熱傾何處。腸斷淞南草不春。

懺愁 (內子百日祭之明日  
張家花園作) 三十年三月二十四日

團團山旭吐危椒。滄滄江雲墮淺坳。  
萬壑陰晴關世變。百年憂樂課吾曹。  
學園易榜尊初姓。防洞班荆慰舊交。  
一息祇應重抖擻。懺將愁緒染霜毛。

渝州初謁趙香宋先生熙奉呈 三十年四月六日

岷峨珠玉闕靈奇。散作人間嶽嶽姿。一代挺生尊國老。萬流迴向拜人師。與親談笑春如海。餘力恢張酒入詩。那許亂離問耆舊。雙江以後復何之。

香宋先生退隱三十年矣頃者門弟子自其籍榮縣車迎來渝文燕無虛日獨北泉禊集余未獲與縷蘅代拈得長字因賦呈兼示諸君子 三十年四月十七日

我生倔彊有可有不可。我行卻曲危退還危進。側身天地幾玄黃。吾國吾家存亦僅。竭來蜀道秋復春。憂端歲積齊峨岷。危時天以界健者。宿學公乃名詩人。好奇車問子雲字。從遊雨墊林宗巾。識公公臥滄江上。顧我卅年空道長。拾墜聊爲杯酒懽。結習不離文字障。此身飲罷復何歸。數帆樓外咽春漲。結語原稿「五千江水鼓春漲」遵香宋先生教改正數帆樓北泉風景最勝處

成都雷雨 三十年五月二十三日

驚雷昏夜識何心。五月成都空綠陰。老愛江山成獨往。醉摹民物入哀吟。久辭鮮食猶難粒。未息生機爲雨金。北望太行正愁絕。馮河知懼倘從今。

飛滇募戰債 三十年七月一日

拏與周旋此一行破空短瞬又昆明四時駐得春如海衆綠封將樹作城不分江南斷歸夢俄傳域外更佳兵健兒百萬聊相慰輸出家家金滿籯

黑龍潭明薛爾望全家殉國於此 三十年七月三日

昆明城北祠水黑屈蟠千歲梅與柏風雷呵護碣三尺此事經年蓋三百閩門躍水水盡赤談者至今長太息佳日心香萬衆趨誰識先生來自吳錫山薛虞山瞿哀哀風洞此與俱始信南風競有餘還我江山抉眼胥會心有在我獨吁得其所哉一生死悠悠長逝子其魚

答由夔舉 雲龍 三十年七月七日

高嶺只合臥高人猿鶴生愁俗駕嗔廿載江湖幾搖落平生肝膽一輪困久違不省身衰健未見先輸意苦辛帶草有香應佛鬱不其山外盡黃巾

李希平 培炎 見招餐宿溫泉別墅留贈 三十年七月十六日

滇南六月涼勝秋一車山雨百里游流潦頗增痛僕苦盈溝已慰勞農求雨山翻比晴山好幅幅米家新畫稿有泉可浴蔬可茹自笑一時志溫飽花裝百合玉削葱研之暴長神雞蔓鎧筵話雨石電紅吾與主人名所同噴室三年言已窮方寸未亂吾欲東夢回血浪翻秋泓

既辭川康建設期成會第二辦事處主任職留贈蜀南諸友好二首 三十年八月二日

風雨江舠十往還。瀘宜樂永路迴環。玄灘講幄良民淚。

玄灘場貢民訓練所受訓者皆舊日土匪余講至深切處多痛哭失聲

方嶽齋堂鄉正

方山靈峯寺設行政人員訓練班爲講鄉鎮長須知小別何須嗟契闊。重來復許問癟瘍。

健兒百萬猶酣戰。愁絕荆襄雨血殷。

東坡陽羨老求田。西蜀清嘉吾愛焉。到眼總憐風物好。同胞應念弟兄賢。敢寬國族興亡責。況值兵戈搶攘年。有我有人斯有土。江山鐵鑄一般堅。

寫贈楊臨澤 三十年八月五日

劫後論交晚。忙中聚首多苦心。三合作。

余於抗戰頤助成（一）民衆與政府合作。（二）地方與中央合作。（三）各黨各派間合作。嘗爲楊君言。

小別幾長歌。

志節期相映。文章勉弗磨。難忘建瀘處。風雨倘重過。

贈羅慈威將軍 卓英 三十年八月八日

將軍百戰萬夫豪。最近奇勳說上高。再鼓已衰知敵老。三軍無恙念民勞。天才武略參文治。日課千

詩寫六弢。往事憑君更休問。廣昌故壘長新蒿。

三十年七月始見將軍於劫後之廣昌。

贈林繼庸長經濟部工礦調整處主持工廠遷川成功 三十年八月九日

全民苦戰古來無。生衆方知用乃舒。關內饑糲蕭相續。漢陰機械泰園書。其人於祿寧言及此事論。

功尚闕如抗暴凱旋應有日翻愁壁返費工夫

壽馮煥章將軍玉祥六十三十年八月十二日

壽翁可無逃彭殤不用嘲祇應念吾母劬勞始今朝  
將軍行權奇一事衆道之長城夜迴師公爾舍其私  
有才不自掩武略兼文章是平民食糧白話歌琅琅  
將軍今六十我是過來人高唱平民尊俱不是平民

敵機夜襲三十年八月十六日

江城怒沸千家火山月寒轟萬壑老許吾身親戰陣廣驅物命返塵埃深巖鑄穴驚波動磐石飛  
雷壓屋來一剎那前誰更憶撐雲金碧盡樓臺

青山道哭亡者三十年八月二十四日

海山雙繩繮爾我一徘徊秋水碧無語伊人去不回彼蒼鑒孤影此地忍重來不信心頭熱能然既  
死灰

題吳江徐孝穆印存三十年八月二十九日

刀善藏宜慎材逢匠不凡文章出雕琢造化入鐫鏤戰血淞波皺鄉思笠澤帆手痕淚俱下心印口  
仍緘照耀名千古堅貞骨一函活溪猶待頌刻畫上雲巖

題王濟遠畫張仲仁一塵小象 三十年八月三十日

國破九伐我天留一個臣聰明應壽考志行最忠純神靜意太古文多境不貧能軍知未老造字日  
求新極諫難回帝勞傭總爲民無心埋筆札有膽見輪囷誅伐猶薑桂和平亦苦辛硯田殊弗惡池  
草況長春海外驚蘇誤吳中陷寇真福君全伉儷嗟我獨風塵鞭弭新邦始葭莩晚歲親江山鐃吹  
裏貌此老成人先生爲文章自署民庸辛亥改元余實借先生從蘇軍幕故第五第十一聯云然

贈杜月笙 鏡 三十年九月五日

君家少陵爲壯言天下安得千萬間今君大庇寒士寒春陵平孟君之門廿年江海拱一尊以此多  
君抑何淺君量豁達性剛蹇當路荆榛仗君翦胸中獨具青白眼有行必果言必踐行善勸善無伐  
善及門大義此交勉偉哉英雄弗名王弗冕以此多君豈盡君支離東北悲風塵喧喧怒鼓春淞濱  
大呼救國如救焚化君身作億萬身所部時時立奇勳誓弗戴天共此鄰我生倔強有可有不可男  
兒許國寧復避坎坷哀此衆勞誰尙哿將誠格天或悔禍鄉雲千里莽烽火一厄介壽眉猶鎖同是

天涯君與我。

香港太平山道晚眺 三十年九月十日

滄海落日微生潮。煙嶼點點秋萍漂。九龍交臥覆紫綃。東雲一徑巖之腰。不知吾身在何許。但聞謾謾鳴松濤。無心得路超幽險。立身人與山爭高。一從傷逝百無俚。低徊家國曷云已。神州破碎事如此。誰歟勿去肯效死。誰指義困飽戰士。此中有人呼不起。英雄何用留名字。清泉在山聲滿耳。導吾游者二三子。

贈錢新之 永銘 三十年九月十日

猛憶淞南四十年。菟枯短夢付雲煙。事須妥貼操心苦。養到深沈見理圓。肯爲處脂聊自潤。寧因碎玉苟求全。公私風義分今古。知我新懷鮑叔賢。

君所董公私財幣。何止萬萬。國難期中。從不肯因幣價變動。以外幣易國幣。凡有所營。爲公者絕不參以私。余三十年來手創文化教育事業。幾無一非藉君之力以成。而彼此爲公。卻非爲私。故末句云然。

別馬尼刺二十年矣寓樓卽席贈新舊好二首 三十年九月二十日

鄉國經年殺伐聲。當筵南八淚縱橫。域中此後誰天下。海外於今幾老成。化去金錢纔屬我。重來喬

木忍言兵折磨桃李成松柏冰蘖莘莘定向榮。

人生何地不苔岑情在危時一往深二十華年成逝水三千嘉樹滿新陰昔賢多難興邦訓吾輩先憂後樂心鏡吹聲中今舊雨黃龍有酒待深斟。

贈桂華山題其郊居 三十年九月二十三日

郊原繡錯見精廬小駐巾軒靜有餘出益奇葩花著葉當階方凳翠平除瓜蔬甘美珍來舶子弟聰強飽讀書圭順新城喧未隔黎柴遺象感何如。西韞花(Cereus)花生在葉之邊際白如梔子舶來品也。圭順城紀念今總統圭順與革命領袖黎柴墓均在馬尼刺。

分贈二十五年前斐游共朝夕之顏文初于以同張筠采藍季獻 三十年九月二十三日

諸君二十五年前朝夕相親豈偶然既往塵塵春入夢重來一一雪生顚依人島衆終興國壞我家居敢怨天圭順喧喧城在望黎柴寂寂慕長眠。

馬尼刺贈朱少屏 三十年十月一日

浮海五千里交君四十年親朋半生死家國入危顚久鍊成材老深思見理圓病吾一私耳敵不在人前。

林子豐九龍宅招飲卽席感賦 三十年十月九日

林子飲我十七年之美酒。一石不辭。況一斗。咄嗟盤飧市遠難。譚醇家釀旨。且有主人遠自韓江來。潮汕風物信美哉。碧石校園桃李梅。舊游如昨不可回。停杯談笑山風催。龍山沈沈睡當戶。披娜一曲相思譜。此身飲罷歸何處。健兒百萬戰場苦。

九龍青山道雜感四絕 三十年十月十日

秋水伊人去不回。強收清淚蓄餘哀。一襟嵐翠飛無際。客自青山道上來。

剷雲補屋榜容龍。裙屐莘莘笑語中。學者精神惟不苟。卅年誰念樹人功。

同濟大學校友會假容龍別墅  
集會余講科學精神惟在不苟  
國慶日之夕香港告羅士威大  
飯店男女千人跳舞若不知有

錦碎江山樂土焦。春鶯滿目野蕭條。生憎南八當筵血。紅濺氍毹一搦腰。

大難者

丹桂村邊若有人。菩提庵裏了無塵。鑒將往者知來者。倚樹抽毫識苦辛。

栽花六絕 三十年十月十七日

取四十年前同學弘一法師偈語廣其意

此花我手栽。吾行花未開。好花讓誰賞。留待後人來。  
花好人人愛。人人懶自栽。栽花真我事。那爲賞花來。

凡我所賞花都非我手栽。我栽讓人賞。公道不須猜。  
花豈爲人開。花開人恰來。人人賞花好。辛苦念誰栽。  
花好天然耳。人功足道哉。有花儘人賞。何必記誰栽。  
不須記我栽。不用問誰栽。栽花須雨露。雨露自誰來。

東溪一宿 三十年十二月二日

重重疊疊山。曲曲彎彎路。高高低低屋。碧碧黃黃樹。飛飛揚揚旗。青青白白布。滔滔汨汨水。來來往往渡。南南北北人。三三兩兩住。星星點點燈。輕輕淡淡霧。甜甜蜜蜜夢。親親切切語。曉角一聲催。此身在行旅。爲我謝東溪。飈車貴陽去。

出征亭 三十年十二月三日

川黔一路別三年。客舍新廚半黝然。尙對鄉官張武健。渾忘物價苦熬煎。飛車仄徑那可止。闊谷幽  
花誰與憐。愧汗出征亭下過。萬方誅力到霜顛。

烏江橋 三十年十二月四日

橋在川黔公路距貴陽一百零三公里烏江上。舊有鐵索橋。爲清光緒九年雲貴總督岑毓英。貴州巡撫林肇元創

建後廢今仍其址以鋼骨混凝土爲之長一百一十公尺基高三十公尺驪山通道凡五公里自二十八年一月至三十年八月落成日役工人二千正工程師爲薛楚書凡耗國幣二百五十萬元西南公路管理處長薛次華有記刻之石

烏江不烏君知否豔於翡翠濃於酒兩崖峭立如削斗但聞日夕壑雷走馮河勇夫呼負負陰森大澤鼴鼴興幻作長梁猶飛騰維楚有材晉用能千夫三年聞登登公尺度之長逾百其高卅尺寬六尺鋼筋凝土以爲腳入水久乃不可研斥帑三百萬而弱此址岑林所相度從此橫江十萬車招招何用喚印須董工者誰薛楚書中華苦戰亦已久其年三十其月九紀功何碑碑在口詩成時出橋成後我來臨水心忡忡水從涪陵長江通我乘此水亦欲東詰朝桴鼓下吳淞

爲凌惕安題其先德光庭先生冰鬢雪笠圖

三十年十二月六日

清修成穀墨古貌寫勞農屢悵山城隔重來慕草封能傳五車富待告九州同猛憶兒時景霜鬢東野翁此圖恰似五十年前讀書先外祖家孟氏東野草堂長日隨侍蘋餘老人情景故末句及之

花溪初游吳前溪歐愧安爲導卽贈

三十年十二月八日

花溪尋花不可見四山霜紅作霞絢曲曲長虹臥雪湍千軍萬馬恣觀戰三年從政倘有成小試略

抑物價平。最近軍書苦鞅掌。碧雲窩絕酬唱聲。有聲忽地風送來。青藍萬袂蠶作堆。山市一闕緣溪排。峨峨帕首饒風裁。其人仲家足腴秀。其物布穀鹽鐵煤。一時熙若春登臺。日斜人散車聲杳。喚將一抹溪雲掃。惟餘流水喧昏曉。

生死十三絕 三十年十二月十五日

生死匆匆早了然。對君忍割愛纏綿。隔年今日知何日。此是千年第一年。  
精明渾厚半由天。鍛鍊才華出自然。總是貪癡吾未絕。戀花長好月長圓。  
勞勞四十二年間。天職如君完未完。一隊孤兒知勉矣。爲求泉下母心安。  
君別人寰甫一年。半年加我別君先。「今番小別休相念。」慰我言猶在耳邊。

一一呼名解脫時。天堂深處住君宜。但求最後平安耳。點首彌留對大師。  
大命縱君歸地下。勞生羈我尙人間。淒風冷雨虹橋路。同穴於今料亦難。  
人言難得夫前死。君耗何堪客裏聞。抗暴功成吾倘見。自餘福澤總輸君。  
生死商量解答難。誰先誰後欠團圓。不如一擲春申浪。雙失足成千古懼。  
自君一去無他戀。了此餘生亦大佳。卻爲填胸家國恨。有情難捨亦難排。

余夫婦曾同溺黃浦二十年前事也。

此一年間百慮焚。一身常踏九州雲。愁中日月忙中過。但得休閒便哭君。  
除卻回生續命丹。劫餘破鏡再圓難。枉勞媧石殷勤補。那許情天碎復完。  
獻君幽卉與寒齋。丹橘綦江歸袖攜。欲認風姿無別物。呼兒和淚檢娘衣。  
收拾柔情夢轉粗。太平洋上去援桴。君靈憐我能加佑。走盡關山病也無。

貴貴謠 三十年十二月十六日

貴人貴賤人賤。自天降福君休羨。大貴貴小貴賤。可憐王謝堂前燕。  
海空一碧天空青。五雲暖擁王母。耕服箱漿酒飄秋。星仙乎冉冉升天庭。  
小臣攀號亦莫聽。但聞雲中雞犬環佩聲瓏玲。悲已哉。謂福無涯亦有涯。  
尋常百姓休怨嗟。孽海千家更萬家。就中白髮忠臣淚。一例飄翻血浪花。

小麥育種專家沈宗瀚夫人沈驪英積勞歿於試驗室。悼以五絕 三十年十二月二十日

太平洋上浪翻銀。報斷華絃五十春。開卷一時奔熱淚。不堪我是過來人。

白下農郊謁女師。黔靈山翠照深卮。熱情伉儷誰能匹。吾哭夫人豈爲私。

麥隴花開早晚分。「中農廿八」揀辛勤。殺人毒卉知多少。去此一蕩代一薰。

新種成功在雜交。操家餘事更分勞。中華文化何多讓。居禮夫人未足豪。

寧湘桂筑轉榮昌。千里奔波種十箱。試驗室中人去也。當君苦戰死沙場。

謝王王孫以正氣歌句叢刻拓贈 三十年十二月三十日

傾蓋江初夕。彫年鬢未皤。忽驚神煥發。不絕手摩挲。修戟同仇日。彌天正氣歌。清夷知有待。磅礴奈君何。

贈周季悔知乃叔孝懷在津無恙時季悔長民食供應處 三十年十二月三十日

臣叔知無恙。登門吉語聞。沱江車碾月。渤海雁沈雲。去食民烏可。含和吾欲云。一歌存正氣。天末忽逢君。

內江元旦 三十一年一月一日

除夜驚天月。元辰壯國歌。幾門佳子弟。百戰碎山河。椒酒陳倉粟。花纓待旦戈。又新作民氣。責奈匹夫何。

內江道中 三十一年一月一日

平生足繭游江湖。所至登壇詔吾徒。民有瘡兮國有痛。匹夫有責奚踟蹰。觀我生兮百年嗟隙駒。於道胡可離須臾。凡此口講指畫忘飢亦忘劬。聽者千百萬與俱。無賢不肖無智愚。環之若堵趨若鳬。

卅年一日曾弗渝往者飛車沱江趨江干喚渡日未晡稗木之街茶一壺衆中有人躍出相驚呼君得非黃先生乎愕然出走臨通衢覓室就浴滌舊污浴罷神游風舞雩室僕凝視忽喚余君得非黃先生乎問渠何盡識老夫釜溪園草微雨酥內江校月黃模糊某地某時俱不誣君口余耳寧忘諸類此往往相訝相壘盧方知聽者在道說在塗吾不辨彼彼辨吾思之大懼汗流珠若芒在背撓吾膚十手指我十目視我其嚴復何如抑又思之言之不可以幾若是夫從此意氣不敢浮且粗兢兢自矢幸無心失圖以詩自紀紳自書暴敵未滅人未蘇

顧佛影寄示所作還朝別猷忠記諸抗戰雜劇及傳奇卽贈三十一年一月二日

蜀山陰陰冬不雪蜀江澌澌凍不結家海千里復萬里於我若絕若未絕五年瑣尾病不侵衆中時復哀獨吟雖闢猶憚踏權閥雖土猶樂聞鄉音渡江八千君最貴挾筆兵間迴壯慨仲連東蹈已無海信國北歌猶有氣腐心還朝別硬骨猷忠記自餘怒罵雜嬉笑碧碎河山紅血淚文章有神神何存旅亭黃河安足論美而不文乃至言倔彊鑄出中華魂多君寫作工夫到風花舊染付新澡巴窗讀罷仰天叫國方厚我忍忘報佛影佛影吾瀕老矣君年少

王孫歸三十一年一月十二日

蜀天臘月雪不霏。江流暖和催芬菲。龍蛇莽莽起全陸。乘流東去我欲飛。既過空答峽。直下城陵磯。伐大鼓。揚大旂。高樓黃鶴驚仙機。潯陽九派禹蹟微。江南花樹春陰晞。九峯三泖青草肥。腸斷王孫歸不歸。

一年三十一年一月十六日

了了一年夢。翻翻百變新。愁將勞自遣。悲與寂爲因。亦作扶搖想。其如執著身。縱心忽長往。旋轉渺乾坤。

陳三才 三十一年一月三十一日

三才·吳縣人·留美學電機·歸·創業滬上·抗日戰作·汪兆銘降敵·三才謀狙擊之·事泄·被害·歌以壯之·

書生作賊賊計滋益凶。書生殺賊殺術或未工。金風翦翦鳴秋淞。白郎林袖藏龍鍾。左手捉其腕。右手指其胸。一擊不中墮全功。壯哉三才人中龍。負笈萬里重洋通。百工有學君是宗。餘澤既及千兒童。大義咸奮冠髮衝。謹厚亦復心理同。烏乎漢賊不兩立。敵我不兩容。請讀虜廷侃侃君親供人憎柔靡三吳風。從此鄉恥雪闢茸。民紀廿九秋。涉冬雨花臺。血翻天紅烏乎。殺賊不成兮。君當爲鬼雄。

王白與嘗示我游女德純詩絕妙頃聞祝髮感賦 三十一年二月十五日

往從白與讀新詩想像柔嘉恍見之三字封名珍夾袋一紙開報早披緇盡空色相祛塵障如是聰明發大悲身出世時心入世忍看四海血成糜

百年歎三十一年二月二十三日

蟲蟲舍命趨鐙熱蟲爛鐙枯兩滅絕凍禽守死抱古松與松同命擣霜風福兮禍伏危轉安生於憂患死逸般昭昭寶訓匪可刊謂予不信演與看擎酒脯揮戈矛逍遙椅子當濠溝抗戰淺水灣西頭棘門兒戲一旦收峨冠赭服擁街帝主僕易位曳之走袒衣白晝褫當牖尙憶良宵舞袖紅披娜一曲千人同嗟嗟夷氣慘記忍繙讀夷氣聞記一書記清道光二十至三十一年間夷禍慘酷狀甚詳今恰百年矣定海夜樓婦羣哭百年往事天好復假將魔手翻成局誰蕩羣魔洗甲兵誰衛國族心忠貞惟仁與勇拯衆生此洋他日返太平

觀周方白及其夫人陸傳紋畫三十一年二月二十三日

一夕讀君畫卅年懷舊情故交重三代浩劫愴羣生物理皆心會風華各性成婦才尤俊絕眉案寫雙清

題徐聰佑夫人畫二首三十一年三月九日

花階紅雨淚斑斑慘綠槐根老更頑不覺滿樓湖海氣五年蜀道夢吳山

斷楮零縑盡史材。滄桑情話疊妝臺。南風不櫛猶堪競。清到垂髫小秀才。

夫人增吳縣孫幾伊。九齡應童子試。人呼為小秀才。中州某君十二齡入縣學。一日與幾伊同席飲。有盛譽某君幼聰者。江問漁先生笑應之曰。誠然。但在我江蘇尚不足異。問江蘇秀才得毋有年更幼者乎。答雖九齡亦有之。問誰。先生立指隔壁幾伊曰。此君是也。合席驚愕。幾伊應童子試。主試者知吳縣事李超瓊。有女嫁蜀中。贊傳其事。於是蜀中喧傳幾伊爲小秀才。

題聰佑夫人畫紅梅四絕 三十一年三月二十日

雙江寒沍忽回春。尺幅圈朱手自珍。一樣紅顏君不俗。天教清福伴才人。  
數點丹心天地和。明窗爭訝醉顏酡。素懷自是饒冰雪。無奈沙場戰血多。  
湖祠鶴守冷無聲。雪海香銷夢不成。走盡天涯人欲老。蜀山深處晚霞明。  
了了三千色相空。獨居和靖爲誰容。平生脂粉都無分。忽地孤山一抹紅。

題聰佑夫人畫牡丹 三十一年三月二十日

能哀憐獨富斯哿。不欺平民貴亦可。此花種福非無果。春城如錦復如火。祇慚平生結緣寡。終如浮雲之於我。

重慶大學校園有茅亭曰寅初亭徘徊其下成一絕 三十一年三月二十二日  
茅龍經歲困泥中。忙煞分曹鬪草童。報道先生今去也。一亭閒臥夕陽紅。

韓止石國鈞耆年罵敵不屈死哭以四絕三十一年三月二十六日

識公甫定共和年百日同官淺淺緣繞屋簿書繞池樹瞻園留得夢依然  
誰識彌縫魯叟心悠悠彼口鑠黃金獻詩寫到深微處讀罷遙聞淚滿襟  
早歲清勤善撫民彌留罵賊見精神平時才略危時節行義如公有幾人  
五年耆舊半凋殘胡元僕字子靖馬貞字相伯朱慶闢字子橋王清穆字丹揆同愈字勝之去不還上有日星下河嶽各留正氣  
在人間

夢五絕三十一年三月二十九日

夜夜夢君來君來笑口開佩君之天才寒門春意回  
夜夜夢君偕爲時短亦佳縱談家國事我能開君懷  
不忙亦不閒君態常安安醒時人一個夢裏兩相懽  
夜夜夢君生何曾夢君死君死吾不見信君未死耳  
夜夜夢君生四十年間事有情信如是此情彌天地

沈衡山假朱氏熙園招飲同席張仲仁于右任江翊雲郭沫若諸子卽席六絕三十一年四月七日

軟軟風絲淺淺舠嘉陵春思怒於潮百花開盡猶能醉不逐時芳意自高無端雲際滯行蹤忽地重洋戰血紅天意留公揮露布未妨舊璽署民傭民意長吁更大呼洋涇橋月夢模糊文章價比頭顱價忍向當年問有無品到羣芳仗爾才酴醿花下鬪深杯願簪五色文通筆直上三江爾雅臺浮圖隔水望雄關此去吳頭楚尾間一樹島櫻零落盡花壇只當獻俘看三人必有吾師存作障人權合坐尊慚愧贈君無別物一囊債券長兒孫既讀郭沫若所爲屈原劇本復觀上演成二絕句三十一年四月八日

不知皮裏幾陽秋偶起湘累問國仇一例傷心千古事荃茅那許辨薰蕕陽春自昔寡知音降格曾羞下里吟別有精神難寫處今人面目古人心

車中謠三首三十一年四月十六日

黃魚

黃魚黃魚載之一車輶輶鮑臭古有諸長鋏再彈今何須吾鄉石首春登厨山人足鮮周邊隅勿憚爲犧真吾徒其魚其魚有是夫非我安知魚樂乎

拋錨

一度拋錨我心搖搖再度拋錨衆口囂囂綦江百折深復深杜鵑灑血紅千岑停車仰首坐晚林亡國有淚無古今烏乎蜀有史兮不忍讀血乎淚乎忍相族前車覆後車續

下江老

下江老司機爾力亦爾巧爾隨大府來何早五年敵氛猶未掃西南一線僅通道國人惟汝以爲寶盛名不祥得之暴黃魚大上供醉飽詰朝嘗騰百顛倒萬惡歸之豈勝討嗟嗟司機司機爾何知不教而用是棄之一事差令人歎息寧去鄉不從賊

訪問漁渭潭臨行並以留別得八絕句三十一年四月十九日

識君三十度星霜別緒從無今歲長便訴烏江到渭水恨無雙鯉我心將  
鞠躬從未識艱難嘔盡心肝一社團我告妻喪君告病老懷都欠一年寬  
山城瀟灑小江南樂我多聞益友三聽罷絃歌聽泉去味從牋裏羨醇醇  
書生報國百無成愁聽司農歎息聲五萬萬金新換券息肩初感一身輕  
滿路桐花凍欲堅吾鄉一例拗春天物情水水偏相濟水碓臨流汲水便

入門一碧樹成陰。報道先生輟苦吟。刻畫君家一枝筆。暫將勞力代勞心。  
纔來便去太匆忙。道長平生亦自傷。昨夜百杯拚侍醉。身心滋復恐君妨。  
多少朋簪苦念君。茲行有語獻同羣。佳兒佳婦佳山水。君病三分減二分。

答贈浙江大學祝廉先教授文白 三十一年四月二十日

吾行倘爲獻詩來。重荷先施費翦裁。盾鼻文章中興頌。辟雍師弟不凡才。眼前罨畫溪山勝。劫後金  
絲宅壁灰。珍重三潭歸夢月。秋蘊須醉六橋杯。

旣別問漁渭潭還寄兼貽黔中諸友好 三十一年四月二十日

一綠雙湄遶大庠。山城著意媚春光。爲寬吾友懷雲樹。來坐諸生話海桑。剖竹引泉資碓力。試茶合  
席泛杯香。西南莫小朋簪聚。天運貞元起一陽。

讀屈原劇本與沫若唱酬之作和者紛紛感而賦此 三十一年四月二十七日

盈室由來歎慕賚。不堪天步促艱危。因君絲管鳴孤憤。報我瓊瑤盛一時。自愛愛人尊正則。鼓宮宮  
應感靈奇。三閭去後亡三戶。血淚凝將讀史詩。

黃桷坪道中 三十一年五月八日

拗春天氣好蒔秧。拗春春盡猶寒也。與時秧皆吾鄉川沙土語。強慰羈愁當故鄉。半夜雨添三寸足。千村人逐一犁忙。庭花已盡桐陰凍。野舍偏傳琴韻長。不是征衣曬。離落渾忘敵騎誇荆襄。

題豐子愷爲俞友清畫紅豆卷 三十一年五月二十日

的珠圓長綠柯。離人有淚比如何。此心白到天堪表。無奈沙場血染多。

佛座蓮 三十一年五月十七日

鄧鳴階成都寓廬庭栽雙株。亭亭一綠。狀若芭蕉。而花紅若赭。高出簷際。問園藝學專家。知爲佛座蓮。國產也。賦此以張之。

蔭暘當庭結衆緣。丹心終許上通天。高華風格慈悲性。第一東方佛座蓮。

悼譚創之 其莊早歲銳意革命。晚乃長西康省參議會水死 三十一年五月二十六日

百花潭月一樽遲。寫到生平宿草悲。虎自初生善跳擲。人從既死識權奇。西川乃有此人在。袁世凱爲書署己名。勸成都將軍鍊宦獨立。陳語人四川竟有如此之人乎。民國廿八年夏始識君於蓉郊。中國無如今日危。事急求公公去矣。汨羅千古哭湘繩。

重遊青城常道觀 三十一年六月十日

已惜芝軒與世辭。更嗟常道失椿師。彭椿仙道士先我來百日逝。老友程芝軒居士住青城亦先一歲逝。授書公得傳人早。掛劍吾悲宿草

渥巨刻降魔扶正氣代耕勸士慰歸思

常道觀諸道士爲慰勉山下居民之從軍者代其家屬耕

忽登峯閣懷无量觸耳嚙鳴金畫

眉

老友謝无量居青城山頂祖師殿山閣甚久甫去

常道觀臨別留贈心瑩道士 三十一年六月十一日

雙江漩玉壘萬木蠹青城蒿目彌天地襟期一死生詩碑人上口夢榻鳥鳴更三寶吾能說堂堂在不爭

觀兩碑  
銘吾詩

灌威雜行七首并序 三十一年六月十四日

民紀三十一年六月·偕陸君叔昂·(培亮中華職業教育社四川辦事處主任)賈君佛如(觀仁中華職業學校校長)·傅君志章(煥光)葛君蔭培(二君農學專家)赴灌縣籌設農村職業學校·度地略定乃留陸葛二君視察白龍池·而自偕賈傅二君及農學家吳中倫吳敬立二君以陳君新伯爲導·自灌縣沿岷源北行·經汶川縣城至威州·折而西·沿雜谷屬河·經理番縣城而至雜谷屬·凡所見聞·與所感發·成七律七章·以示同行諸子·並寄贈途次新知舊好·暨關心腹地狀況者俾共教正焉·

一夕千軍萬馬來我尋溪店解裝纔直疑窮寇珊瑚海忽逐游魂灑瀝堆山勢陡從巖瀑合市容冷  
傍嶺雲開九坪十八關前路香送邨饗剔藥回  
自灌縣行初夜宿東界腦「三腦九坪十八關一鼓一落到松潘」此松灌道中流行語

一逕巖腰攀確成馬王坡險客心驚幾時水石能平怒底事山花半隱名地涌崩厓盡龜坼江橫飛

絇臘猱行。忽愁關外游程阻。當午晴風虎虎聲。

汝川道中·飛沙關長  
日風怒吼·行旅畏之

金川武略紀清廷。大將旌麾此地經。自昔長梁溝兩戒。卽今朽索纜雙亭。

子遺屯

地諸蕃赤斜睇縈

天一髮青名讓白熊揚海外。檻車分享御廚腥。

草坡索橋·揚名海外  
之白熊·實產此地

一路山童草不肥。劫餘何地覓生機。斷崖流石容全毀。燬木成灰利亦微。物力天豐人力斬采花客。

去養花稀沙崩岸覆江流絕。癸酉奇災付慘唏。

汝川至威州·山被毀於一·濫伐材木·二·燒墾·三·燒城·四·燒山采藥·民二十二·疊溪山崩地震·岷源之一段·湖爲兩湖

死數千人

籌邊樓下校場旗雜谷腦河來會之。寸草無遮山畫裸葉岩可累屋基危觸寒鑿難晴能雨垂老津

梁樂不疲苦憶維州情話熱憂時圍坐夜更遲。威州至理番·山更禿·皆貢岩·土人取以累作高屋

兩字同音豈異詮。岷江汝水不須箋。遠從石紐初生地。下紀玄圭底定年。成敗何煩分父子。懷襄終

竟奠山川飛沙關共都江堰。一例收功後嗣賢。

飛沙關相傳禹出生地·岷江即汝川·汝通岷·猶蚊通蟲

雄碉百丈鎮關門。忽地斜坡碧草痕。豔說贅髡傳十舍。哀聞祭屈醉千邨。經旛飄轉諸天動。法服莊

嚴一市尊。維麝有臍噬何及。遠輸香舶海雲屯。

雜谷腦以端陽日至·地方女多男少·至數家合贅一壻·寫經於牆·高懸空際·風轉動之·謂功與誦經埒·亦有水磨轉經者·產物麝香·為大宗·

不見郭海封景岱三十年矣忽握手於梁仲華灌縣寓廬卽贈并示仲華三十一年六月二十四日始我識君三十初宣南翩翩綠雙裾更三十年再相見嗟嗟人生堪幾面君家項城豫東南竊國有玷鄉何堪祓除之責誰與擔中州靈和君所含劬劬十年飽苦甘君雖不言我所諳男兒報國不可得退而之鄉殊自值期月小變三年革一國諸鄉之所積魯中彌縫匪不力忽焉血變河山色此局雖輸枰未收亞東有健繫西歐太平後漚逐前漚捷足誰得在自求德有斐希特我有亭林叟復國以筆或以口收功都在百年後天乎中華倘加佑國人大悟弗自負拚此殘生驅敵走坐眠一牀書一起舞百杯酒二君高歌我擊缶祇應風雨共白首百年鼎鼎復何有但見都江雪浪虎風吼

答王公璵三十一年七月一日

吾念公璵甚危城最後時眼昏雲壓墨血湧路成糜太息華陽鎮傷心醉白池不期無盡劫天外尙飛詩公璵前任  
松江專員

一題張表方所著說仁說義兼爲之壽三十一年七月六日

利病珍良苦扶危仗後凋休休尊一老謗謗恥羣僚剛正因無欲彌縫使弗澆祇應仁者壽元著拜超

題王白與藏清乾隆間李復堂鯽畫竹卷畫凡四紙其一爲陳石遺索去三十一年七月十二日

因疏成勁密成清落筆猶聞風雨聲瀟灑襟懷貞固節善從規矩寫神明  
天壤王郎豈易才案頭看竹日千回石遺風趣君風義萬一祇愁墮劫灰

秋三十一年八月九日

祇應不息澹窮通了了圓周大律中暖我客窗一明月煊天兵火五秋風敢寬國恤勤家難稍體民  
艱仗歲豐妙悟春江思好句落花隨水自流東

落花隨水自東流  
姚生維鈞句

維鈞修畢大學業寄贈三十一年七月五日

萬里求師自有真蒼涼一闋沁園春學成已報家山破誰識平生意苦辛

有感調寄沁園春

姚維鈞

孤鶴高飛越海沖天別盡舊人且拓開新境聊酬壯志快翻怒翼早拂輕塵林露何依窯雲何  
託誰識長鳴自有真流年改念來時任重茹苦含辛交親散落如雲又何用朝朝暮暮情任  
花開也好月圓也好等閒聚散更不傷神徧歷艱危飽經貧病夕照山城寄此身無言久有一  
腔熱血相映紅輪

林露三句  
炎培易

靈璫詞後三絕句三十一年八月一日

將別惜此聚。將聚惜此別。多君慧心人。立言故精絕。  
無窮家國感。不是兒女私。若說兒女私。靈娥其知之。  
一心迎自然。人天豁遙襟。離合與圓缺。此象亘古今。

靈璫詞三十一年七月二十五日

維鈞既畢大學業。將自筑來渝。踐白頭之約。謂此最後一度月圓。在離別中彌足珍視。約以七月二十六日。即  
陰曆六月十四日月圓之前夕下午八時至九時。異地同時賞此月色。而各寫所懷。余因成斯製焉。

一

佳日兮辰良。孤月兮雙江山房兮雲樹。張之園兮夜未央。思佳人兮來遲。訴家國兮迴腸。乞靈  
娥其諦聽兮。願在耳而爲璫。

二

維九峯與三泖兮。靈秀孕乎海隅。有小市曰澧溪兮。春申蜿蜒乎通渠。悲故劍之莫求兮。神傷  
乎干鎔之墟。惟諸姚之多才兮。旣代有乎名姝。憶丁閨之酬唱兮。夫人姚丁時水才華照耀乎鄉閭。敵

騎兮長驅鄉書兮久疏剩明月多情其雙照兮壹不知夫消息之何如

三

烏江兮赤水春一枝兮驛寄姽婳兮彼姝請傾誠兮師事艱艱兮家世澧溪其里兮姚其氏天涯奈此鄉親兮嗟萬方其一概迨沁園一闋之驚人兮始刮目以相視於是申言心曲閒敍家常問何因兮求師萬里更何忍兮別母高堂徒憤夫大好江山之既破兮誓欲奮纖纖以扶將悲弱質其無能爲兮望師門而彷徨因文兮生情閑情兮秉禮時間暖而嘘寒兮每相憐而相慰書愈投而愈密兮意彌真而彌摯念佳人之易得兮信難求乎同志顧曾無一言之及私兮發乎情兮止乎義誠惟天之可表兮仰靈娥其鑒止

四

城闕兮芙蓉講幄兮春風忽李殊其入室兮驚先夫人之遺容謂惟彼友姚姝兮神情小異而大同倘兩美其必合兮不辭蹇修以相從俾三者其一體兮信人間天上之情通嗟嗟松後凋其旣雪兮菊徒傲乎霜叢曾足儼海棠秋豔兮仙藥春紅語深深其淺淺兮書疊疊而重重紛惟一愛之所涵兮終乃兩情之交融願啓告夫靈娥兮曾足語夫庸庸

五

大哉愛乎。旣蟠天而際地兮。更彌綸乎萬有。不因物而厚薄兮。不與人爲左右。知者鑒其一誠兮。不知者謂盲行而狂走。悲破碎之版圖兮。誰補苴乎罅漏。哀民生之昏昏兮。發彼蒙兮。誰之口嗟獨木兮。難支寧謂求助兮。無謂求偶。俱不羨夫如花似玉兮。但欲得勇敢而忠誠之戰友。誠寤寐其旁求。乃有緣兮。邂逅此惟以德不以色兮。曾弗先要乎聚首。彼惟多福之自求兮。雖凡百其猶樂受。月兒爲問彼姝兮。許吾言爲當否。

六

維時山風習習。園露瀼瀼。懷伊人兮千里。倘獨坐其愁涼。算明夕之團圓兮。偏今宵別裏之難忘。不知皓魄之西移兮。坐驚人影之加長。勿使畫屏無睡兮。願早卸夫晚妝。幸靈娥爲我周旋兮。相見乎黑甜之鄉。

題維鈞扇 三十一年六月二十一日

林能蔭喝扇能涼。一樣人前服務忙。料得年年人念汝。秋風珍重自收藏。  
答穆藕初 三十一年九月十三日

不德萬家盡衣被無心一笑亦經綸祇應此曲娛羣聽不利當時知我貧餘事詩篇一商榷卅年肝膽兩輪囷翻因詎勉添酬唱共憶家山話苦辛

婚後自渝東滬張伯初並諸友好半年前滬報訛傳余婚事輯入珍聞三十一年九月十四日

語出傳訛枉自珍事當徵實卻無聞不期榔栗天偕老更縱巴窗外論文家國綢繆成詎勉江關詞賦伴難辛劇談差喜無餘忌一愛彌綸澈舊新

重九謝友約醉三十一年十月十九日

打頭葉葉井梧黃五載江城鬢欲霜有約登高苦風雨無車簡出謝壺觴不圖偕老添吟侶莫爲憂時縱酒狂天賦吾生蕭瑟性呱呱三日便重陽

吾生農曆  
九月六日

國民參政會卽事二絕三十一年十一月六日

午夜喧喧尙議堂一年拚此一旬忙天人百策關軍國高閣堆成紙萬張

觀音巖上市聲稀夜夜夫人迎我歸過盡千車人不見（夫人句）一天風露溼君衣

附維鈞作

觀音巖上久徘徊販者紛紛飽橐回過盡千車人不見一鐙遠送屐聲來

送問漁返渭潭 三十一年十一月十一日

吾愛江夫子。春風滿鬢霜。邇來嗟聚散。每別恨匆忙。  
忠骨清難掩。天懷病未妨。福君好山水。不遠復康彊。

重遊北碚溫泉公園維鈞偕行得八絕句 三十一年十一月十五日

嘉陵小三峽。久別悵如何。暫許攜裙屐。重來訪薜蘿。  
齋愁山入霧。挾怒水掀波。秋雁江心影。猶聞訴棹歌。  
「挾」「掀」「訴」皆維鈞所易。

隔歲朋簪集。遙聞三月三。流觴分綵韻。得句獻琅函。  
戰鼓愁新緊。吟囊思險饑。一樓焦徹骨。空欲數風帆。  
七年前來宿數帆樓。今年元旦樓燬。

新治開西蜀。偏隅讓北碚。苦心化狂寇。小試訝奇才。  
無使繁華極。誠須大本培。相看真刮目。歷劫我重來。

惡寒天與暖。雲氣石根流。沸水青銅洗。叫霜黃栗留。  
池荷香蓋落。道柏筆鋒遒。應惜斯文在。圖書壞壁收。

十年思繕造。衆力策辛勤。花好樓當月。魚游沼在春。  
艱難留淨土。飄泊慰羈人。江舶一聲笛。終迎世

象新。

煙蘿十五里。言上縉雲山。心潔尋初地。峯高俯衆鬟。甜茶花白緻。

「級」維  
鉤所易。

板栗葉青斑。雲際松如

海。聽鐘試叩關。

四海兵戈沸。百年桑海翻。林泉變朝市。巖穴避衣冠。直過朱門哭。相忘白骨寒。山名吾忍說。獨樂此林巒。山樂

淞波秋淚翦。巴雨夜愁鎧。國破家何在。茲游感不勝。中興關世運。偕老得吟朋。蜀國三離碓。嘉陵見未曾。

附維鈞作

良緣愛山水。買棹泛嘉陵。雨歇天將暮。風停煙自升。尺峯隨地起。舟浪霎時興。金碧林端現。相攜拾級登。

爲愛溫泉浴。名園得俊游。仰天驚雁陣。俯檻數江舟。夕照琉璃瓦。霜紅花好樓。故鄉亦佳麗。涕

泪幾時收。

「尺峯」「舟浪」「仰天」「俯檻」炎培所易。

此日三首 三十一年十二月十五日

夜夜愁雲接曉昏。年年此日更何論。圖書半燼珍遺挂。風雨如磐安夢魂。久別故鄉餘想像。大難來日是兒孫。今朝添得摻摻手。一翦寒蔬意漸溫。

舊恩留念徧親知。憐到鄰獨失護持。嗟我老來徧健骨。共君夢裏總平時。殘妝檢點全家淚。客館蕭條一卷詩。此事冥冥疑有力。枯楊天爲長新枝。

何年情海竟全程。翻爲新情長舊情。戰報漸宜供祭告。歸期敢望及春明。不堪家國長歌哭。倘許人天一死生。寄語兒衣今已暖。巴窗刀尺夜聲聲。

悼熊純如 育錫 三十一年十二月十九日

數從上蔡問平安。忽報安生返道山。名世文章函牘在。不彫太璞性天完。識公已入中年後。論治常憂國力殫。莫使絃歌因亂絕。翠微雲護一峯寒。

爲胡叔異題畫梅 三十一年十二月十九日

胡不煊煊畫牡丹。巴窗著筆總酸寒。試從疎影窺塵世。一片繁華走百官。

贈藕初二絕 三十一年十二月二十二日

磊磊交情四十年。升沈百態幻雲煙。絳袍玉帽誰能識。早歲登場一曲傳。

燼餘老屋倚山根。霧壓山城白日昏。只合名心收拾盡。詩成子細與君論。

答寄陳筑山薺郊寓廬有贈 三十一年十二月二十九日

濯錦江深隱最賢。平欄聽水欲忘言。我慚太上超情海。天賜勞生耦硯田。滿紙兵戈疲日課。懷人風雨逼殘年。巴窗雙影憑誰寫。詎勉成篇一惘然。

元旦偕維鈞攜兒必信江上行 三十二年一月一日

晴嵐故故散林皋。容易春風發歲朝。江上漸疑鄉訊近。天涯猶見土風操。野舟逐水帆張飽。山市穿雲磨轉高。詩料探囊知幾許。請纓小札出兒曹。必信請從軍以現習電機無相當訓練班可入府令暫緩

有感 三十二年一月八日

每乖世好苦求真。但適天懷樂茹辛。遠慮豈辭招駭俗。孤芳時復恥隨人。難安耿耿嗟存舌。不已勞勞患有身。卻曲未愁妨坦蕩。心樊養得盎然春。

劫後渝州公園江亭晚眺偕外子作調寄大江東去 三十二年一月十七日 姚維鈞

豔陽冷碧儘沈沈。斜射歸帆煙水壞。堞危垣迷望眼。人在天涯千里苦憶年時蒼涼百劫一剎成生死。江山如醉孤亭雙影空倚。誰記客舍流光。親恩白髮夢見悲還喜。忽地驚心傳竹

報畢竟平安何似。等是飄零家愁國恨。園樹猶如此。生機多少應憐叢棘芳芷。

月夜贈維鈞 三十二年一月二十二日

興君縣邈話生平。一角山樓劫後撐。衆醉酣時艱獨醒。兩情真處不須盟。身疑夢境諸般幻。月愛中天一鏡清。妨足蒙荳芟不盡。夜行吾勇爾聰明。

舊曆歲朝立春共維鈞聯句 三十二年二月五日

冉冉歲朝春綢繆。一歲新任早梅懷暖意。維初雪孕清神任。漫話雙江夢遙憐。百戰身維隔宵喧竹爆。民力念艱辛任。

舊曆歲朝立春壽沈信卿 恩孚八十 三十二年二月五日

難得歲朝春。公今八十人。憂時艱。望治信道苦。求真卅載升沈共。三秋夢見頻。平生知我感。曾未論斷斷。

識公四十年矣。民國成立以前倡地方自治。以後參省政。皆與公共之嗣復共教育公闈二十餘年。新聞事業十餘年。文化事業十餘年。往往我發其緒。公守其成。論道。論學。論治。論人。是非臧否取舍。殆無一不開合。民七遠游。里人欲選我爲省議員。而懼非金不得。又懼我不樂爲。以白公。公正色曰。君等不耗一文而選出之。彼必不辭。苟耗一文。彼必不應。公之知我類此。

新春雪飲耦初家卽席贈 三十二年二月六日

去年元旦雪花飄。今日飛花又歲朝。劫後滿園春意動。興來合座土風操。越雕酒熟家千里。古可羹香客百瓢。應爲鐃歌作前奏。江雲一曲徹層霄。

鄉訊 三十二年三月二十六日

苦念從軍六及瓜。驚傳齎盜百糧車。夢邊又綠江南草。劫裏翻紅蜀道花。亡命幾人驚虎穴。良家十  
郡慘蟲沙。傷心委地書千卷。算汝成仁亦可嘉。「亡命」  
維鈞所易。

妙高峯歌爲方子珊將軍 先覺作 三十二年三月二十八日

長沙城外雲圍黑。妙高峯下血浴赤。民紀卅年之除夕。將軍殲敵建奇績。斯時敵餒方張鴟如潮大至不可支。孤城一命猶懸絲。將軍善以少擊之。瓦五晝夜曾弗疲。十盪十決出愈奇。矢盡援絕敵不知。倉皇引去莫敢窺。危者轉安險轉夷。但見盈野橫敵尸。壯哉長沙卻敵第三幕。鄰將壁上齊錯愕。中華男兒功卓卓。元帥酬勳不次擢。舉國懼抃躍三百。將軍爲誰方先覺。芒碭大風雄如昨。

喜雨二絕 三十二年四月三日

往歲田愁旱。今春雨喜多。花陰纔震霖。峯頂忽滂沱。山閣雙吟屐。田家一綠蓑。惟誠動天鑒。艱食問

如何。

衝泥上坡去。破夢打窗來。漫滴愁心碎。終迎笑口開。入塵平百物。解禁醉千杯。又恐山行滑。初陽紅上臺。

清明渝都江干望祭先父母 三十二年四月五日

苦憶東塘路。年年此薦新。孤兒忍衰老。今日又清明。有樹空垂蔭。何人禁采薪。天涯幾行淚。憂國更思親。

清明渝都江干望祭先夫人七首 三十二年四月五日

惻惻復惻惲。三年作寒食。叫君魂不歸。老我身爲客。  
匆匆瀘州行。瀕行兩淒絕。曾不忍生離。可堪成死別。  
蜀道屐猶健。虹橋墓已封。今夕諸兒女。鄉心六處同。  
不見九州同。乃驚百物貴。斗米索萬錢。民生嗟其奈。  
客窗降新伴。餘事能論文。佩君之懿美。師我還師君。  
百年亦何有。天壤長相對。無死亦無生。三心融一愛。

此心此江水東流倘到家一尊瀘州麵一翦巴山花

春歸 三十二年五月十二日

國破驚心訴蜀鵠春歸淚眼送江船分明天意羈吟屐一爲花時費酒錢坡樹綠梳煙影直窗曦紅幕鳥聲圓瀟瀟夢楊醒山雨處處秧歌激水田

悼牛厚澤三首 三十二年六月二十八日

磊磊心腸僕僕身各將志業照輪囷鄱陽雅語聊爲壽百歲名齊相老人載筆周游亦壯哉我慚度隴尙徘徊滔天未易長城壞忍踏延陵墓草來恩仇一夢墜空雲君叔何曾惜此身里老贋聞說遺愛長官勤政縣民勤

秦子翰才自蘭州函告隴人爲牛厚澤先生生前舉辦教育實業有功於六月六日舉行蒙難紀念先生嘗爲民勤縣長縣人謝鎮宇猶能縷述先生善政云回憶二十年前先生往來西北與東南間吾兩人志事略同故蹤跡至密中華職業教育社初成立先生與會享壽至百有一齡之馬相伯叟亦與會人戲呼爲牛馬大會不圖盜殺君叔志決身殲而余至今尙未獲登隴一拜宿草也

蔡蔚挺寄示其十齡孫德達摹刻贛縣精忠祠岳武穆送張紫巖北伐詩卽題卻寄 三十二年

七月十三日

金石南天富。章江吾昔過。崢嶸尙詩碣。破碎又山河。愛汝天才卓。嗟今國難多。精忠曾賜額。何以有風波。

女當時生四十韻 三十二年八月七日

六六不知老。素食偏健飯。吾妻方盛年。一索易所贊。生男不足欣。生女曾足歎。頗嫌逃兵役。豈樂弄柔翰。父女年相差。六十四有半。喚聲十三妹。十二兄亦冠。大羣姊與兄。蜀隴桂星散。一姊滬故居。摻摻手鑰筦。一兄游域外。海峯阻雲雁。甥姪森庭階。相形汝總短。諸姊笑責妹。後至罰百璣。嗟哉母孕汝。百計求穩產。晚香花初胎。酷熱蓐全汗。驚號母呼母。宛轉旦復旦。母存爭一息。兒墮驚偉幹。痛定忍思痛。深心慙後患。兒口索食急。母乳破皮爛。不惜乳血流。但愁兒食斷。普告爲人子。旣長教汝看。彼嗜殺人者。看此手應戰。自兒在腹中。刀尺疲母腕。文裸天吳飛。繡袒紫鳳綻。生事萬方艱。尺布寸金換。身勞心更勞。拮据咄嗟辦。地下亦有母。思之淚欲潛。愛汝若已出。佑汝天聰寘。今歲吾家忙。五兒齊降誕。姑汝或姨汝。報之惟一莞。謂於國有獻。斯言滋益報。養之而不教。亦徒勞負版。兒乎倘好游。父腳風塵慣。兒乎倘好文。母腹詩書滿。兒或好飛行。機聲在霄漢。名兒曰當時。茲義汝尋玩。雙江何深深。一綠陰如繖。呱呱蕉林下。主人善翼卵。吾識汪倫情。生生德何限。囊藥兼囊詩。句好珠成串。

苦戰六七春。物質事求簡。相期飲黃龍。未擬分紅蛋。

贈李思敬與工程師楊子英婚 三十二年九月十日

錦江春濃秋轉清。月華流豔芙蓉城。天上宮闕郎手成。降階玉女郎親迎。李楊韻事長生殿。千年曲奏霓裳遍。在天比翼無盡期。降落人間永歡戀。

題沈叔羊畫茅台酒 三十二年九月十一日

喧傳有客過茅台。釀酒池中洗腳來。是假是真吾不管。天寒且醉兩三杯。

悼穆藕初 三十二年十月三日

瑣尾相攜忍息肩。一生一死兩蒼顚。將身自致青雲遠。有德能忘濁世賢。合坐笙歌常醉客。萬家衣被不知年。巴窗淒雨彌留夜。捷報遙聞尙莞然。

六六生日祭母四首 三十二年十月四日

春歸草不枯。命盡心猶熱。我今六六年。母存年八八。哀哀五四春。長與吾母訣。當其終訣時。既死乃復活。復活惟一言。苦念三兒切。

三兒今老矣。雖老殊未衰。小妹滯海壠。大妹入蜀偕。行者僕僕身。居者困米柴。居者墻在牀。病久心

忘齋旦日以書來悟道襟恢恢行者服其勞抱布蚩蚩來所職通有無一塵新裙釵兒生乃碌碌議堂席許陪以口復以筆欲喚羣聾開一言慰吾母兒孫立滿階在母血緣下二十有八胎天乎放母歸母歸應開懷「僕僕維所易」「新」

夢母母如生念母母未死想像兒生年劬勞自今始母喪何蕭條得金遺篋裏哭罷皆錯愕遺言在兒耳他日兒娶婦聘錢將以此母自兒幼年遠謀乃如是兒長不治生家居百無似衣不知新舊食不問甘旨所恃惟婦賢此福問誰賜先糾而後維後先成二美今日祭吾母維實司刀匕幼孫維所育捉之習拜跪舍母更與誰家常話無已大哉生我恩親哉母若子兒憂母亦憂兒喜母應喜

兒生良有憂大羣方擾擾寇從東方來奪我江山好淞波翻血花六年失歸棹瓜期士莫代糧藏民被盜思痛還未定大旱復大潦兵凶年更凶天乎浩劫浩義旂舉五洲寡助彼失道制勝誠可期料敵未宜藐平生報國心口誅而筆討未一執干戈所獻何乃少兒孫志從戎誓欲寇氛掃全民敵愾心舍此無爲寶天乎忍奪母奪母一何早不見國多難亦莫見再造地下母有知或反增煩惱一言慰我母母訓今了了誓不復偷閒永懷以終老

雨中送問漁返渭潭 三十二年十月十四日

蜀犬吠日日始怖。苦借秋霖釀秋霧。巴窗長夜聲復聲。滴碎客心無處訴。老我年年坐議堂。堂開堂閉十日忙。低回家國空畫傷。君來何暫去。何促。善葆神明謝塵逐。時乎時乎匪可復。知君未戀雙渭綠。

衡山七十初度公子叔羊就棗子嵐塲樓居所見畫長幅以娛之成三絕句 三十二年十一月三日

一樓風雨鎮相望。各抑羈愁當故鄉。生恨棗嵐坡下路。歸燈泥滑夜昏黃。

剛腸矢願不平平。折角朱雲老有聲。公退蕭齋書百卷。石交冷臥座縱橫。

未妨畫本抵吟箋。雨嶂晴洲好景全。應識白華馨潔意。舞將美筆爲延年。

郊居 三十二年十一月七日

花弄文章鳥弄歌。郊居偏接自然多。譜張曾是生機促。考訂應非戰報訛。夢裏洶洶兵日月。壁間寸寸我山河。金風自借秋陽力。離落黃英奈爾何。

春訊五首憲政實施協進會成立後作 三十二年十一月十三日

天心七日一陽回。忽報寒飛六六灰。百里有山皆入霧。雙江無雪卻看梅。惺忪漏盡鐘鳴際。想像嫣紅姹紫來。此意微芒非易識。定知衆蟄待乘雷。

最是霜欺雪壓天。崢嶸孤幹不知年。著花妍醜拚忘老。負鋤辛勤漫自賢。消息分明迎大地。功夫倘許讓先鞭。圖成九九知何日。準辦鈴旛護萬千。

春去春來客未歸。一江盼斷柳依依。陽和有腳徐橋散。信古何心柱下違。水味自家知冷暖。晨光忽地送熹微。翻因冰蘡孤成性。懶逐長空雪絮飛。

忍復華繁說六朝。有花齊放馬齊驕。天涯望望容張儉。海外栖栖策繞朝。一路歌鐘喧甲第。十年泥雪踏丁橋。雨雲盡入春婆夢。終信貞元起運遙。

巴窗夜夜作愁霖。冷逗春痕上酒襟。帝殿差池涎在尾。臣門似水澹明心。不知力穡三時苦。種得情苗幾許深。天道於今爭一息。飛龍四海戰羣陰。

所見二絕 三十二年十二月十九日

餓莩當衢不掩膚。鶴衣人市影蠕蠕。傷心通遠門前路。誰付監門入畫圖。  
歸期愁近路。愁艱破浪風帆去。去間未見清明藏霧日。不成章法隔江山。

周定宣 延元自天水寄孩用飾物贈我新生女答謝 三十二年十二月二十二日

六六偏忘老。迢迢忽念君。梅花隨使到。繡褓與孫分。渭北青瓜酒。嘗以飲我。湘西露布文。蒼黃十年。

十年前君

事飛將巷名聞。

君居天水  
飛將巷

歲除枕次 三十二年十二月二十九日

七年淞浦千家夢。萬里巴山一枕雲。久客漸於風土習。殘更時有雨聲聞。大難日月匆匆過。並世恩仇了了分。金穀正須愁六府。文章祇愧策三軍。

送從軍青年 三十三年一月十一日

國運翻新信可爲。同仇義在百何知。長纓請自三台始。危廈欣看衆木支。空巷鼓笳身是膽。雙江茶火綵爲旗。七年蓄艾寧求得。受命元戎自此辭。

長兒方剛先我物化自渝之。蓉將轉樂山親臨之途次三首 三十三年二月十一日十二日

天遣愁人意稍舒。散將春色滿成渝。黃黃菜甲香初熟。點點嵐峯淡欲無。國破復堪家蕩析。吟成都化血模糊。寒氊拚當沙場臥。病榻何辭講席劬。方剛臥病三閏月而死。病榻中游者方剛也。今母子皆物故矣。

風颺春城處處旗。傷心麗景不成詩。千邨白屋新油瓦。一路紅梅向暖枝。泉下偏宜尋骨肉。雲端忍復望峨嵋。艱難遠道疲驢力。慚愧吾身強自支。民廿五年偕先夫人游峨嵋。導游者方剛也。今母子皆物故矣。

遭迴鳳驛更龍泉。繭足風塵又一年。廿角長纓明大節。上丁小隊課春絃。索居知過須投杖。決勝乘

時仗著鞭。發篋茂陵秋稿在。興亡強弱炯機先。  
兩時代生存方式恰相反。希特拉輩實因誤解天演論派優勝劣敗舊學說而害人自害。見於其德日全盛時遺著。

方剛謂：「人類昔以自私勝。今以互助勝。互助者助人亦恃人助。故似弱而實強。自私者損人利己而失助。故似強而實弱。」

題羅伯濟青城集 三十三年二月十七日

爲於無爲爲有成。成而不有爲不爭。大寶不先慈儉。并廣魯天下。天下寧。寰海擾擾。今苦兵。曷不反求之青城。青城有祖猶龍驚。道五千言。一夕傾。其間亦有有韻文。先生因之以詩鳴。道乎可名不可名。吾兒方剛業此有所受。齎之以終書莫守。吾哀投杖離羣久。

題羅伯濟北征集 三十三年二月十七日

雪柳紛裘葛。風輪倏海山。塵文驚曉角。偕計走春官。四十年前事。燕梁楚蜀間。吾懷子雲筆。就學寫方言。

題陳夢龍先人輝山遺墨 三十三年二月十七日

天谷通真宰。奎文應列星。佳兵促傾蓋。寶墨受趨庭。金石能餘事。贏劉未墜型。華碑最精絕。嶽峙更淵渟。

都江三絕 三十三年二月十八日

都江利國二千春贏得留題楮墨新。到處山川天賦厚。李家父子少傳人。  
飛沙雲際蔭靈旛。風簸繩橋兀不欹。大地生生供俯拾。榦林籠竹用咸宜。  
榦林籠竹亦纖纖。天許詩人妙手拈。治水治詩同一物。物須近取不傷廉。

贈吳庶咸有序 三十三年二月二十七日

余每至成都。必訪庶咸老友。頃者。訪之郊外。爲吾兒方剛之喪。抱余大恸。既而縱談國事。臧否人物。對余頤下碱硬。余知過矣。書此特謝。

直使羣居愧索居。剛腸熱淚寫真吾。平生澹靜能明遠。老臥南陽一草廬。

眉州 三十三年三月四日

笑倚巖城眺大峨。千年吾欲起東坡。眉州山色荆谿水。易地相看勝孰多。

工師 三十三年三月四日

工師愛材如愛才。工師善用亦善栽。眼前一綠油油木。都是前人手種來。

黃桷 三十三年三月四日

隔江黃桷樹陰圓。漫笑庸材祇自全。但使勞人資蔭喝。將身利衆豈非賢。

過榮縣寄呈香宋 三十三年三月十四日

嚴陵冷釣富春魚。香宋辭官榮縣居。於富於榮寧足戀。其名其實竟何如。野桃自散諸天錦。奇字能迴過客車。便悵剗谿人不見。催詩山綠已侵裾。

答謝香宋見贈兼示翊雲 三十三年三月二十一日

三江歸客乍停車。天半瓊瑤忽拜嘉。但看筆花飛有力。定知林鶴壽無涯。得朋已慶西南捷。市履何愁大小加擬借。郵吟當禊飲。公其領我共侯芭。

哭方剛墓 三十三年三月二十二日

生不求人強自支。死留清蛻伴峨眉。三江窈窕堪遺世。百卷叢殘欲付誰。最後解人空爾索。方剛治哲學以解答最後問題自任。諸生廬此復奚辭。墓地其弟子李生樹芳所贈·李宅在焉王師大定中原日。翻待衰翁祭告兒。

附 黃方剛墓志

方剛一生清正。抱道有得。言行一致。誠愛待人。取物不苟。箸書講學。到死方休。雖其年不永。亦可以無愧於人。無愧於天地。

長兒方剛。窮研哲學。歷任廣西東北北京四川武漢各國立大學及華西大學教授。東北大學

文理學院院長凡十六年以清光緒二十七年三月十三日生於江蘇之川沙民國三十三年一月十七日歿於四川樂山武漢大學教席年四十四以同年月葬於樂山凌雲鄉馬鞍山東一公里許其及門李樹芳贈地箸有道德學蘇格拉底餘叢稿未印行母王糾思妻微華蘭子十九海川岷江父黃炎培哀記

贈柯定礎

璜三十三年三月二十八日

鮫鯢怪舞晉水黑金絲響絕壞空壁。巋然一老坐朝夕。塵塵往事復堪憶。有心者柯子抱道窮自得。興酣落筆中堂書。餘事畫本常臨摹。天龍矯若雲卷舒。此中沈沈意有屬。時宜不合先生腹。劫餘民物慘心目。廿年邂逅并門秋。竭來風雨同巴州。忽聞海旂復大仇。先生吾亦欲東耳。故山猿鶴偕白頭。

輓沈信卿 三十三年四月十三日

風義吾師友悲懷鬼故新。先生絕筆詩：「遠悲故鬼近悲新」一生嚴立範晚歲苦求真。形影升沈共公私夢哭頻艱危生蜀道寂寞死淞濱。

題畫松柏 三十三年四月二十五日

一柏與一松，歲寒長青葱。我欲置君萬紫千紅中，一試凡眼何去從。

不成 三十三年五月九日

不成餘旖旎，重復與纏綿。書燼飢蟬壽，碉擣怒角堅。谷花翻錦繡，林月耐嬋娟。歸思將勝載，五千江水船。

爲復旦大學諸學友講憲政畢宿北泉共內子維鈞合作一首自作一首 三十三年六月一日

數帆樓北夜光寒，維好月翻宜背後看。任此地重游天與便，維諸生數問國何安。任遠張鐙火知黃桷，維大澣塵襟弄碧湍。任市笛一聲驚敵襲，維嘉陵雲樹忍盤桓。任

我無求飽卻求溫，幻出雲花沸百盆。銅洗藏珍開有日，柏林防玷榜無存。塵封客散農莊路，鐘歇僧栖學舍門。一自珠量村店米，埽花帚倚冷牆根。

聰祐夫人畫菊十二本有以大紅袍名者爲題二絕時抗戰暴日及八年矣 三十三年六月三十日  
采采黃金正滿衣，山家忽報賜宮紺。秋深錯作繁華夢，五柳先生畫錦歸。  
江斷沙崩欲十霜，秋容淡到不成妝。隔籬拚浴刑天血，揷袖西風戰一場。

渝都江蘇同鄉會大廈落成四絕 三十三年七月一日

望望家山淚不收。十年蜀尾夢吳頭。江東子弟多才思。彈指嵯峨百尺樓。  
江山龍虎兩中興。六百年間拜二陵。城郭人民今一哭。白天萬骨肉何能。  
通遠門高麗旭暉。南冠十萬一戎衣。翻愁抗暴功成日。蔓子將軍忍別歸。  
諸君不見七星岡。大廈功成萬木撐。邦本伊何民是主。無民無國亦無鄉。

初秋觀音巖下 三十三年八月十九日

瑣尾浮生欲十霜。艱危短髮尙雙江。蓬瀛清淺魚龍陣。衡嶽忠靈日月光。  
百感每隨村柝沸。一鐸初傍井梧涼。無端巖路驢成市。血汗千夫拾級忙。

亮疇齒盡脫行嚴就參政會席爲一詩嘲之強余同作因卽席成二詩 三十三年九月十日

天教磨吮遘終凶。誰是含和量有容。自拔奇才超齶齦。飽嘗世味得開通。  
一寒夕惕脣亡日。不礙春生口角風。太息輔車荒大義。三原則付劫灰紅。

平生從未與斷斷。翻羨回甘飫菜根。養得童顏中自豁。悟從柔道舌猶存。  
文章恥拾人餘慧。鄉黨爭推衆一尊。吾欲名君當齧缺。堯由齊拜大師門。

哀韜奮有序 三十三年九月十五日

鄭韜奮以各地生活書店支店被封。於民三十年二月二十四夜半大哭別我離渝走香港。是秋在港尙數度深談。  
港陷。流轉至上海。以民三十三年七月二十四日病歿。

嗚呼！韜奮。嗚呼！韜奮。天乎！韜奮。

勝利在門。強暴在室。嗚呼！韜奮。

妻兒何在。老父何在。嗚呼！韜奮。

何爲而來。何爲而去。嗚呼！韜奮。

何爲而生。何爲而死。嗚呼！韜奮。

嗚呼！韜奮。天乎！天乎。嗚呼！韜奮。

題畫桐花 三十三年九月二十七日

春老桐始花。春去花猶凍。風風雨雨中。獨客巴牕夢。

壽江問漁 恒源六十歲五首 三十三年十一月五日

佳兒佳婦佳山水。往歲吾詩道著多。天爲先生增壽考。客從太學伴高歌。翻因籠藥安吟榻。每發郵書感逝波。幾輩華繁門若市。一般惆悵斧無柯。

準擬還家醉百觴。客中歲月亦堂堂。平和性格根天賦。美富門牆立雪望。鐵道舊肱莊叟篋。黃巾今擁鄭公鄉。白門楊柳梁園雪。滿了吟囊空宦囊。

早許商山末座賢。惜陰堂燭照春筵。二卿無恙嗟千里。此會於今又十年。

民二十三年·趙竹君鳳昌八十·馬雋卿士杰七十·李耆卿錫純

六十·先生五十·集趙惜陰堂爲壽

莫苦哦詩妨養病。自名補學樂窮研。知君道與年俱進。不舍方增似此川。

江海鳴求得幾人。素衣不許染緇塵。易園屏俗長耽佛。漸叟書空若悟真。百計呼天猶我輩。一筇扶老有餘春。雙湄染出雙裾綠。

伉儷雙健兼以爲壽

病裏偏聞轉道輪。

勞勞爾我各何爲。惹得濃霜滿鬢絲。亂踏湖尻窺火口。

嘗共觀日本箱根火山

臥看霄彈燬車皮。

俗呼鐵道列車曰車皮·民二十六

同赴濟南·途次敵機  
燒車·幸臥田野中免

飄蓬與共誠堪笑。

先生述懷詩此身自笑似飄蓬

危廈能扶不自疑。應念蒼生方水火。斯人肯出

豈嫌遲。

答金靜庵 輞絃有贈 三十三年十一月七日

一夕松花臥雪篷。經旬壁水飯晨鐘。江山文藻歸吟屐。寶藏蛟龍召首戎。名道不言周柱下。圖書有幸漢關中。功成大義春秋戰。與子偕行亦欲東。

寫實 三十三年十一月二十六日

窗月淡淡簾霧垂。警笛不作空清夷。倚枕罷論諸家詩。紺黃手線停結衣。萬籟凍寂鼻息微。夢甜忽  
破兒樓啼。裏衣趿屣直上梯。大者餌之小乳之一。夕數起亦不辭。屏兒別室意何爲。父眠無擾寧母  
疲。大哉天下慈母慈。山旭初紅春風吹。曉妝儼又千童師歸來。廚下調甘肥。

南泉行七十韻 三十三年十二月十四日

一車三十里。自重慶市渡江至南岸海棠溪。坐公路車行十八公里至南溫泉。四望萬重山路繞花溪窄。工開蜀道艱。昔游經信宿。今病得  
休閒。垂暮添孩抱。偕吟慰老鰥。幽蹤臘梅鶴。旅食慣瓢簞。讓坐客心愧。歐茵僕力瘴。峯名「建禹」  
識。禹山下館宿於仰光旅社。莽漢呼忘禮。金吾號詰姦。蠻鞚喧橐橐。土燭滴斑斑。旦日湯初  
試。冬天池不寒。潤多膚去痒。浸久體能胖。祇覺春駘蕩。寧愁氣沸涫。露天匏有葉。戲水石當欄。朝食  
尋炊竈。冥行偏市闔。聽音出鄉曲。解甲隱堂倌。四時春餐謂主婦川沙同鄉。其婿以海軍人員而爲店役。友好邀傾蓋。妻孥合辦餐。烈林  
勇（競）夫婦邀餐。女妙音。肄業某中學。每生每學期徵一切費幾及兩萬元。設備極簡陋。病無醫藥。迫令學生函告家屬學校種種優點。嚴禁誹謗。昨宵牀牕倒。驀地室扉彈。落月顏疑  
夢。因風翼聚搏。「妙音」初別後。中學二年間。竟苦誅求酷。何嘗設備完。采薪缺治療。搜簡禁嘲訕。此  
類行銜髮。醫言坐鬱肝。彼儉胡可忍。吾病豈相干。天步況危迫。日來將大難。西纔收北緬。東又喪南  
丹。刑賞殊民意。崩離長敵頑。名城亡轉眼。大將厚胡顏。詩思白無敵。銘辭湯有盤。于思都棄甲。囊鑊

不勝鞍與國評翻沸。枯枰局破殘。洛嵩縱馳騁桂柳。失巒嵒齋盜鄰糧。借從軍洞火觀。嫠憂恤周緯。  
商值降齊執。奔命飈轍血驅饑露井。眢骨封山作家齒。掩土成團士也心無鬪。天乎鼻欲酸。凡諸兵禍慘。不許報章刊。謀野情難釋。匡時責敢寬。放懷姑汝置。拭目請君看。撲地皆新築。薰天盡顯官。幾曾思黨義。誰復恤民瘼。展望雲成墨。奔流水下灘。清陰容並坐。情話且交攀。同是天涯客。長言靜裏歡。琴心傳驛疊。詞淚「沁園」滑。澧浦家千里。虹橋路一彎。思親子惆悵。哀逝我汎瀾。有國嗟碁累。  
無家愧錦還。辛勤完學業。黽勉共憂端。風雨多髦俊。文章小玷壙。興亡爭一瞬。婉變奮雙翰。憩坐圖書館。看拋蹴蹠丸。斜陽紅上艇。絕嶂碧驚湍。陸線鷗程並。波紋翠羽乾。嫩晴光漱靄。細雨瀑潺湲。詩句碑題烈。仙緣洞遇慳。歸樵聯婦屐。罷讀散童冠。蒸氣波流白。辭柯葉凍殷。路遺知鈔賤。有人遺失五元鈔票於路  
拾取旁無人 戍斷憫衣單。秋盡容蕭索。民勞命苦辱。忽聞靖黔筑。已告斬樓蘭。塞外陵歸漢。苦守衡陽之方先覺將軍被俘脫歸 軍中虜仰韓。海空援且集。國族運攸關。終轉敗爲勝。相期功補患。窮檐出塗炭。周道去榛莽。政柄公羣衆。人權重一般。霽開霞五色。喜報竹千竿。隄坎輪重越。圓橋洞五環。中興誠密邇。佳景忍盤桓。勿藥吾將已。枚文七可刪。

病中謝董時進閔光前贈袖 三十三年十二月二十一日

綦江之橘蒼溪梨。蜀產不與凡品齊。墾江老農種新柚。中瓢清冽外皮皺。美哉欲奪沙田甘。仙乎合上綏山壽。近郊移植十里黃。不脛乃走盈市筐。補入爾雅名亦香。爾雅釋木柚乃材木非果木眼前突兀登吾几。黃蘇白茹病良已。枝乘七發秋黃之蘇白露之茹……此亦天下之至美也董生爲我謝閔子。昨夜沙場夢多士。安得化爲砲彈萬。三山膽落勝且券。有呼

盡驅醜虜東海邊。安得化爲砲彈萬。三山膽落勝且券。

南溫泉客館度歲

三十三年十二月三十一日

一廩臨水霧當牕。三面看山綠繞廊。今夕辭年驚月色。幾時歸醉話家常。暫寬物絃尋天演。欲潔谿毛薦國殤。概此萬方吾忍老。空留清白對滄浪。

壽陳筑山六十  
三十四年一月十日

我生謝絕人稱壽。亦少詩文壽吾友。諸友索詩懶莫酬。斯言酬董武必兼酬柳子太邱恢恢六十春。天人之際能具陳。半生濩落空道長。嗟嗟吾乃過來人。一臥錦江驚歲晚。梅花應勸加餐饌。一事君須盡百鍾。獨山東去無敵蹤。

菁園四絕  
三十四年一月十一日

小住觀音巖下安。極天金碧得奇觀。出門二百七十級。步步渾忘蜀道難。

風姨與我看山便翦破花垣不等邊。笑問工師此何意。新型一九四五年。  
呼娘學步跌當門。疑是雛孫是外孫。六六齡差父若女。優生學者試深論。  
二十八年長食蔬。室無經卷有妻孥。生生物族權天賦。超絕三民一信徒。

滇西克復送李印泉

根源西歸

三十四年一月十三日

天傾地塌赤縣赤。吾爲義戰吾師直。此局將輸終未輸。西南一著活猶得。怒江虓怒馳王師。騰衝二  
年乃復之。死者萬家今已矣。皤然一老哀千詩。送公西歸棟笑涕。八千餘幾佳子弟。曲石從今磐石安。  
江南血花幾時洗。

爲江綱題石刻名章印本

三十四年一月十九日

完白不作四海闊。浙西六子餘秀逸。二金蟾本未漫漶。吾生雖晚猶飽看。缶翁高年得三絕。書三畫  
二石第一突兀而弁寢饋斯父子。鼴鼴石經室。春花好。綠葉扶。戰急紙絕泥亦枯。君刀吾筆兩踟蹰。  
觀梅汪山范崇實家留題二絕

三十四年一月二十八日

雲外柴扉占半山。長鑄未許主人閒。自兼花木平章事。端合幽居不羨官。  
庾嶺寒烽驛路荒。聊因香雪夢吳闐。軍中老子今何在。萬本梅花一范莊。

借友車上汪山觀梅載花而歸浣谿紗調

花底鋪牋筆著花案頭鉛角兩橫斜。花應憐我出無車。臘盡雙江寒欠雪。春來孤嶼夢還家。  
鶴飛誰與守三巴。

公園二絕維鈞合作 三十四年二月十一日

跨劫風欄接遠蕪。一亭紅倩凍雲扶。公園歲盡荒游屐。寒裏殘陽淡欲無。  
水落沙明鳥欲迴。天驅山色過江來。丁丁樵斧峯頭路。壓雪蹊茅開未開。

黔山血 三十四年二月十八日

長沙二日忽不守。衡陽死守亦莫救。敵騎騷騷及桂柳。市民火梃宵登陴。去去無啓中樞疑。旦日盡  
室無一絲。身爲民望先去之。哀哉流人人一命。行行敢抗將軍令。欲渡無楫出無車。土著猶可客。則  
那。黔山西望森槎枒。蠕蠕一逕奔長蛇。後方飈轂何轆轤。有車載客級凡六。坐者立者各局促。壁廂  
大索絡客腹。窗外秋千舞客足。方丈之頂立百鵠。自餘尤足劙心目。車底版支前後軸。客臥其上動  
則覆。須臾無死死轉速。始信人間地有獄。此非地獄乃天堂。僅乃得之金傾囊。道旁千萬窮餓者逃  
威無所淚如瀉。一擊鐵笛扶搖風。橫衝直搗人潮中。石梁窄窄何能容。蟻羣澗底血濺紅。穴壁納車

通一霎車頂紛紛舞秋葉或碎其顱削其頰死者有魂寧及燭山迴路絕金城江夜車成列衆雜噦轟然巨聲震天發連珠演響爆萬骨道旁居者無一活殺人者誰抑自殺子失其母妻失夫襁負不勝擲路隅神喪魄奪惟怪呼骨肉不識如醉愚亦有仁漿遠莫致遲遲索我枯魚肆朔風連宵山雪霧槁餓不死亦凍殞斯時文武官何在未聞寇至先氣餒人人明哲藏身待斯時百萬兵何爲若者黃巾若赤眉嗟哉敵騎百有奇縱橫劫殺聽客爲獨山拱手瀕上嬉非不桓桓飢且疲一夕數驚寇潮湧筑垣斗大虜萬衆誰歟守者此城甕債軍之將賈餘勇

題畫馬 三十四年二月二十八日

馬乎不幸生天家天閑老汝空長嗟不如上阪服鹽車馳驅汗血勞有加堂上不合散芻豆驚看蹀躞閒槽久不去沙場踏血紅卻立寒牕親翠袖畫者無心筆自工披圖欲拂霜蹄風少陵名句通羣理與人一心成大功

息爭 三十四年二月二十八日

早從不息識天行亦仰猶龍悟不爭憂國心腸三合作照人肝膽兩同盟操戈祇召紅羊慘驅魅應須白日明料得十洲城下日瀋陽一夕悔佳兵

菁園之夜 三十四年三月三十一日

菁園移住又三年。劫外童卯信有緣。別院金絲喧壞壁。層峯鐙火燦圓天。社樓公退風鳴柝。巖市人歸月上弦。聖竹堂成仍比樂。吳頭蜀尾一山川。中華職業教育社有堂  
比樂·渝樂堂仍其名

文化三章贈郭沫若 三十四年四月八日

天地不滅。文化不滅。人類不絕。文化不絕。或箚之口。或奪之筆。人奪其名。我葆其實。文化真美。羣醜忌之。文化真善。偽善畏之。日月經天。誰能蔽之。萬古江河。誰能廢之。文化之田。實生善禾。禾之不熟。民食則那。孰灌之田。無小一勺。一勺之施。惟我與若。

自重慶飛延安 三十四年七月二日

飛下延安城外山。萬家陶穴白雲間。相忘雞犬聞聲裏。小試旌旗變色還。自昔邊功成後樂。延安城  
宋范仲淹築以防西夏者卽今鈴語訴時艱。鄜州月色巴山雨。奈此蒼生空淚滑。

鉢之威歌日本簽字投降之日作 三十四年八月十一日

一丸鉢彈飄空裂。幾千萬人命全畢。廣島長崎取次滅。熱光所射生生絕。余殺人子亦已多。卽今食報理豈訛。匪不縱橫雄一世。恢恢天網其奈何。蒼頭異軍起東北。戰酣終始此一角。大東亞夢今應

覺誰弄珍珠港外兵。誰襲瀋陽城北營。幻想神風翊皇運。荒唐一字開八紘。昭和終入降王伍。墨索里尼誅希勒。希特斃彼宜虜求降一電出江戶。其年一九四又五八月十日之上午。山城狂憚我慘悽寡妻孤子野哭迷九一八後那忍說。如山白骨誰肉之。日月重光旦復旦和平之旅今燦爛。百年四海或好亂何以威之一鉢彈。

痛定詞六首 三十四年九月十五日

余生十七年甲午卽丁國難。九一八禍作。痛國亡之無日。屏棄一切。矢與周旋。抗戰既作。故鄉淪敵。間關流轉。足遍西南。今者河山全復。日月重光。成詩六章。不自覺其哀苦之情。多於懼慶也。

萬國金鐃凱唱回。五雲飛舞勝旂開。山陽歸馬滋心靈。城下牽羊識罪魁。埽穴不曾威斧鉞。挂弓空復上蓬萊。芒芒五十年閒恨。一白神州骨作堆。

北漢山烽忽燭天。大東溝浪欲吞船。蒼黃汝上歸田日。慷慨終生弱冠年。廿一條成圓帝夢。五三案慘始兵連。皇姑一震憑誰問。擢髮何能數積愆。

千年文化一源通。殺羿於今乃有蒙。東海歸帆纔贈策。北營暗箭忽鳴弓。淞濱再戰揚眉後。壁上諸侯昨舌中。忘卻自焚兵火戒。夜郎欲以小稱雄。

八紘一字響言新。樹敵無端偏四鄰。狃勝欲狂成瘞狗。佳兵弗戢毒生民。珍珠港後珊瑚海。小笠原前妻立濱。當日秦謀曾勿用。東西一例豈無人。民二十歸自日本向政府報告日將對我發動侵略主席為動本還不會打不三月九一八雖作一九四一年美大使格魯告美政府日本真欲打某不會知道某能知道證明日軍調查局答日果有此計劃不會成為東京之談話資料不信有此事不數月珍珠港事發

幻想神風折敵旗。坐看落日迫崦嵫。陸空海解三軍甲。蘇美英聯一字V。維音VICTORY Y之簡寫勝利義廣島功收原子彈。浯溪頌妙受辛詞。幾人切腹途窮後。畏罪東條悔已遲。

豈真天意佑中華。痛定祇應閉戶搗。謀國百年休誤國。良家十郡早無家。慎防未死灰重燃。忍見相煎豆泣嗟。苦憶江城驚亂笛。憑君慰問到梅花。

# 天長集姚序（附錄）

（舊桑集中從二十九年十二月至三十一年八月所作曾輯單行本名天長集）

我們結婚後第十天外子黃師囑維鈞作天長集序。

天長集是黃師在抗戰以後的第二部詩集。自民紀二十九年十二月起至三十一年八月止。這一個時期黃師的熱情和血淚總匯在這部集裏。裏邊全部作品維鈞很榮幸地享受了拜讀的優先權。深深感到它的纏綿。它的生動。

從黃師的作品上可以窺見他的抱負。他在社會上服務幾十年。有理想。有計劃。能實行。而也有若干見效的事業。「詩者志也。在心爲志。發言爲詩。」黃師的志願自然也湧現在他所發表的詩裏了。

黃師是富於熱情而又富於敏感的學者。他秉受着這兩種天賦。具有愛國愛人類的熱忱。發表在筆和舌就成爲動人的文字和語言。一般人說應酬詩詞很難見長。讀黃師天長集。其中除自感自惕的詩詞外。頗多應酬作品。他的忠勇和真摯。橫溢於字裏行間。爲公爲私。都是熱情的發舒。

敏感的流露。由此知凡有感而發，因情而抒寫的文藝，總不失為佳作。蕭選詩多贈送酬答的作品，能夠給千古人們的傳誦，也是這個道理。

天長集中有幾首創格。黃師自註：「不拘曲調，直寫情懷，意在去典就俗而無傷於雅。」這一點，維鈞對黃師抱有極大的希望。中國自五四運動後，雖高唱文學革命，然而至今沒有找到一條新的途徑。舊詩既難合時代的要求，新詩又乏易於遵循的軌道。文學是領導社會的，是時代的曉鐘，是民族的先鋒。所以適合時代要求的作品，一方面是代表大眾的呼籲，另一方面又是訴之於大眾的意識。現代文學應領導着社會的一切趨向大眾化。黃師的創格，在抗戰以後第一部出版的《蕙桑集》及目前將付印的這本天長集中，均載有若干首。這些並曾在香港印過專集，名曰《白桑》。惜付淪陷，這雖然是試作，它的形式和精神，尚近於時代的要求。希望黃師繼續努力，在文學史上造好一條新的軌道。

姚維鈞寫於陪都張園

民紀三十一年八月二十七日孔子生日

# 作者所著書目

書名

實用主義小學教育法（黃炎培楊保恆合著）

黃炎培考察教育日記一二集

新大陸之教育

東南洋之新教育

讀第一次全國工商統計

中國商戰失敗史（黃炎培龐淞合編）

一歲之廣州市

朝鮮

白桑

（以上版權）

最近之五十年

發行者

商務印書館

商務印書館

商務印書館

商務印書館

商務印書館

商務印書館

商務印書館

商務印書館

香港國訊書店

申報館

中國教育史要

黃海環遊記

之東

五六境

斷腸集

蜀道

空江集

芭桑集初編

蜀南三種

抗戰以來

天長集

中華復興十講

機關管理一得

商務印書館

生活書店

生活書店

生活書店

生活書店

開明書店

生活書店

國訊書店

國訊書店

國訊書店

國訊書店

國訊書店

商務印書館